

उणिघारा ओळ्छूंतणां

(राजस्थानी - सस्मरण)

डॉ अस्तअलीखा मलकाण

प्रकासक
पुस्तक मंदिर
4 मूली क्वाटर्स
नगर परिषद के पास
बीकानेर 334001

राजस्थानी भाषा साहित्य एवं संस्कृति अकादमी बीकानेर
रे आर्थिक संयोग से प्रकाशित

सगळा इधकार लिखारै रा

पैलौ फाल २००२ ई

मोल १०० रिपिया

टाइप सेटिंग
जागिड कम्प्युटर्स
जोधपुर

छापणहार
कल्याणी प्रिण्टर्स
अलख सागर रोड
बीकानेर 334001

UNIYARA
(Rajasthani Reminiscences)
By Dr Ast Ali Khan Malkan

मायइभासा राजस्थानी

रै

सगळै हेताळूवा अर पढोकड़ा

नै

अतस रै हेत सू

आ पोथी

समरपित

राजस्थानी भाषा साहित्य अरु संस्कृति अकादमी, बीकानेर
रु आथिक संयोग सूरु प्रकाशित

पुस्तक मंदिर, बीकानेर

4, मूली क्वाटर्स नगर परिषद के पास

बीकानेर-334001

विगत

1	मगळौ वा	13
2	रौळियौ	21
3	हेमौ वघाणी	36
4	काळजीभौ	50
5	झोटियौ	59
6	विपळौ	76
7	पन्नी	96

अेरु सखरी सस्मरण फगत साहित री रचना ई नीं व्हे, वो समाजसास्त्रीय इतियास रो अेरु महताऊ अध्याय पण व्हे। भावै 'पन्नी' व्ही भावै 'झोटियो', भावै 'विपळी' व्ही भावै 'रीळियी' लेखक री गैरी दीठ उण पात्र रै सांगै उणरै परिवेस नै ई इण भात उकरै कै पाठक उण पात्र री घणकरी विसेसतावा खुदीखुद जाण जावै। 'विपळी' सस्मरण म्हारै इण कथन री साख भरै। अचळ विसेस री जीवन-सैली, रीन-रिवाज, आचार-वैवार, मान-मनवार, खाण-पीण, जीन-जनावर, आद किनरी ई वाता री जाणकारी व्हिया पूठै पाठक नै लखावै कै वो खुद किणी ढाणी रै मारग बग रैयो रै, कै किणी वाखळ में बड रैयो रै। वो जोगजी ठाकर रै सांगै वेठोडी पन्ने रा अचूमे भर्या कारनामा सुण रैयो रै। जे मौलवी समसेर सांगै विपळी नै दोलन में बद कर'र जमींदोज करणआळा लोगा में सामिल हुयग्यो रै। वो रीळिये री अणूती रोळा रो रस लैय रह्यो रै कै वो आपरै मोरा माथे खाड री दोय बोरिया ऊचाया झोटिये रै सांगै हाल रैयो रै। म्हें पाठक रै इण भात रै 'इन्वोलवमेन्ट' नै लेखक री जवरी सफलता मानू हू।

डॉ श्री मलकाण राजस्थानी रा लूठा लिखारा रै। वा री भासा में आचलिक ओखाणा रो सुभाविक प्रयोग तो हुयो ई रै पण केई वेळा विना कैवता-ओखाणा रै उपयोग कीधा ई लोक-कथन सैली रै पाण वै चमत्कार उत्पन्न कर देवै। इणनै डॉ श्री मळकाण री भासा-सैली री निजू ओळखाण कैयी जाय सकै।

ओ सस्मरण सग्रे राजस्थानी साहित री सस्मरण-सिरजण धारा में आपरी ठावकी टोड वणावती थकी डॉ श्री मलकाण री कीरत नै वधावेला इण माय म्हने रती भर ई सको नीं रै।

लिखारै रा दो आखर

मिनखजमारौ घणी भात रौ। ओ कठै ई कोजौ तो कठै ई सातरौ। मिनखा री परकत न्यारी न्यारी नै उण परकत मुजब वा री कमज्यावा ई कैई तरा री। मिनख रा अै कमतर नै कमज्यावा मिनख रीज दीठ में हळकी-भारी, ऊची-नीची, चोखी-ओखी, सरावणजोग-विसरावणजोग मतैई बणगी। स्रष्टि री उत्पत सू लैयनै अजूस ओ ई क्रम समाज में चालतौ आयौ। समाज में सैंग तरा रा मिनख लाधै। कैई ग्यानी कै तो कैई मूरख। इण धरती माथै सूरा नरा लाधै तो कायरा री ई तोटै नीं। अडीजत बळ विक्रम अर अराडी आकूत रा धणी लाधै तो धाप नै कळहीणा री कमी पण कोनी। कैई आपरौ चरितर ऊचौ चाग नै अनीत करमा में पुरजोर लागोडा तो कैई चरितर रा धणी नै नीति अर धरमतणै कामा में आपरौ जीव रमायोडा। कैई रात-दिन भगवान नै जपणिया तो कैई आठू पौर कोजोडी कमज्यावा सू खपणिया। कैई पाप करणिया तो कैई उण सागै ई पाप सू डरणिया। कैई नेमी धरमी तो कैई मोटा कुकरमी। कैई भोळा-ढाळा तो कैई मा' ओटाळा। कैई हक हलाल री खावणिया तो कैई परधन गटकावणिया। कैई साप्रत मिनखपणै री मूरत तो कैई पाखडी, दभी नै धूरत। कैई लाधै दुख पैदा करणिया तो कैई उणीज दुख नै हरणिया। कैई मिनख कै ज्यू विरखा में अेरड तो कैई लाधै ज्यू जिनावरा में फेरड। कैवण रौ मतलब ओ कै आपणै समाज में हर तरह रा मिनखा री सैंग बानगिया लाधै।

मिनख री जिनगी घणी लावी कै। आपरौ जिनगाणी में बो कैई तरा रा अनुभव हासल करै। उणनै घाट-घाट रौ पाणी पीणौ पडै। पेट खातर देस-परदेस

में भटकणी पडै। उणनै कैई तरा रा कमतर करणा पडै। आ सगळे क्रमा में उणरी वास्तो घणे मिनखा सू पडै। आपरी जिनगी में वो कैई उन्हा-ठाडा वायरा देखै। उणनै जिनगी रै उतार-चढाव आळै मारणा सू गुजरणी पडै। इण तरा जिनगी आळी जात्रा में उणरो कैई मिनखा सू सजोग वणै। आ मिनखा में कैई मिनख ओडा कै जिका में की न की कोई खास मेताऊ वात कै जकी दूजोडै मिनखा में नी लाधै। आ खास वात इतरी परभावसाळी कै कै अन्तस में उण खास वात री पडविम्ब पडनै अडीजत पयकौ रूप धारण करलै। वो परभाव हिरदै में नेखम वण जाय। अतस माथै अै पडविम्ब ओळखाण री ओडी छाप छोडै कै वा ओळ्यू वण जावै। इण ओळ्यू नै मिनख आपरी जिनगाणी में कैई नी पातरी। आ ओळ्यू उणरै हिये में माडणा री ज्यू मड जावै। अै पडविम्ब और की नी कै, उण मिनख री खास कमज्यावातणी ओळखाण कै। विजोग व्हिया पछै मिनख नै फुरसत री वेळा में उणरी ओळ्यू आयै टाळ कद रेवै? ओळ्यूतणा चित्राम आखिया धकै साप्रत रूप सु धूमण लागै। अै चित्राम ई वण जावे-ओळ्यूतणा उणियारा, ओळ्यू री अखियाता अर ओळ्यू री कहाणिया।

म्हारी अडतीस वरसा री अध्यापक जूण में प्राइमरी सू लैयनै सीनियर सेकण्डरी ताई पढावण री काम पड्यो। गाव कत्वा अर सै'रा में सैग ठोडा जावण री ओसर मिल्यी। आपणी सस्कृति रा परतख दरसन म्हनै गावा री जिनगाणी में ईज व्हिया। म्हें विना लाग लपेट साफ कैय सकू कै आपणै राजस्थान रा गाव आपणी सस्कृति री धरोड तो है ईज पण साथै ई साथै मिनखपणै रा सातरा मिदर ई है। आ मिदरा में अजै ई मिनखपणी लाधै क्यू कै अठै पिछमाद आळी अपसस्कृति री पगफेरी अजै नी दियौ। वै अजै इणसू अछूता है। गावा आळी सस्कृति सू म्हें घणी प्रभावित हुयौ अर म्हारै अतस माथै इणरी छाप अमिट रूप सू अकित कैगी। गाव री जीवन म्हनै घणी दाय आयी नै प्रभावित करियो। गावा आळै सेवाकाळ में म्हनै जका अनुभव तो व्हिया जका व्हिया पण मिनखा सू सजोग अर विजोग री क्रम ई भेलौ चालती रैयौ। न्यारी-न्यारी ठौडा माथै न्यारै-न्यारै मिनखा री नी भूलण जोग वाता म्हारै अतस में ओळ्यू रूप में जमा व्हेती गई। कैई घरस व्हेगा, अै सगळा चित्राम हिये रै माय पड्या-पड्या अमूजै हा पण

बगततणी अबकया कानी सू म्हेँ खुद ई आ चित्रामा नै बारै काढण में देवस हो । अब कली फुरसत री घडिया आई नै म्हेँ बा विखरियोडै ओळ्खूतणै चित्रामा ने हेकी ठौड लायनै ओक ई हार में पिरोवण री सराजाम करियो ।

ओळ्खूतणा दरसाव कथ रै पटल री पसराव करियोडा केडाक बण पडिया है, इण बात री निरणय तो सुधी पाठका नै करणौ हे । लेखण रा पारखू तो पाठक ई हुया करै है । पाठका नै जे कठै इण पोथी में किणी तरै री भूल चूक निगै आवे तो वै म्हेँ उण भूल सू सावधान जरूर करैला जिणसु भूल री सुधार कै सकै । मायडभासा रै पाठका रै हाथा में आ सस्मरणा री पोथी देवता म्हेँ घणौ हरख कै । पाठका नै जै औ सस्मरण दाय आया तो म्हेँ म्हारो सम सारथक समझूला ।

-डॉ० अस्तअलीखा मलकाण



मंगळी बा

जिनगाणी रा अस्सी वरस गिट्यौडा मंगळी बा गाँव में सै सू पुख्या मिनख ।
उन्हा-ठाडा बायरा रा घणा दोटा दीठोडा । बतळ सारु कदी-कदी वै म्हारै गोडै
आ धमकता । हाथ में गेडी, खवै माथै अगोछियौ न्हाख्योडो, गोळ थोळो पोतियौ
वाघ्योडा, गोडा ताई लट्टै री थोळी धोती ने उणीज लट्टै री थोळी धक्क अगरखी
पैरियोडी वै अळगी भा सू आवता ई छाना नी रैवता । वा नै आवता देखनै म्हारौ
हियौ वासा उछळण लाग जावतो, क्यू क वा री बाता में म्हनै घणौ आणद अर
रस आवतौ । वा री चरितर ई दूजै मिनखा सू क्री न्यारौ-निरवाळौ ईज हो । मंगळी
बा साफ सुथरै भोळै दिल रा आदमी । वा री बाता में लगार ई लाग लपेट नी ।
कूड वारै सारु अफीण जेडी । किणी मिनख री आगी-पाछी करणे री तीन तलाक ।
दगै-कपट सू कोसा दूर । आपरी'ज राव पीवणिया । बारै माय सू अकसा । चुगली-
चाटी करण आळी रात ई जलम नी लियो । सावोडी बात सभा रै माय खळकावता
जेज नी करै । भलाई किणनै इमी जेडी लागौ का डाम सिरखी, मंगळै बा नै की परवा
नी । परवीती सू घरवीती कैवण रो इधका सुभाव । वा री जेडो खत उजळौ वेडौ ई
माय सू अतौ । ओईज कारण के आखे गाव आळ वा नै आदर सन्मान घणौ देवे ।

मंगळी बा जेडा चरितर रा धणी हा, वेडा ई डील रा धणी । सवा छ फुट
रै लगेटगै डीगा । हाथ पग नाक कान उमर गैल खीण जरूर कैगा, पण अजू ताई
वा में अेक परोख आपाण री झलक निगे आवे । वारा अग-अवयव जाणे वारी
जवानी रै गाढ री कहाणिया कैवता लखावे । म्है गाव रै घणकरै मिनखा रै मूडै स
मंगळै बा री जवानी आळे गाढ रा परसग सुण चुक्यौ हो । लोग कैवता के
वारै-वारै कोसा री भा में मंगळै बा री जोड री मल्लजोध म्है तो नी दीठो । मंगळी
जिकण सू खसियौ, धकनौ तो समझलौ वापडौ जम री फास में फसियौ । राघड में

गाढ री पार नी। कुस्ती रै माय मगळी गाव री नाक कदैई नी कटाई। मल्ल आवता पाण सामले नै धूळ चटाई। कुस्ती में मगळी कदैई आप रै मोरा रै धूळ नी लाग दी। किणरी मा अजमो खायो जको मगळे नै पटक दै। मगळी जिण सू इ भिडियो उणने दिन में तारा दिखाय नै छोड्या। दिल्ली फकीरा जोगी तो अवे वही है। नीतर किणी वगत मगळे रा पत्थर तिरता। दिन लाग्या तो देवळ ई डिगै, मगळे नै के वराज।

मगळी वा म्हारे गोडे आय नै राम-राम करी। म्है मोळ्ळी आवकार देयनै वा नै माची माथै बैठाय। वै आपरो गेडी अक खुणे में ऊमी करनै माची माथै आडा देगा।

“पाधरा ढाणी सू ईज आवता हो क और कठी नू आया?” म्है पूछ्यो।

“नी माडसाव। म्है तो मूळै री ढाणी ऊ आयो। आपनै ठाईज कैला क मूळै री मा डोकरी गवरी राम करगी, बैठण सारु गयो अर वठा सू ऊठता ई आपरी ओळू आयगी, वुओ आयी।

मगळी वा। ये जबर मैर करी। दो च्यार घडी बतळ करनै जीव सौरी करस्या।

नसै-पते कानी सू मगळी वा मुगत व्हियोडा। अत्र रै टाळ की दूजो नसौ नी। चूकता नसा वा रै सारु अलीण।

म्हारे आ भी बात सुणियोडी क जवानी में मगळे री डील धुधकी न्हाखे जेडी हो। काथी जाणै पाडे रो तो डाकी रो बुक्क सिध रै जोई। वूकिया वजरघट्ट अंडा वणियोडा जाणे वेमाता रै निकमी वेळा में बैठनै नेहचे सू घडियोडा। गोळ मूडे माथै मूछ भौहा सू वाता करे, पण बडापणो इतरो क मगळी आपरै गाढ माथै कदैई गरव गुमेज भी करे। वळ अर विक्रम रै धणी रा बे दिन कुनै ई पदडका देयगा। काळगति रै चक्कर सू अवै तो मगळे वा बूढा व्हेगा, लारला दिन लारे रैग्या।

खासी ताळ तो वै घर गिरस्थी री वाता में अळूझ्योडा रैया नै पछे अक लावी निसासो न्हाखता थका वोल्या-

माडसाव। म्है इण वगत नै निवण करू। वगत दुनिया में बडो वलवान है। ओ बुढापो भिनख री जिनगाणी री सै सू मोटी रिप है। आज जदै जवानी आळै

दिना रा चित्राम आंखिया सामी आवै तो काळजौ कठा में नी मावै । जवानी में आधा
 व्हियोडा कदी ओ विचार तक नी करियौ क कदैई ओडा कोजा दिन देखणा पडैला ।
 पण औ सगळी वाता वगत वणावै, इणमें फरक नी ।

म्हें मगळी वा री वात री समरथन करती कही-हा मगळी वा! आपरी वाता
 सोळा आना साव । वगत री तो लीला ई जवरी है । वगत सै की करावै । रक ने
 राजा वणावै अर राजा नै जे चावै तो रक वणाय दै । देखी मगळी वा! ओ वगत
 रावण, कस, सैसवाहु, भीयौ पाण्डु अर हडमान जेडै जोधा नै इण पिरथी माथ सृ
 खळाडळा कर न्हाख्या । मोटा मोटा भूपत आज लुपत कैगा । आज वारी घौरा री
 ई पती नी क वै किण जागा दफणीज्या । वगत री सवळापी ने सकळापी नै कोई
 नी पूरै । इण सारू ई कोई भलै मिनख कयौ है-‘वगत सू मिनख नै डरणी चाहिजै ।’

मौकी ठीक आयोडी जानै म्हें मगळी वा नै कही-आज तो मगळी वा थे थारी
 जिनगी में लडियोडी कोई सागेडी कुस्ती री अेकध वात सुणावी जिणसू आणद आ
 जावै । आज थारी आपरी कुस्ती री वात थारै आपरै मूंडे सू सुणण सारू म्हारै हियै
 में इछ्या जागगी ।

मगळी वा माची माथे आडा व्हियोडा हा, भच्चदेणी बैठ कैगा । वै चिनीक
 जेज तो मौन बैठ रैया नै पछे ओर मोटी खिखारी करने वेल्या-माडसाव! जे आपरौ
 मन इण वात नै सुणण सारू इतरी अधीर कैगी तो म्हें आपने म्हारी अेक दो
 कुस्तिया रा किस्सा सुणाय दू । मगळी वा आपरी वात माडी-

यू तो माडसाव! म्हें म्हारी जिनगी में कैई खसणहारा सू खसियो पण म्हारा
 दो च्यारेक मल्ल खासा जवरा रैया जका म्हने अजै याद है । वात खासी पुराणी
 कैगी, पचास बरसा रै लगैटगे । वा दिना म्हें भरपूर मोटियार, तीस बत्तीस रै
 लगैटगे । वै तो माडसाव! दिन ई दूजा । अरड जवानी । बूकिया में गाढ मावे नी ।
 छाती आळी कूत जाणै ऊफणै । जवानी लोढे चढियोडी । अबर साव नारेळी जितोक
 दीसे । जोवण री खुमार चढियोडी । वा व्हियोडी क “म्हने घडगी जकी वाड में ई
 बडगी ।” आपणै गाव रै आथूणै ओरण में गोगोजी रै थान माथे जोरदार मेळी
 भरियोडी । घणी-घणी भा सू खचियोडा लोग इण मेळे में आवै । गोगोजी रौ परचो
 भारी । मेळे में जावण सू दोय लाभ । मिनख आपरी जरूरत मुजब चीज बसत री
 खरीद ई करले अर अळगले भाई सैणा सृ मिळणौ ई कै जाय । म्हें इण मेळे में
 सालूसाल जावतौ । इण बरस म्हें नौ जणा आपणै गाव सू मेळै गया । म्हारै साथै

खेती चोधरी, लिखमौ राईको, वगडू विशनोई, जेटी भील, अमरी सुथार, फूली लुहार, पदमौ कुभार नै रहीमो तेली हो। मेळें में पूगता पाण म्है सीधा धान मावै गया। गोग चढाण नै नारेळ चाढ्या नै पछे मेळें में फिरण लागा। मेळें में मिनख मावै नीं। अणूतौ ई मानखौ अडवडे। भात-भात री दुकाना लागोडी नै तरा-तरा रा खेल-तमासा मडियोडा। म्हाने थोडीसीक अळगी भा खासी भीड निगे आई। म्है सैंग जणा उण भीड कने पूग्या। मिनख अेक मोटो गोल घेरो करियोडा ऊभा। म्है अजूस अेडो दरसाव दीछो नीं हो। उण घेरे रै बिचाळै अेक डील री घणी मिनख होळै-होळे चक्कर काटे। उणरे अेक पग में साकळ घाल्योडी जकी दो चालै जद भेली ठिरडीजे। म्हाने उणरै इण कमतर री कारण नीं लाघी। पाखती ऊभोडै अेक मोटियार नै म्है पूछ्यो-“माटी ओ के कौतग है?”

दो मिनख बोल्थी-“भाया! ओ अेक नामीगिरामी पहलवान है। ओ चावै क कोई इण सू खसै-मत्तलख कुस्ती लडै। जिणनै इण सू भिडणो व्हे, वो इण साकळ माधे आपरी पग मेलदे। पग मेलताई ओ पग मेलणिये नै बोकर लेवेला अर दोना री कुस्ती व्हे जावैला।

ठीक आ बात है। अबै भेद लाथी। साकळ आळो भेद लाथता पाण माडसाव। म्हारै अतस रो पहलवान जाग्रत व्हेन अेडो भीभरियो के म्है वेकावू व्हेगो। म्हारी बोटी-बोटी नाचण लागणी। डील री रुआळी ऊभी व्हेगी। सगळै डील में झाळ उपडणी। म्हनै बिडाळी छुटगी। वृकिया फाटे। अेक चढे ने अेक ऊतरै। तमोळ अेडौ आवैक इण पहलवान री पहलवानी धूळ में मिलाय दू। अेडौ रटकौ करु क कुत्ता ई खीर नीं खावै। ओ मल्लजोथ तो पातर नै ई इण गाव में भळै नीं आवै। गाव री नाक फाटनै जे ओ जावै तो आपा जीवता ई मुवोडे जेडा। आपणा तो मा रा वृगियोडा हाचळ अळिया ई गया। म्है उण घेरे में जावण री पुरी खप्पत करु पण वगडू नै रहीमो म्हनै सैठौ ज्ञान लियौ। वे तो अेक ई रट लगावै क ओ अळगनी पहलवान है। नीं ठा इणमै कितरी गाढ है? इणरै टाळ इणनै दाव पेघ ई घणा आवै। आगी वळण दै। आपणे इणसू नीं खसणी।

म्है जदै उण पहलवान सामी झाप्थी तो वो तो मिज्याज में ई नीं मावै। गुमेज सू भरवोडौ खुद नै हडमान सू कम नीं समझै। म्है बोल्थी-वगडू दू अर रहीमो म्हनै अपे छोडौ। म्हनै तो बस इणरी टरड भेटणी है। ओ कितौ पाडुपुतर भीयी है?

अेडी गाडरा तो म्है कैई दीठी है। म्हारी घणी जिह सू वै दोनू ई म्हनें छोड दियौ। घेरे में जावती बगत रहीमो नै बगडू म्हनें इतरी भोळवण जरूर दीनी क सावचेत कैडौ रेवै। औपरौ मिनख है।

म्हें घेरै में जाय पूगो नै पहलवान रै पग में ठिरडीजती साकळ माथे म्हारा पग रोप दिया जाणै रावण रै दरवार में आपरा पग अगद रोप्या हा। साकळ माथे पग धरताई पहलवान म्हारे सामी घूरनै देखियौ जाणे कैवतौ कै-क्यू मोत नै नूतो देवै? पहलवान आपरे पग री साकळ खोलने अळगी न्हाख दी। म्हारै सू हाथ मिलायौ-

म्हारो नाव धूडौ है अर सामलै ने म्है धूड भेलो करतौ जेज नीं करु। पहलवान बोल्यौ।

म्हारो ई नाव मगळो है अर म्है ई घक्ले ने मगळ मेलतौ दमेक लगाऊ। म्है पडूतर दियौ।

आ बोला साथै ई म्है दोनू भिडग्या। धूडो कुस्ती रौ खासो कारीगर हो। म्हनें रेडण सारु खासी अटकळ काम में ली पण पूरो बळ लगाय नै म्है उणरै दावा-पेचा साथै पाणी फेर दियौ। वो आपरै हातळ रौ पूरो बळ लगाय नै म्हारली घाटकी नै लाळण रो जतन करे उण पुळ में म्है म्हारे हाथ आळी पजो उणरी हिचकी रै हेठे देयने ऊचो अेडी करु क लाडी रो थोवडो आभे सामी कै जाय। सामी जौवण रा सपना ई आवै। अेकअ थ बार उण वगली ई मारी पण दाळ नीं गळी। ओछाणौ कूडो नीं है कै बळ थके बुध वापडी कै जाया करै। म्है तो आव देख्यो न ताव, लपक ने दोनू हाथा सू उणरी कमर कस ने पकडली। दोनू पजा नै काठा कस लिया धूडौ अेडौ कावू दियौ जाणै वळद पजाळी में झिलियो कै। दोनू हाथा सू मुरडता ई पहलवानजी सीधा सणक कैन म्हारी छाती सू चिपकग्या जाणे-घणे दिना सू गळै मिलता कै। सीधौ होवता ई पहलवान नै दूगळी साथै चाढनै अेडी फेरियौ के पडतै रौ हब्डीड वाज्यौ। वो चित्त तो दियौ जको दियो पण भखेतणी जोर री आछट लागण सू बेहोस न्यारौ कैगौ। धूळ भेळा दियोडा धूडोजी नै मिनखा खासी ताल मसळिया जणै कठैई धूड सू उठनै बैठा दिया। धूडे रौ साथै धूड में करनै म्है सैग जणा आपणे गाव आळी डाडी पकडी अर ब्याळ टाणै ताई ढाणी आय पृग्या।

धूडे आळी बात पूरी करनै मगळौ बा थोडोक फूकारी लियौ अर भळै केवण लाग्ग-

माडसाव! आज सू चाळीसेक वरस पैला री वात है। आपणे गाव में पोंकर चौधरी री ढाणी में होळी री रैयाण। गाव रा नेना-मोटा घणकरा मिनख पोंकर री ढाणी में भेळा व्हियोडा। ढाणी री वाखळ रै वारै मोटोडे नीमडै रै हेठै ठाडी छिया में मिनख गदा, भाखला नै भात भतीली दरिया विछायोडी वैठा। केसरियौ घोटीनै नै मिनखा री डोढी मनवारा न्है। खरळ, घोटा अर पोता वाटकिया, गळणी सैंग आप-आप री ठौड जुगत सू पडी। केई गाळियोडौ पीवै तो केई नान्हा नुकरा करियोडा मूँडे में दावै। सभा में केई मोटा कडीर ई वैठा। अमल री झेरा में वारा नाक जमीन सू बाता करै। अमल सू घूच व्हियोडा केई जणा बाता रा टोळ गुडावै तो केई बधाणी भाखला माथे लावा व्हियोडा नींद घुरावे। चिनीक छेटी सू छेरा कबडी माड राखी। मोटोडा री देखादेख नेनकिया टींगर ई कबडी रौ पाळी माड राख्यौ ने रम्मत करे। हयाई जोरदार जुडियोडी। चाय अमला रा धोपटा उडै। नूवौ दिन। सैंगा रै मूडे माथे नूराणी। म्हें ई बा मिनखा में वेठी। मझ देपारा रौ टाणी व्हियो जद पोंकर देपारौ करावण री तेवड करी। देपारै में मोठ बाजरी रौ खीच अर उणमें धी। साथै गळवाणी। केई बूढा ठाडा हा, वा सासु रोटिया और ओलण छाछ आळी खाटी। थालिया परोसीजी अर नेना-मोटा सैंग जणा देपारा करिया। देपारा करिया पछे लोगडा पूठा हथाया में लागगा।

जोग-सजोग सू उण मौके माथे अळगलै गाव री अेक आदमी आ धमकियौ। सगळा सू राम-राम करनै वो रियाण में वैठगौ। नाव उणरो पेमी। पैमै नै ई देपारौ करायौ। पेमी डील अर गाढ दोनू रो धणी। रग पक्कै। कद कट्टी सागेडी। जवानी ढळियोडी पण बुढापौ खासी अळगौ। कुस्ती रौ पक्कै रसियौ। मिनख री बातचीत उणरा हाव-भाव, अर बौवार सू उणरी परकत री ठा पड जावै। पेमै रै पाखती वैठोडा मिनख तुमार कर लियौ क पेमौ कुस्ती लडण रो की सौक राखती दीसे।

“क्रीर पेमा! थू ई कुस्ती लडण रौ की सौक राखे?” पाखती वेठी लाघू पृष्ठ वेठी।

“खासी सौक है भाईडा!” पेमौ पडतर दियौ। पण म्हने तो इण रैयाण में म्हारै सू दो-दो हाथ करै जेडौ कोई निगै नीं आयौ। म्हें आयौ तो धणी हूस लेयनै हो पण म्हारी हूस हियै में नियोडीज पाछे जावणौ पडसी, अेडौ ई टगढाळी दीसे। पेमौ निसासी नाखती चोत्यौ।

“आछी फिक्कर करियौ बावळा! आज नूवें दिन रा, धू लावी भा सू आयोडी मूगी मिजमान, हिये में कुस्ती लडण री बळवती हूस लियोडी जे पूटी निरास वैन जावे तो म्हे मिनख जमारे ई क्यू आया? मा रै ओदर में नौ महिणा लोटने उण जणणी नै क्यू दुख दीनौ? मा रै हावळा री इमी सरीखी घोळी दूध जिकण नै घूग्यो अर जलम आळे दिन लुगाया जक्री थाळी बजाई आ दोनू ई वाता रो के वणै पेमा? इतरी मोटी सभा में कोई न कोई भाई री लाल अवस लाधैला। रोवतै नै वाऽऽर घालतौ लाप जाया करै। आळोच करै जेडी बात कोनी।” मगळी बोल पड्या।

पेमा मगळी नै खरी भीट सू झाक्यौ। समझग्यौ क म्हारै सू खेटी करणियौ ओ ई है।

पेमा ऊभी व्हेगी। म्हें डील कस जेडी कद री। म्हें दोनू जणा साफ सुधरी जागा में आयनै ऊभगा। दोनू ई डीगा नै डाड तो सरीखा पण पेमा री रग घणौ पक्की अर डील कडतूई री ज्यू अगळ-डगळ होवण सू अणूतौ कोजौ लखावे। मिनखा रै हसण व्हेगी। कुस्ती देखण रै कोड सू छेरा ई आपरी कबडी री खेल छोडनै वा मिनखा में आय मिळिया। म्हु अर मगळी आमी-सामी किया।

“ओ पैलडी ईज क्रम है क प्रैला किणी मिनख सू खसिया हा मगला?” पेमा पूछियौ।

म्हें बोल्पाँ-“पैलडी काम तो नीं है पेमा। कैई धतरजी म्हारै हाथा सू धूड चाटनै गिया है। घणा जणा नै म्हें माथैतणा, भखैतणा नै दूगळीतणा ले लेयनै हविन्दा बोलाया है जका वा नै स्यात अजै याद व्हेला। अेक जणै नै तो दूढतणी अेडी हवीडियौ कै यापडै री वूझ आथ घडी सू दूर व्ही। कैई जणा आपरा चूळ ढीला कराथ नै नैहचौ करियौ है। घणै भाया रै मोरा री खुजाळ भागनै छोडी है। कैया री अमूज दूर करनै वा नै हळका करिया है। म्हारै सू कुस्ती आयने कैई भाई तो भळे कुस्ती नीं आवण री सकळप ले लीनौ।”

अवै पेमा नै म्हे हाथ मिलाया। हाथ मिलाता ई म्हें पेमा रो गाढ तोल लियौ अर उणरी कूत पिछाणली। म्हारे खसण री अेक रटके ई न्यारी भात री दिया करतौ। भिडिया पछै म्हें धकलै नै औसर नीं लेवण देवतौ। कदी बगली, कदी फ्रीचियौ, तो कदी गावड लारै पजै आळी अडीजन्त अराडी झाट। अै दाव लगोलग अेडी फुरती सू चालता कै देखणिगा हेप सू आपरै दाता हेठै आगळिया दवाय लेवता। म्हारी इण राफटरोळ सू धकलौ तो बगनौ व्हेयनै ओचट में पड जावतौ।

मैं कैई बार कैद दाव काम में लीना पण रागम रै बचिये रै उपिचार पेमें वख में नी आयी। पेमी ई मारि सिर बाधे जेती। मैं डाढ-डाढ तो पेमी पान-पान। मैं जकी दाव तू उणने आगूच ओढख नै विफळ कर न्छी। मैं अढूयाड में पडग्यी। अउ इण पनीत नै किण मिथ कानू करा? आज तो अेरु अणवड टांड सू बाधेडो कर लियो। आज ओ जम पाने कंडो पडग्यी? सुग्रीव रै कइवै री क ज्यू ओ कित्त ऊ आयी? भगवान ई वेडो पार करे। मैं जाणग्यी क ओ पूत पू सारे सास बख में आवण आळी नी है। इणरी तो जे भोडनी मारी काय में बिन जाय तो म्हारा मनचित्ता पूरा है। खसता-खसता सेउट पेमें री भोडनी म्हारी बगन में आयगी। पेमी आपरी माथी कढावण री चप्पत में पाछ नी राखी। पण म्हारा बूझिया तो सुधार आळे सिरुजे रै जोडे। माथी तो अउ के छूटे, छूटे तो पेमें री पेट भनाई छूटी। अवे मैं पेमें नै म्हारे कराटे रै बळ सू अेडी सिरतणी पछाड्यी के उणरी भोडकौ, आधोक रेत में कळीजग्यी। मोरातणी करने मैं उणरी छाती माथे बैठगी। खासी ताळ उणने उन्ही बाळू में रिगदोळियी। मिनखा म्हने घणा-घणा धिनबाद देवता ऊचाय लीनी। पेमी उठने नीमडे री छिया में बैठगी।

“वाह रै मगळ वाह।” बैठेडे मिनखा माय सू खासा जणा अेक साथे बोल्या।

आपरी कुस्तिया री अे दोनू वाता विगत सू कैयने मगळी वा चिनीक टेम मौन कैगा। वै विचारा में खोयगा के वै वाता कित्तरी लारै रैयगी। वा नै तो अवे घोडा ई नी पूगे। वै आपरी गेडी उठाई नै जावण री तेवड करी। अेक मोटी खैखारी करियी नै म्हारे सू राम-राम करने कीर कैगा। मैं आपणी सस्कृति री परपरा नै पाळती खासी भा वा ने पूगावण ने आयी। मगळी वा ढबग्या, म्हने पाछी मेलण सारु।

“माइसाव! अवे आप पूठा पधारो। कदैई भले आऊना।” मगळी वा बोल्या।

मगळी वा पगडाडी माथे होळै-होळे डग भरता आपरी ढाणी रै साथीके जावे हा। म्हारी आखिया में वा री जवानी रा चित्राम फिल्म री रील दाई धूमै हा। सोच्यी-मल्लजुड रै माय आपरी जवानी में कैडो वेजोड राघड हो मगळी वा। मैं आज भी सोचू के नूवी पीढी में कोई होवैला अेडो मगळी वा?



रौलियो

“आज तो टीकू राईके आळी विचोटियो छोरडौ आपरी पुळछ आळी डीगोडी खेजडी माथे ऊ दूढतणौ बडौ कुजरबौ पड्यौ। वापडै रै खासी लागी वतावै।” भोमौ म्हारै कनै बात करी। रतनौ, फूलौ, सुरतौ नै बळ्खतौ म्हारै कनै ऊभा रैया। वै टीकू आळी ढाणी जावे हा।” भोमो भळे कह्यो।

न्है भोमे सामी झाकनै बोल्यौ-“भोमा। वापडे टीकू रै बातडी कावळ बरतीजगी भाईडा। बस्ती में भेळा बैठा हा, घडीक आपा ई जायनै आ जाया।” भोमौ हा भरली।

न्है दुरग्या। टीकू आळी ढाणी खासी अळणी ही, न्है दोनू बतळ करता-करता आथेक घंटे सू जाय पूग्या। ढाणी में बडताई बाखळ में डावै हाथ फानी गै रो नीमडौ। नीमडै रै हेठै ठाडी छिया में अेक खटली माथे राली बिछायोडी नै उण माथे छोरडौ सूतो। ओसीसे री ठोड अेक जूनौ रलकियौ चौलडौ करनै माथे हेठै दीनोडौ। दस वारेक मिनख माचै रै ओळी-दोळी बिछायोडी भाखलिया माथे बेठा।

“कीकर टीकू छोरडै रै कितरीक लागी?”

“लागण रौ तो भोमा, आपानै के ठा पडै? खेजडी खासी डीगी है, दूढतणौ पड्यौ, स्यात कडकोड आळी हाडी जखमीजगी दीसै। लिखमै मेघवाल नै बुलायौ है, वो खासी समझदार है। दूटै भागै रौ बडौ उस्ताद है भोमा।”

“अबकाले म्हारी तो गिरह दसा ई अेडी आई है भाईडा, कै केवणी नीं आवै। दसेक दिना पैला तो भैंस अेडी वैमार व्ही कै म्हारी तो रोटी ई छूटगी। कैई भोपा भरडा कनै आखा लेयगौ, पण रोडौ सावळ नीं दिह्यौ। पछे पोकर रै केवण सू रोडियै नै जिनावरा रै सफ़खानै लेगौ। डाक़दर देखनै दोय तो सुइया लगाई नै की दवाया

दीनी। पूरे पाच सी रिपिया री घरडक्के लाग्यो जदे जायने रोडी पगा दियो। लगता ई ओ छोरडी खेजडी माथे ऊ ठोक्कीज नै आपरी दूढ भागली। भोमा। छोरडे री दूढ तो के ठा भागी का नीं भागी पण म्हारी दूढ तो इण भाग ई काटी।" टीकू री गळी भरीज्यो।

म्हें उणने थावस वधायो। "टीकू। ओ सगळी वाता जोग सू वणे। बावळा। दुख तो मिनख में पडती ई रेवे। यू जीव नेनी नीं करणो। मरद नै हिम्मत राखणी चाहिजे। लिखमें ऊ पाटा-पीडा करावो, छोरडी ठीक हो जासी। घणी आनोच नीं करणो। आपणे गरीबा री चेली तो वो ऊपरली सावरियो ई हे। सँग वाता ठीक वणैला।" टीकू नै हिम्मत वधाय म्है नीमडे नीवे वा मिनखा भेलै बैठगा। टीकू आयोडे मिनखा रै चाय पाणी रै सराजाम में लागगो। टीकू चाय आळी देगडी लायने नीमडे हेठे मेली अर पाछी जायने वाटकिया नै चाय छाणणियो लायी। सँग जणा नै चाय पिलाई। सगळा चेली चाय पीवे हा, इतरेक में रीळियो ई वित आयगो। कैई जणा उणरै सामी झाकनै रैयगा तो कैई जणा हसणो पोळाय लियो।

रीळियो अेकी छेडे बोलौ-बोली बैठगो। उणने देखने पद्मी बोल्यो-"म्हाटी वेमाता इणने घडियो उण दिन पूरी मगन व्हियोडी व्हेला। कैडी गतवापरी नै कोनो नग घड परौ नै मेल्यो हे आपणे गाव में। अेडी तो बारै-बारे कोसा री भा में सोधियोडो ई नीं लाधे।"

"म्हू जाणू-अटि पगा री अेडी बिडरूप टाट पूरे चोखळे में कोयनी।" चेनी बोल्यो।

पदमें अर चेने आळी केणी कूड नीं हो। रीळियो हो ईज अेडो। इतरौ कोनो नै बिडरूप कै देखता ई मिनख नै हसी आयै टाळ नीं रेवे। रीळियो डील में साव कोती। डीगो पाच फुट रै माय। माथो नारेळ आळी टोपाळी रै उन्मान चिन्योफ, जिणरै माथे जट वधियोडी नै अळूडियोडी अेडी जाणे चिडिया री माळी। आंखिया झीणी-झीणी जाणे चिरपोटियै रा बीज व्हे ज्यू, नै वे ई ऊडी बैठोडी। नाक खासी मोटो पण फीडी। टागडिया टीटोडी री व्हे ज्यू। हाथ डोयलियै जेडा। दात उदरियै रा व्हे ज्यू नेना-नेना नै साव पीळा पडियोडा। अेक न्यारीज भात री कोनो मडकल। उणियारे कानी ऊ तो राडा रोयोडी अर पाटियो साफ। आ सगळी वाता रै टाळ रीळियै में अेक खास गुण अेडी कै उणरी मुकावली ई नीं। इण काम में वो पैले लवर। नेडे-नेडे गावा में अेडी मसखरी नी लाधे। रीळ माय सू तो वो पग ई नीं

काढे। औसर आया पछे तो रौठ करणै ऊ चूकै ई नीं। रौठ में वो भला-भला री अकल काढलै। अकल में आटा हियोडा उणरै सामी डोका चरता जेज नीं करै। मोटे-मोटे अकल-पूतळा री अकल नै उछेरता उणनै कीं टेम नीं लागै।

यू जलम री नाव, मा वाप री दिरायोडी तो रूपी हो पण इण रौठ आळी आदत सू मिनखा उणनै आ रौळियै आळी उपाधि घरे बैठाई दे काढी। उणनै तो दीशात समारोह में जावणो ई नीं पडियो। मिनख तौ अडारिया घणा दै। नाव काढता जेज यू करै। अवै इणनै रूपै रै नाव सू कोई नीं जाणै। रौळियै रै नाव सू तो नेनकिया टीगर ई फट पिछणलै। भोमो रौळियै री सँग विगत सुणावतौ भळै बोल्यो-रौळियै री अेक खास बात भळै है। रौठ करती बगत इणरा हाव भाव, लटका, मूडै रा मटका, नै बाता री युणगट देखौ तो देखता ई रै जावौ। मूडै रा हाव-भाव अेडा सापरत साचोडा वणै कै मिनख नै पतरीजणी ई पडै। रौळियो आपरी आदत आळी बाता बैठी-बैठी सुणै नै मुळकिया करै। भोमो भाखी जकी बाता कूडी नीं ही, साव सावी ही। चाय पिया पछे मिनख टीकू सू राम-राम करनै रवानै होवण दूका। मू अर भोमो ई टीकू नै भळै हिम्मत बघाय नै मारग पकड्यौ। गाव में आयनै म्हे थोडाक पचायतघर में बैठगा। अठी-वठी री गल्ला में लागगा।

थोडीक ताल ऊ रामू आळो मोटियार बीरमो आयौ नै बोल्यो-“आज धोकळै री ठाणी में पड है। धोकळी, माडसाव। धाने घणैमेळ बुलाया है। भोमा। थे ई इत ई लापगा, म्हारो गोती टळ्यौ। धोकळै धाने ई जरूर आवण री कैयी है। ओ ठीक कियौ दोनू थे हेकी ठोड मिलग्या।”

“ठीक है बीरम। धू भलाई जा। म्हे पड में जरूर आवाला। अरे हा, भोपा आपणै गाव आळा ई है का वारला?” म्हे पूछ्यौ।

“भोपा तो आपणै गाव आळा नीं है, दूजै गाव सू बुलाया है।”

तो ठीक है, अवै धू चाल। बीरमो गयो परी।

पड देखण री म्हनै अणूतौ सौक। पावू राठीड जेडै सूरै रै जुद्ध रा वरणाव भोपा रै मूडै सू सुणण रा मौका तो कदीक हाथ लागै। रावणहत्यै रै साथै जद भोपा नरतण आनी का म्हनै सीपरकाडी बाटै तो ह्यो उछळण नै लाग जावै। बीर भावा सू हळाले कियोडी मायलौ समद उफणय नै लागै। बीर सारा फुआरिया छूटे टाळ कद रेवै

पुस्तकाल, एवं चान्दनालय

पुस्तकाल, एवं चान्दनालय

म्है भोमै नै केयी-“भोमा! पड मै जरूर चालाला।”

“जरूर चालाला, म्हनै तो आपने आप आळी ज्यू पड सुण अर देखा री अणूतो ई कोड है, पण खासी ताळ कैगी अत्रै तो ओकर ढाणी चाला।”

“म्हारी विचार है-इस्कूल में चालने चाय बणावता।” म्है बोली।

“ना! ना! माडसाय, चाय तो आपा ढाणी चाल नै ई पीजाना। अवे दिन ई बधण आळी है। ढाणी ऊ ई आपा ब्याळू दूजा करने सीधा थोंकळे आली ढाणी बुआ जाऽऽवा।” भोमो आपरी कारकरम बतायी।

म्है भोमाऽळी ढाणी आया। भोमो चाय बणाय नै चाय आळी देगडी अर बाटकिया गडाळ में ले आयो। भोमो अराडो बधाणी तो नीं हो, पण थोडीक किरघो लिया करतो। वो आपरी मावो उगायो, पछे म्है दोनू जणा चाय पी। ब्याळू करिया ऊ पैल भोमो आपरी पाडली ढाणिया में जायनै गोरघन, राणो, उदो नै हरघन नै पूरी भोळावण दे दी कै ब्याळू करनै उणरी ढाणी सैग जणा पूग जाय। गरुजी आप उणरी ढाणी आयोडा है। पड री थाने ठा इ है, भेळा ई चालाला। म्है ब्याळू करिया पछे वा वेलिया नै पोरवण लागा। थोडीक जेज ऊ सैग वेली भोमै आळी गडाळ में आय पृग्या। वा रै आया पछे चाय री अेक गेड भळै बुही। म्है गडाळ ऊ बारि नीं नीसत्या जितरेक रीळियो फिरतो-फिरतो वठै आय पूय्यो।

“अरै रौळू! थू ठीक आयी।”

“आज थोंकळे री ढाणी पड है। म्हुं थानै केवण ने आयी हू।”

“वो तो रौळू म्हनै ठा है। थारि ई जचियोडी है पड में जावण री?” गोरघन पूछ्यो।

“म्हुं तो जाऊला ई। म्हारे टाळ तो पड जमेला ई कीकर?”

“तो ठीक है रौळू! थू पैला छेकाई ऊ ब्याळू करले।”

भोमो उणनै ब्याळू ला दियो। रौळियो विनीक बार में दूध अर राव में डोड सोगरी चूरने खाय्यो अर चळू करली।

रौळिये रै ब्याळू करता ई भोमो, गोरघन, राणो, उदो, हरघन, म्हुं अर रौळियो भोमै री ढाणी ऊ दुरग्या। रौळिये नै ब्याळू करावण सू टेम की जादे हुग्यो। रात अेकदम घोर अघारी तो नीं, पण तो ई खासी अघारी ही। थोडीक छेटी ऊ जे आदमी आवती व्हे तो ओळखीजे नीं। अेडी अघारी। रौळियो राव, दूध अर रोटा

ठोक्योडौ कदी तो सेंगा रै वरोवर चालै अर कदीक मलगा मारनै सेंगा ऊ थकै वैवण नै लाग जावै। जाणै रीछी चढियोडी कै। भोमै आळी ढाणी ऊ धोकळै आळी ढाणी खासी अळगी पडै। रीळीयौ चालतौ-चालतौ भळै खासी धकै जातौ रैयौ। अव रीळीयै रै मन में रीळ करण री सूझी। उणरौ मृड पूरौ वणग्यौ। वो आपरै लखणा माथै आयगौ। वो पाछी पलट ने जोर सू न्हायोडौ सेंगा रै सामी आय पूग्यौ। रीळीयै रै डील में कपण छूटोडी। सेंग जणा अचूभै सू भरियोडा ऊभा रै'गा।

“के हुयौ? के हुयौ??” गोरधन पूछ्यौ।

रीळीयौ धूजतौ-धूजतौ हळवळियोडौ बोल्थौ-“गोरधन! थोडोक धकै मारग रै जैन विचालै काळौ नाग कुडाळियो करियोडौ ने विकराळ वणियोडौ, अेडौ वैठौ है कै देखता ई डर लागै। अेडौ मोटौ नाग म्हैं तो अजूस नीं दीठौ। म्हारी तो उण माथै सत्ताजोग सू ई मीट पडगी, नींतर म्हारी जै पग उणरै माथै पड जावतौ तो म्है तो पाणी ई नीं मागतौ।” रीळीयौ रोवणकौ हुग्यौ।

“इतरौ के डरग्यौ गेली टाट।” अवार मारा इण काळै नै। हरचन्द बोल्थौ।

“विस नै तो मात्थौडौ ई बतौ।” राणौ कैयौ।

“मारणौ तो भाईडा जरूर है पण आपा रै माय तकदीरा री किणरै गोडे सागेडी गेडी ई फोयनी, कीकर करा?” गोरधन बोल्थौ।

रीळीयौ रोवणकौ हुयोडौ भळै बोल्थौ-“गोरधन म्हू तो म्हारी ढाणी जाऊ।” म्हनै तो डर लागै।

“हे परवारियोडा पूत। के ढाणी जावै? नाग नै अवार राखदा इण सागै ई जागा। थोडी सुस्ता तो खरी।” गोरधन हिम्मत बधाई। गोरधन भळे बोल्थौ-

“आपणै माय म्हनै तो राणा। थू ई मोटियार निगै आवै भाईडा। इण सामले मोटोडै आकडै रौ अेक सैठौ घुह भागनै लावै नीं, नाग रो इलाज करा।” राणौ वापडौ खासी ताळ हाथ जेडी जाडी डाळी सू खसण करण नै लागी अर सेवट उणने तोडर लायौ। राणौ आकडै आळी डाळी गोरधन नै पकडाय दी। लकडी माथै जागा जागा आकडै रौ दूध लागोडी हो, उण माथै गोरधन धूळ न्हाख दी।

“थै सेंग मुरदा आदमी हो। नाग नै मारण आळी काम आपा रै माय सिरफ अेक आदमी ई कर सकै, अर बो आदमी हे-हरचन्द। हरचन्द गाढ आळी तो है

ईज पण साथे ई छळावौ ई जवरी है। नाग नै भारणिये में फुरती वोत जरूरी है। हरचद टाळ ओ काम किणरै ई वस री नी है।" भोमी वोल्थी।

भोमी भळे वोल्थी-“गोरधन! ओ सोटी हरचद नै दे दो।” आपरी विडद-वखाण सुणने हरचद तो पोमीजय्यी। वो मन में सोच्यी-“म्हारै जेडौ छतीआळी नै छळावौ मिनख लाधणौ ई दोरी है।”

वो गोरधन रै हाथ माय सू आकडै आळी सोट लेवतौ वोल्थी-“अठी दे ओ लकडौ! अै काम तो करणिया ई करेला। गोरधन! नाग रो तो म्हें रिप हू। दीठोडा नाग तो म्हें आज ताई छोड्यौ ई नीं। अवै थे देखौ वन्दै री रटको। अेरु ई झपिड में नागजी नै सागे ठोड नीं राखदू तो म्हारौ नाव हरचदियौ नीं। सोट पडिया पछे चुळ के जावै। अेकण सोट में ई पधराय दू।”

अवै जेज कटै? हरचद वो घुदो हाथ में लियो, उण पुळ में रोळियौ धके बुओ गयौ। उणनै तो सैग ठा हो। वो तो आछी तरा उण नाग नै दीठोडा हो। नाग के करम री हो, कोई सोरै खूटै री भैस वेवती पोठी करियौ हो। रोडो पूरौ धापियोडी हो, जिणसू वा पोठी ई मोटी करियौ। वो अळगे ऊ सापरत कुडाळियौ करियोडी काळै नाग जेडो ई लखावे हो।

हरचद होळै-होळै पग मेलतौ थकौ नाग ऊ थोडी सीक छेटी रैई जदै सौटै नै तोल्थी अर पूरो जोर लगाय नै नाग रै माथे ताचक ने ठोकी। पोठी कीं पतळी ई हो, सोटो पडता ई जोरदार उछळियो। हरचद रो थोवडी छोटमछोट। नाक, काँ, आखिया री भापणा माथे गोवर रा टेरा अळूझग्या। मूछा में ई टेरिया टिरै जाणे नैनै उरणिथै री पृछ आळै वाळा में सूखियोडी मिगणिया टिरती व्हे। गोवर रा तीन च्यारेक, गोळमटोळ रिपियै री गत रा भोरा छाती माथे जायने अेडा चेंढचा जाणै लडाई में दादरी री काम करणे सू फोजी नै तुकमा मिले, अर पछे वो वा नै आपरी जेवा माथे लगावे।

साप नै तो हरचद मार ई लियो हो, हमें लचकाणौ व्हियोडो अर फीटी पडियोडो आपरी हथियार गोवर सू लिचडियोडो हाथ में लियोडी सैगा रै सामी ऊभौ। मूडी फाफरियो व्हे ज्यू करियोडी। साथ आळा सैग वेली हसै। हस-हस नै वा रै पेट में वळ पडग्या पण हसी नीं रुकै।

“वेटी नाग ई सैटी गजव हो भोमा!” अेक जणी वोल्थी। “अेडी खतरनाक नाग हरचद टाळ दूजे ऊ तो नीं मरावतो।” दूजोडी कुण्ही वोल्थी।

“नाग मारणौ हसी खेल थोडौ ई है? छाती आळे मिनख टाळ ओ काम नी व्हे। ओ तो लाई भाग सू ई आपणै साथै हो, जकौ काम वणाय दियौ। ओ नी व्हेतौ तो आज अेक आधै री मौत ही।” राणी बोल्यो।

“भई छळवै में तो हद है हरचद। कैडा होळै-होळै पग मेलतौ गयौ नै अेक ई गेडी ऊ सागै ठीड राख दियो। दूजी गेडी रौ काम ई नी राख्यौ।” उदो मुळकिया करतौ बोल्यो।

“साचाणी हरचद कैयौ जकी करनै बताई। नाग नै तो चुळण ई नी दियो। अजै सागी जागा पडियौ है।” किण्ही खळकायदी।

“हरचद तो अलाई पैला ई भाख दियौ हो क काम तो करणिया ई करेला। नाग री तो म्है रिप हू।” कोई अेक जणौ बोलग्यो।

हरचद रै मूडै रा बोल तो बद व्हेगा। रीस में पूरौ रातो-पीळो हुयोडी ऊभौ।

“बो कगालियौ (रीळियौ) कुनै गियौ?” हरचद गोरधन ने पूछ्यो।

“बो तो पाणी री बालटी लावण नै गियो है।” गोरधन पडतूर दियो।

“जै म्हनै मिलग्यौ तो बेटे नै अेडो मास्ला के ।” हरचद कडकडी खायनै बोल्यौ।

“इण रौळियै नै तो ठोकणो ई पडैला।” हरचद भळे रीस करी।

“इण सागे लकडी ऊ मत ठोकजै, आ नाग रै लोही सू भरियोडी है।” अेक जणौ खळकाय दी। खासी ताळ हसन व्ही, पछे वै धोंकळै री ढाणी गया।

“खासौ मोडी कर दियौ बेलिया।” धोंकळी पूछ्यौ।

“धोंकळा! अेक मोटी कालो नाग मारण रै अेन बिचाळे वैठौ हो, उणनै मारण में लागगा। इण सारू ओ इतरौ मोडी हुयौ। नीतर तो म्है बखतसर आपणी ढाणी आय पूगता।” उदौ धोंकळै नै पडतूर दियो।

“पछे कीकर कियौ गोरधन?” धोंकळी पूछ्यौ।

“होवै के? हरचद ताचक नै पड्यौ माथै, जको उणरा तो फूतरा बिखेर दिया। गोरधन मुळक नै कह्यौ।

“हरचद जवान मोटियार है। माथै पडिया पछे के छोडै।” धोंकळी हरचद री बिडदावणी करी।

अवे गोरधन अेक वालटी अर लोटै लावण री भोलावण दी । थोंकळी उणी वगत पाणी री वालटी अर लोटै लै आयौ ।

“हरचद थोडो नेमी आदमी है । हाथापाई करिये टाल पड में नीं बैठै ।” गोरधन थोंकळै नै समझायौ ।

हरचद वालटी अर लोटै अेक कानी लेजायनै आपरौ मूडौ रगड-रगड नै थोयो । गोवर आळा टेरा सूख चुम्या हा, घणा दौरा उतरिया । मूडाळा टेरा उतरिया पछे जेवा री जागा लाग्योडा ये तुकमा ई अळगा करिया । म्हे सेंग जणा पड में जायनै बैठगा । म्हाऊ थोडीक छेटी माथै मिनखा रै विचालै बैठोडौ रौळियौ म्हा सेंगा रै सामी झाकनै मुळकियौ ।

पड सरु क्हेगी ही । पाबू रा प्रवाडा भीला रै मूडै सू अर अेडी रै घमकै साथै निरतण सू मूरत रूप लियोडा वारी-वारी सू आखिया सामी फिरण लागा । पड माथै कुरियोडा पाबू, डेमौ नै बूडो आद रा चित्राम मिनखा रै हिये में सूरापण री जोत जगावण लागा । राजू भोपी ई टाळवा भोपो । रावणहत्यौ हाथ में लियोडौ भोपी रै साथै अेडी आळे घमकै सू अेडी घूमर घालै के मिनखा री आखिया ई नीं झपै । रै रै नै मिनखा रे मूडै सू राजू ने रग लागै । राजू पूरो लुडियोडो नै देखणिया राजू रै लटका माथे लट्ठू दियोडा । अखाडो जमियौ तो वो जमियो । रावणहत्ये रै सुर साथै निरतण रा फटकारा देतो भोपी गीता साथै जदै पाबू रै सूरापण नै विडदावै तो मिनखा रा हिया सूरापण सू हळवोळ दियोडा हवोळा चढ जावै । पाबू राठौड रा विडदवखाण सभा रै मिनखा रा काळजा फफेड नाख्या । चूकता री आखिया भोपे अर भोपी सामी लागोडी । आधीक रात री वगत दियो जदै चाय वणी । भोपा ई थोडी फूत्तरी लियौ । सभा में जक वधाणी हा, वा नै अमल दिरीजियो नै पूरी सभा चाय पी । भोपा री चाय अर अमलतणी गैरी मनवारा व्ही । सभा में जका कडीर हा, वै अमल रा घापा करिया । दोय जणा चाय पिलावण में लागोडा-लादू आळी हरकूडी अर रौळियौ । रौळियो चाय आळी बाटकिया लियोडौ सीथौ म्हारै कनै आयौ । वारी-वारी सू सेंगा नै चाय री वाटकिया झिलाई । वो हरचद रै हाथ में वाटकी झिलावतौ बोल्थौ-

“हरचद । धानै चाय री दो वाटकिया पीवणी पडैला । सोपी पडता ये नाग मारियो हो, डील नै खासी ताण पडी व्हेला । अमल री किरचडी ई थोडी ठीकसर लीजी ।” हरचद रै भीठी चूगट्यो भरनै रौळियौ मुळकतौ मुळकतौ व्हीर व्हेगी ।

“थारी तो गिरै आयोडी दीसै है रोळिया।” हरचद रीस करनै बोल्यौ।

“म्हारी गिरै क्यू आवै? गिरै तो बापडै उण नाग री आयोडी ही, जिननै थे मार काढ्यौ। भळै मसखरी करनै बोल्यौ।

थोडीक ताळ ऊ भोपा आळी धमचक भळै सरु व्हेगी। सारी रात पड सुणण आळी आणद लूट्यौ। दिनूगै वेगा ई चाय पाणी पीयनै म्हे धोंकळै आळी ढाणी सू रवानै व्हेगा। पूठा आवता नाग मारण आळी ठोड आई। गेडी रे जोर सू पोठिये रा लूदा च्यारुमेर बिखरियोडा पडिया हा। हरचद रै पगा आळा निसाण ई अजै यू रा यू जमी माये मडियोडा पड्या हा। हरचद आपरे पगा आळै निसाणा माथै मीट गडोयोडी ऊभौ हो। म्हे दमेक उण ठोड ऊभा रैग्या।

“राते रावतो इणीज ठोड सिक्कार रमी। बापडे फणी री तो अेडी भचकौ बोलायौ कै वो तो आपरी नाड ई ऊची नीं कर सकियो।” राणो मुळकतो थको बोल्यौ।

“बापडै री मोत आयोडी ही भोमा! उणनै हरचद रै हाथ सू ई मरणी हो।” म्हे होळैसीक टुणकलौ नाख्यो।

हरचद बोलो-बोलो ऊभौ। च्यारु कानी सू लोग दींचिया ठोकै। लाई के बोले? खासी देर बित हरचद सू मसखरिया करने म्हे सैंग जणा गाव में आया ने आप आपरी ढाणी बुआ गया।

च्यार पाचेक दिना पछै च्यार दिना री लगती ई छुट्टिया पडगी। म्हे कमरे में अेकलौ ई बेठो। चाय बणावण री तेवड करु। मन में सोचू कै कोई आ जाय तो पछै ई चाय बणावा। अेकला कै तो बणावा अर के पीवा।

“माडसाव! डाणै हो?”

“आव डालू आव!” थू ठीक हे?

“हा गरु ! आपरी दया है। बिल्कुल ठोर हू। म्हे तो आपरै गोडै अेक काम आयौ।”

“काम वाम पछै होवता रैसी। पैला थू चूल्हौ जगायने दोय तीनेक कोप चाय बणा। चाय पिया पछै कीं बात करा।”

डालू चूल्हो बाळर चाय बणाई। इतरै में रौळियौ ई कटीनै ऊ टोरा ठोक्ते आय पूग्यौ।

“देटे रे पग में चक्कर है माडसाव!” डालू चोल्थी।

“सैग दिन रोवती फिरै। बडी कमीण है।” डालू भळे करघी। डालू अजे हुवा नी करी। तीन च्यारेक गाळिया रा सटीड भळे ठोम्पा। म्है तीनू जणा चाय पी। चाय पिया पछे देगडी अर चाय आळी वाटकिया रीळियी कमरे रे वारै ले जायने माजग लागणी।

“पाणी रे टाकै सारु सिमट लेणी है। ओ फरम लायी हू, आप इणने सावळ ढग ऊ भरदो।”

वो देख। टेवल माथे पेन पडियी, म्हने झिला।”

पेन लेयने म्है फरम भर दियो। रीळियी देगडी अर वाटकिया माज'र ठीकणै मेल दी अर आपरा हाथ धोयने किचाड री सा'री लेयने वैठणी।

म्है डालू नै समझायो-“हमें इण फरम माथे सरपच सा'ब रा दस्तक करावने वा री छाप लगवाय लीजै।”

“ओ तो काम अवार करू। सरपच री ढाणी आगी कोयनी। पन्ने मिनट री मारग है।” डालू अेक ई सास में कैयगी।

“आज तो माडसाव। गाव में अेक कोजोडी बात वरतीजगी।” रीळियी बात सरु करी। डालू पगरखी पेरै हो। उण रीळिये री बात माथे कान माड दिया।

“के हुयी रोळू? छेफ़ी बता।” म्है दोनू जणा पूछ्यो।

“हुयो के। लूविये मेघवाळ री ढाणी में उणरी छोरडी आपरै घर आळे टाकै में पडगी। टाकै पाणी ऊ सैठो छलियोडो हो। कब तो ली उणने। छोरडी मरगी का बचगी, पकावट बावड नी है।

“लूविये री ढाणी कुने है? अर इत ऊ कितरीक अळगी हे?”

“लूविये मेघवाळ री ढाणी तो इत ऊ धुराऊ पड जावै, ढाई तीन कोस रे नेडे।” रीळियी पडतर दियो।

“बापडै रे गिरे व्हैगी। अवार म्है अठीने आवतौ हो, जदै सरपच अर भूरो दोनू जणा अेकी हुडी लूविये री ढाणी जावै हा।” रीळियो बात नै पुछ्ता करी।

“तो गरु। म्हने तो हमै लूविये आळी ढाणी जाणौ पडसी। क्यू के सरपच तो वित ई लायसी। दस्तक करावणा जरूरी है। गोता लिख्योडा हा। तो म्है चालू?”

“हा डालू! धू चाल। भा खासी है।

रोल्लियो धरै जाय डालू नै देखनै पाछै आयी। वो मुळकती धमै वोन्यै-“माडसाव! देखो तो खरी, डालू कैडी मोटी-मोटी वीखा भरतौ हुडी करियोडी जावे है। हमें जा धारे वाप लूविये री ढाणी। जावता अर आवता पूरा छ कोस रा गोता है।”

“तो के बात है? सरपच वित नी गया?”

“सरपच वित के काम जावे? नीं तो लूविये री छोरी टाकै में पडी अर नीं सरपच वित गया। म्हनै तो इणनै छ कोस रा टापा घालनै इणरी फीचा पाधरी करणी ही।”

“अरै डफोळ! वापडे में अेडी नीं करणी ही।”

“माडसाव! धानै ठा नीं है। इत आवता ई म्हारै इण गाळिया रा तीन घ्यारेक कैडा फोजा सटीड ठोक्या। म्हैं इणरै वाप पुरखै नै तो मारयौ को होनी। म्हैं इणरी के खापी? बेटी मूछा रै बट ठोक्योडी, तरड में आटी कियौडी बडी निकारी मिनख है।” रोल्लियो इतरी कैयनै म्हारै कनै आडै री सा'री लैयनै बैठगौ।

‘तो रौळू! धू तो पूरी दिन मिनखा नै डोका चरावतौ ई पूरी करै।’

“नीं माडसा'व! यू रोल्लियो वे फालतू किण सू रौळ नीं करै। नीं किणरी आळ लेवै। डालू तो वा करी कै आव बळद म्हनै मार। म्हारी इणमें दोस नीं हे। इण तो हाथे होयनै माथे में ली।” रोल्लियो हमकली कीं तैस में आयोडी लागौ।

“अवै रौळू! आज तो सँग वाता छोडनै थारी करियोडी कोई सागेडी रौळ री किस्सौ सुणावै नीं। थारी किणी रौळ री बात सुणण सारु म्हारै दिल में पूरी हूस जागणी। कोई सागेडी किस्सौ कह मोटियार।” म्हैं रोल्लियो नै म्हारी इच्छा बताई। इतरे में तो बख्ती मा'राज नै अणदो चोघरी आयने नमस्कार करिया।

“आवौ अणदा! पघारी मा'राज!” म्हैं दोना नै आवकार देयनै माजी माथे बैठाया।

“रोल्लियो कोई बात सुणावण री मत्तौ करियो दीसे है?” मा'राज पूछ बेठा।

“हा मा'राज! इण तेबड करी तो है।”

“तो सुणा रौळू! म्है ई सुणला भाईडा।” मा'राज नै अणदौ अेकी साथै वोन्या।

“था सैगा री जे इछ्या हुगी तो अवे म्हने कोई बात सुणावणी ई पडैला।”

पाच ■ वरसा पैली री बात है। म्हें म्हारी वैन री ढाणी गयोडी हा। म्हें दोय तीन दिन वित ढवग्यी। मगळ आळै दिन दिनूगे आळी चाय पिया पछे म्हें म्हारे वेनोई सू राम-राम करने खाने होवण आळी बात करी तो वै बोल्या-रोटी बाटी जीमनै आपा भेळाई खाने होमाला। आषीटै ताई आपणी सागी है।

“आपाणो सागो कीकर कैला?”

वै बोल्या-“आपणी ढाणिया ऊ उतराद में तीनेक कोस माथै पसु-मळी लागोडी है। आपणै बारै बारै महिणा रा दोय टोगडिया ऊभा है, वा ने देवण सारु म्हें मेळे जावू हू। ढाणिया ऊ भळै ई तीन च्यार वेली जावण री मती करै। रोटी बाटी जीमनै आपा वेगा ई दुराला, मोडी नी करा।”

म्हें ढवग्यी। रोटिया वणगी जदे म्हें जीमजूट ने विना जेज करिया खाने कैगा। दोय जणा भळै हा। म्हें च्यारु जणा डोडेक घंटे रै माय मेळै आय पूग्या। अवे म्हारलो वेनोई बोल्थी-

“थे अब सीधा रा सीधा नाक आळी डाडी री सीध चालता जावौ। धकै मोटी मारग आवैला। वो मारग पकड रै थे जाता रैवौ। कोसेक गया पछे डावे कानी अेक डाडकी फटेला। वा डाडी छोड दीजौ। आगे कोसेक गया पछे आठ दमेक देवासिया री ढाणिया आवैला। बठे पाणी पी, थोडोफ पूकारै लेयने पछे जाता रैजौ। राईका आळी ढाणिया ऊ थारी ढाणी दोय कोस भा है।

तो ठीक है, म्हें अवे ममझग्यौ। म्हें सगळा सू राम-राम कर परी ने मारग पकड्यौ। चालता-चालता देवासिया आळी ढाणिया आई। उन्ही रोटी जीमियोडी ही, जिणसू म्हने तिर पण लागोडी। ढाणिया छेटी-छेटी ही। म्हें अेक नेनीक अरणे री तडी बाढनै कावडी वणायनी ही, नेनीक तवर म्हारे मोडै ही। कुतै बिल्ली आळै हिसाव सू तडी हाथ में ठीक रेरे। अेक ढाणी ऊ दोयसोक पावडा अळगा दोय सागेडा गिडक ऊभा। पूरा मासमौजी। कुतरडा रै मूडै लोही लागोडी। रोजीना अेकाध घोनै लरडे नै मार न्हाखे। उण दिन वै अेक लरडी नै मारी ही। लरडकी नै मारनै पूरी उघेड दी। म्हारे कनै तवर नै कावडी देखनै कुतिया सहमग्या। वै भागण आळी करी। भागती टेम अेक गिडक लरडी रै पेट माय सू निकळियोडी

ओझडी नै आपरै मूँडे में पकड नै भाग छूटी। गिडक रै मूँडे में टिरियोडी ओझडी अडी लखावे, जाणै गावे री थैली कै। गिडकडौ उण ढाणी रै पेले पासै गियौ परी।

मैं पायरो ढाणी रै मगेरणै माथै आयौ। अक मोटियारडौ ऊभौ-ऊभौ ढेरियै माथै ओटी जट कातै। वो म्हरै सू राम-राम करी। मैं उणनै उणरो नाव पूछियो। वो आपरौ नाव वतायौ-पतियौ।

“पत्ता। धू अक पाणी रै लोटौ छेक्री भरने लिया, पछे मैं धनै अक चात केवू। मैं उणनै कह्यौ। वो झट देणी लोटौ ले आयौ। मैं उणरै हाथ सू लोटौ लेवतौ थकै थोल्थी-

अक गिडकडौ मेळै कनी सू न्हटोडौ आयौ है। मूँडे रै माय अक खासी मोटी थैली लटकायोडौ। थैली ई जाडे गावे री है। म्हारी जाण में किणी मोटे बोपारी री थैली रिपिया ऊ दुड व्हियोडी लागै। कुतियौ बेटी है तो सेंटी, थाकोडौ मडकल को है नी। पकडावणी तो भाईडा दोरी ई है, पण खप्पत तो कर। घरै बैठै गगा आयोडी।” रिपिया आळी थैली री चात सुणता ई पतियै रै तो पगा रै धूघरा वघग्या। वो उतावळी पडियोडी पूछ्यौ-“कुतियौ कुनै गयौ?” “कुतियौ तो ध्मारली ढाणी रै लारकर होळे-होळे जावे हो।” मैं पडूतर दियौ।

बाखळ आळी टाटी कनै ऊभौ करियोडी अक बोरडी री गेडकी लेयनै पतियो तो अडी उपडियो जाणै खेत में ढाढा वडने विगाड करे, वा नै तगडण सारु न्हाटी कै। पतियौ कुतियै नै आपरी निजरा सू देख लियौ। कुतरडे रै मूँडे में थैलकी तो खासी मोटी दीसै। बापडै बोपारी नै तो इण डवोय दीनौ काळीधार। पतियौ मन में सोच्यौ। कुतियै रै लारै पडियै टाळ तो क्रम नी बैठै। वो धोतियै रा खोळा टाग्या। गेडकी जमी माथै ऊ उठाई, कै कुतियो तो हुडी करली। हमें क्यू पूछै वाता? पतियौ कुतियै रै लारै अेडो रपटियौ, जाणै हिरणियै लारै न्हार रपटियौ कै। धके कुतियो नै लारै पतियौ। दोनू ई घनीड करता जावे। दोन्यू रो जीव थैली में। लारलै नै थैली में नोट दीसै अर धकलै नै आपरी सिरावण। कुतियौ पूरी खैचळ करने लरडकी नै फाडी ने ओ धन पानै पडियो हो, सोरे सास देवै तो कीकर? अर वटीने पतियै री आखिया में नोटा आळी गडिया रा चित्राम तणियोडा, वोई हबदेणी कुतियै नै छोडै तो कीकर? दोन्यू ई सरणाट करता बगै। पतियौ मन में सोचे-पिदायोडी

कुतियो धैली मूडे सू छोड दे तो कैडोक। पण गिडकडी ई आपरी मैनत री कमई यू सै'ज में ई कीकर जावण दे? पतियो दौड-दौड नै परसेवा में घाण दैगै पण नोटा री टोकाक अजै द्वा नी करी। अजै तो बाठकिया मायकर हिरणियै री दाई फाळा मारती सरणाट करती कुतियै रै लारै पडियोडी। कुतियो आप अमै आता आयोडी। मूडे में भार न्यारी तो भीट पतियै रै माय गडोयोडी।

सजोग सू पतियै नै उणरै काकै री बेटी भाई गोपियो आवती दिख्यौ। पतियै जोर ऊ गोपियै नै हेलौ करियो—

“गोपू कुतै रै आडी फिर, जावण मत दीजै। दौड-दौड, हुडी कर। जातौ नौ रै”। अडवाळ दै अडवाळ।

पतियै आळी रड सू गोपियो ई गिडक सामी दीडियो। गिडकडी ई पूरी छेह आयोडी हो, ओझडी नै चटै ई न्हाख नै गोपियै रै गो'डकर न्हाटगौ।

“धैली तो कुतियो न्हाख दी, ठीक करियो।” पतियै रै जीव में जीव आयो।

गोपियो ओझडी सू घोडी छेटी ऊभगौ। सोचण लागौ—“म्हाटी के अडगौ है? समझ में ई नी आवै।” गोपियो मन में विचार करै।

पतियो हुडी करियोडी आयौ। धैली सामी झाकनै गोपियै सामी झाक्यौ। कुतियो आज टागा आळी आटी पूरी लियो। वो निसासी न्हाख'र बोल्थौ—“लै आव, ढाणी चाला गोपू।”

“आ के बात है? म्हारै अजे मगद में नी बैठी।” गोपियो पूछ्यौ।

“म्हाटी घटेक पेल आपणी ढाणी अक मडकल टाकल आयौ। उण भाईडा गोपियो समझावण लागौ।

माडसाव। म्है वा दोनू जणा नै ऊभौ दैन दीठा। अक गै'री खेजडी हेठे दोनू भाईडा दतळ में लागोडा हा। पतियो गोपियै ने आप बाळी बात पूरी माडनै सुणावे हो। म्है तो उणरी ढाणी ऊ अगूण कानी आळै धोरै री ढाळ ढळ परो नै तेतीसा मनाया। अधारौ पडता-पडता म्है म्हारली ढाणी आय पूगो। बापडै गोपियै नै तो कोथळी आळा नोट गिणता घणी जेज लागी दैला। रोळियो मुळक नै बोल्थौ।

“बाह रै रोळू बाह। आणद आयगौ, बात सुण'र। गोपियै नै अल्लू ठीक वणायो। दौड-दौड नै बापडै री फीचा पाधरी होगी दैला।” मा'राज नै अणदौ अेकी साथै बोल्था।

"इणीज यात माथे चाय वणावी अणदा!" म्है अणदे सामी झाक्यौ।

अणदो चाय वणाय नै सैगा नै पिलाई। चाय पिया पछे रोल्लियो वोल्थी-"हमें माडसाव! मोडो दै, ढाणी खासी अळगी है। म्हु जाऊ।"

"हा रौळ! हमें थू जा।"

रोल्लियो रवाने दैगी। आफतडी रै उन्मान टागडिया नै हिलावती वो जावै हो अर म्हनै उणरी रौळ-मसखरी आळी चतराई माथे हेप आवै हो। आज भी जद रौळ मसखरी रा प्रसग छिड जावै तो म्हारी आखिया सामी रौल्लियो रा चित्राम फिरण नै लाग जावै।

□ □ □

श्री बुद्धजी नगरी अण्डर

पुस्तकालय एवं वाचनालय

स्टेशन रोड, बीकानेर

हेमौ बंधाणी

अमल री बात जदे होठा माथे आवे तो बधाणी री उणियारी अर उणर डीलतणी गत री अेक न्यारी ई चित्राम साप्रत आखिया धरै फिरण लागे। उणरी तो घसको ई देखण जोग बणियोडी है। थोडीसीक फिरची रे मावे ऊ सवर पकडलै, वै ई बधाणी नै पूरी डब्बी खळिग नै तोळे तोळे री कलेवौ कर जाय वै ई बधाणी। दोना में जमीन आसमान री फरक। जका डबी खळिगण है, वै मोटा कडीर बाजे। आ मोटोडै कडीरा री डौळ अेडी वीगडे जाणे फाटोडी दूध। फाटोडी दूध की काम सै है तो अै कडीर की काम रा। मगरपचीसी रे माय आ मोटै पोतदारा री उणियारी तो थाप खायोडो ई लाधे। इण कोजोडी कमज्या सू वा री काधौ, साधळा, पीडिया अर बूकिया गजब गळियोडा तो मूडे माथे अलेखू सब पडियोडा। सरधा सैग घटियोडी तो घर आळे कामा नै करण सू अतै आळी हूस साव नटियोडी। ब्याव बधाणे अर औसर-मोसर माथे जे किररे ई धरै अमल गळे तो आ कडीरा रा मूडा अमल खावण सारु घणा बळे। पछे तो धकले नै पूरी ई तळे। अे बुलावे अर नूतै री उडीक नी राखै, अे तो अमल गळण रा बावड लाग्या नी अर अै कडीर पगा में लिक्तरा घालर गेडी हाथ में सभाय टुल्या नी। मोटौ सारौ खेखारो करनै अेडा रवानै है जाणै डाकियौ निमत्रण पत्र सैगाऊ पैल आ नै ई देयने गयो है। तागिया खावता-खावता सेवट पूग जावे धकले नै गोडा देवण नै उणरी अत लेवण नै, लोही पीवण नै अर अमल सारु टीवण नै।

सभा में चैठोडै मिनखा सू राम-राम करनै विछायत माथे अेडा डेरा देवे कै वदा तीन दिना ताई उठण री नाव ई नी लेवे। धकलौ आ नै केवे तो के केवे?

उणरी छाती रा छोडा तो पूरा ई लेवे। भलाई घर आळे री मत चाली जोर पण कडीरा री तो गाळण माथे ई पूरी जोर। घर आळे नै पूरी ई तळे नै दोय तीन दिनाऊ बढे सृ आपरो कळी मूडी करे। अडे मौना कनी सू अे पूरा सावचेत रेवे। मेह आधी भलाई घृक जावो पण अे नी चूके। गिरज री तो आख तेज व्हे, उणने फटाक सू ठा पड जावे कै फलाणी ठोड मुवोडो जिनावर पड्यो हे अर वो पूगती जेज नी करे पण आ बघाणिया रा कान घणा सराडा व्हे। सुणने पती लगायनै के फलाण री ढाणी मौनी बरतीजेना। अर पछे तो मौकी हाथ सू जातो रेवे, उण रात तो अे जलम ई नी नियो। वे तो ठोडे माथे पूगता ई निगे आवै।

अेडी ई अेक लाटो कडीर हो-हेमो बघाणी। हेमै नाव रा गाव में मिनख च्यार पाचेक हा। पण बघाणी इण हेमै दाळ दूजो कोई नी हो। इण सारु मिनख इणनै हेमो बघाणी ईज कैयता। हेमो घणखरो उरभाणी ईज टोरा देवती। कवी कदास उणरे पणा में लिक्तरा घात्योडा लायता। थोळे लट्टे री थोती नै अगरखी पैरियोडी राखती, जिणरी रग मेल सू कळो व्हियोडो। अगरखी रे धकली चाळ रा बोरिया खुलियोडा। लारि मौरा माथे अगरखी रे दोय तीनेक करिया दीनोडी। खेसनै री जाडी पोत गोडा ताई री पैरियोडी। उणरी ई रग अगरखी सू मिळती जुळती। छीदी-छीदी कावरी दाढकी जिणरा रूगता मेल ऊ करडा पडियोडा। मूछा आळा बाळ होटा रे माथकर घणा लुडियोडा, जिणसू दाढी आळा अर मूछा आळा बाळ अेकमेक व्हियोडा। मूडे आळा होठ सफा लुकियोडा। सोरे सास आ ठा नी पडे के इणरी मूडी कित है? खिजमत चार तिवार भलाई करवायली, नीतर तीन तलाक। दाता माथे पीळी-पीळी कोडी जमियोडी। माथे ऊपर ढीलै पेचा री थोळो पोतियो, जकी लौरमलीर। अमल लेवण में इतरी अराडी कै भला भला भायला मनवार करता भिडके। अमल री पुराणी खुराट। जे कोई री दिन फिरियोडो व्हे अर डबी धके करदी व्हे तो डबी री पीदो काढनै सैमूदो तातो ई मेट दे। गाव में व्याव, मुक्लावो नै खरघ कित ई व्ही, हेमै री तो पाचू आगळिया घी में। अेडे औसरा माथे तो हेमो मन री पूरी काढे। उणरे तो लैर लगोडी रेवे। टाणी री तो नाव सुणता ई उणरे मन में भूत जाग जावता पण मौकी पूरी होवता ई भूतिया बिखर जावता।

कैथाणी है कै “कदैई घी घणा तो कदैई मुट्ठी विणा।” पण आज हेमै कनै उण मुट्ठी भरियै चीणा में ई विजोग पडियोडी। चीणा तो चीणा री ठोड पण

चीणा रै वूमडा सू ई छेटी । आज वात वेजा वणगी । आज उणमें अेडी खाटी दो जेडी उणरी जिनगी में पैला स्यात् कदै ई नीं व्ही । कनै नीं तो अमल अर नीं डोडा । कनै सिरफ रैया आप आळा गळियोडा गोडा । अै गोडा ई अमल लिये टाळ अटी-वटी पावडी भरण में पूरा नटियोडा । चापडी के करै? अटी-वटी मीट दीडाई पण साथी नीं लागी । थोडी घणी किरची ऊ कामडी धक्ती व्हे, जदै तो हरेक ई उणरी वेदन काटण नै तयार व्हे जाय पण अेडै हायी ऊ वाधिया कुण आवै? नैडै आवता ई घणा रा पण पाछा पडै । अमल आळै जुगाड सारु वो खासा पण पटकिया पण वात तावै नीं आई । आवै हेमो घर आळा नै गाळिया रा सटीड सुणाय नै कोठलिये माथे खेसलौ पड्यो हो वो उठायो नै आगणे में ई खूटी ताणनै सोयगौ ।

गाळिया आळा सटीड उणरै पाडीसी बभूतै रै कनना में थोडा थोडा पडिया हा अर वो वात री निचोड काढ लियौ हो । थोडीक किरची लेयनै हेमें कनै पूयौ । मूडै में गडोई पण उटा नै गळवाणी ऊ के होवै? कीं साथी नीं लागी । साथी इतौ ई लागी के हेमो बभूतै रै आया सु पैल वेचेते सो कियोडी बोलौ-बोलौ पडियौ हो, अब उण किरचडी रे पाण बोलण जोग अवस व्हेगी । अबे वो घर आळा नै सुणावण दूकौ-नूवीं-नूवीं गाळिया । गाळिया अेकदम कवाडाफाड । गाळिया भात-भात री टेकै । हेमो तो जाणै गाळिया क्राढण में पी एच डी करियोडो व्हे । काटा में कुण उळझै? बभूतौ तो आपणै मारण पकड्यौ । गाळिया रा सटीड चालू । सुणाणिया रै काना स कीडा झडै । सूतो सूतौ गाळिया मचकावण री लावौ लूटे ।

मैं अेक खास काम सारु सरपच री ढाणी जाऊ । म्हारै साथै कुमै आळौ अरजण । मारण हेमे वधाणी री ढाणी रै अेन मूडागै सू जावै । मैं अर अरजण ढाणी रै वगेरणै माथे पूग्या तो म्हारै काना में ई वे इमरत भरिया बोल पड्या । वे इमरत भरिया बोल काना में पडता ई म्हारा तो कान ऊभा व्हेगा ।

वात के है? कलौ तो नीं हुग्यौ कटैई? मैं अळुझाड में पडियोडी सोचण नै लागगौ । म्हे दोनू जणा आगणे में उणरै कनै जायनै बैठगा । बतकायी जदे हेमे मूडी उघाड्यौ । सामी झाकनै दोनू हाथ जोडिया अर नमस्कार करी ।

“के वात है? बकै क्यू है अेडी भूडी?” मैं पूछ्यौ पण वो कीं पडूतर नीं दियौ ।

थोडीक ताळ तो वो दुरायोडो कै ज्यू सामी-सामी झाकतौ रैयौ नै पछे तो अेक नूवी ई वात वणगी। हेमै री दोनू आखिया में आसुवा री लडा छूटगी। ढवै ई नीं।

“अरै लपोड! रोवै के है? मायलौ भेद तो वता। यू म्हानै के ठा पड़े?” म्है थोडीसीक रीस करनै पूछ्यो।

वो आपरा होट खोल्यो-“आज माडसाव! म्हारे गोडै नीं तो अमल री किरची अर नीं डोडा री फूतरौ। नाडा तूटै है अर मरु हू। म्हारै माय के बीत रैई है-का तो म्हु जाणू हू क बस ऊपरलौ सावरियौ जाणै है। गरु! मौत तो हतीकी आयगी, जिणमै फरक नीं।” हेमो रोवणको कैयनै बोल्यौ।

वो भळे केवण लागौ-“गरु! छूट जाऊ तो गिरै मिटै। म्है ई सुधर जाऊ अर घर आळा रा ई कळजा ठर जावै। अै सैंग कमीण म्हनै अेक मोटी आफत समझे।”

घर आळा ई बापडा थारै सारु डोडा अर अमल कठै सू लावै? कमावणियौ तो बीद धू है घर में। थोडौ ऊडौ विचार करनै सोच। घर आळा तो बापडा ज्यू त्यू करनै धकावै तो है। घणा-घणा धिनबाद है आनै तो। म्है हेमै नै कैयो। वो चिनीक ताळ तो चुप पडियौ रैयौ नै पछे अेकदम भळे बोलण लागो-

“घर आळा तो पक्का कमीण है माडसाव! थानै अजै म्हारै घर री ठा नीं है। नेना अर मोटा सैंग ई म्हनै तो मारणौ चावै। म्हारा तो दुस्मण है, दुस्मण। आ सगळा नै ई म्है तो आक सरीखो लागू। सैंग आ ई चावै कै ओ किती बेगो मरै। म्हनै तो अै मारण नै ई खपै। था नै ठा कैणौ चाईजे कै अै सैंग म्हारै लारै पडियोडा है। म्है तो आ री आखिया में खटकू हू। अै तो म्हारी मूडी ई देखणौ नीं चावै। कोई पैलडै भव रौ वैर है, कठै है बापडा। अै जाणै है-ओ मर जाय तो पाप कटे। म्है सोरासुखी कै जावा, पण माडसाव ओ आ री कोरो भरम है। म्है, थे जाणी हो, मरिया पछै आ नै छोड दूला? कदैई नीं।”

“मरिया पछै म्है विपलौ वणनै आ नै अेडा फफेडला के बेटा घणै दिना याद राखैला। आ रै माय तो अेडी भूडी करूला कै डगलीचूक दियोडा नै भागता मारग नीं लावैला। विपलै आळौ उपदरौ अजै अे दीठौ नीं है। ढाणी में अेडी खैगाळ मचाऊला के आ रा चूळिया ढीला पड जायला। पितर वणियोडो जदै हाडण लागौ तो आ रा घोटिया अर थाबळिया नीं भराय दू तो म्हारो नाव हैमलौ नीं। अबार

ऐ तन तन छो करता। मरु जिती जेज है। मरिया पछे तो आ री वोल्ती वर करने ओडी छीका अवाणूला केँ ऐ वगना व्हेता जेज नी करैला। म्हने पितर तो होवण दो, पछे देखजौ मजौ। सवा री दूढ घड घड नै ढेकणी वोलाय दूला। दुवा ओडा भागूला केँ ऐ दुई टेकने सेवट दूगा रै ओडिया लगावता ई दिखैला। म्हने तो मारग लागणी ई है पण आ नै तो आठू पो'र चौसठ घडी नचावती ई रेवूला।" हेमो कालो व्हियोडी अटसट निरवाध बकिया जावै हो।

म्है अवे अरजण सामी झाक्यौ। अरजण। यातडी हमें कावळ गेड जावती दीसै। आदमी पूरा दवियोडी है। हेमौ, ओ सगळी प्रळाप काले मिनख री दाई डोडा री कमी सू अणपखी व्हियोडी करै है। कठै ई अणकारी यात नी वण जाय। मामलौ जकौ वणियौ है, म्हने तो उणरी छेहलौ नाक्री लागै। का अमल का डोडिया री जुगत बेगी सू बेगी बैठे, तदेई बाजी रेवै, नितर यातडी हाथ सू निकलण आळी है वयु के कावळ तो तर तर भारी होवती लागै। बोल। की उकरास है?

“माडसाव। देवण री तो ठा नी पण वगतिथी आज ई दोय कीलो डोडा लायौ जरूर है। भाव तो ठा नी के लगावेला?”

म्है अरजण नै कैयौ—“धू म्हारो नाव लेयनै वगतिथी कने सू आधी कीलौ डोडा छेकाई सू लावै जक्री यात कर। भाव वो लगावै जकौ छो लगावती। लै ऐ बीस रिपिया। कुडतिथी रै खूजै में न्हाख। ओ कनै ई जोगले आळी ढाणी में ऊट ऊमो, लेयजा। पाछी किती वेगी आवै मोटियार।” म्हे अरजण नै भोळावण दी।

अरजण जोगलै कनै ऊ ऊट लैयनै अपलाणियों ई चढ्यौ। चढती पाण ऊट नै ढाण कर दियौ। दमेक में जाय पूगी जोगे आळी ढाणी। जोगे नै सगळी विगत बतायनै आधी कीलौ डोडा लिया अर पूठी छेकाई सू आयग्यौ। डोडा बटकी में घालनै पाणी सू भिगोय दिया। गळिया पछे वा नै गळणी सू बटकी में छाण्या। बटकी ओक कानी मेल'र हेमै नै झिझोड नै बैठो करियौ। डोडा त्यार करती वगत हेमै रै छोरडे नै चाय वणावण री कैय दीनौ हो अर वो छोरडी घोनी मेळनै चाय चढाय दीन्ही। डोडा आळे रस ऊ बटकी सेठी छालनै हेमै नै झिलाई। बटकी हथेली माथे लेयनै वो ओक ई सास में गटकायग्यौ। वळते दीथे में ज्यू तेल निमड जाय अर उणरी लौ मोळी पडनै वुझण री त्यारी कर लै, पण पाछी तेल घालता ई जाणै उणमै प्राण बापर जाय अर चानणी पाछी तेज व्हे जाय, उणीज भात डोडा पेट में पूगता

ई हेमै रै कोठे में चानणौ कैगौ। वो सजीवण सो कैगौ। दूजोडी बाटकी भरनै भलै पकडाय दी। दूजोडी बाटकी हमै वो नैहचै सू होळै-होळै पीवी। डोडा उगाया पछै उणनै चाय पिलाई। म्है अर अरजण ई चाय पीवी।

चाय पीवती टेम हेमौ अबै मुळव्यौ। गरु थे तो आज म्हारै माथे मोटी म्हैर कर दी। आज तो थे म्हनै बचाय लीनौ। मोत रै मूडे में गियोडे नै उवार लियौ। म्है कोई हालत नीं वचतौ। ये दोनू जणा यू समझलौ, म्हनै नूवी जलम दीनो है। म्हनै तो थे न्या'ल कर दियौ न्या'ल। ओ असाण तो म्है जिनगी में ई नीं पातस्ला। औ डोडिया कितरै पडसा रा है गरु?

पडसा तो लागा जिक्र लागगा। थनै पडसा ऊ के करणौ है? वचियोडै डोडिया नै भलै काम ले लीजै। अक यात रो ध्यान राखजै। आ डोडिया रै खूटण सू पैला पैला थू अमल का डोडिया रो सराजाम कर लीजै भाईडा, नीतर हिडोळै चढग्यौ तो काम आ जायला। कोई नेडै ई नीं आवैला। मिनख तो तमासो देखेला अर थू जावैला खोखा खावतौ, चारै रै भाव। पाळ पैला ई बाधियोडी कम आवै, पछै तो नद रै रेलै में गडिदा खावतौ ई निगै आवै। मिनख नै चेतौ राखणौ चाहिजे। म्है उणनै पूरी भोळावण दीनी।

“के मनवार करु आपरी?”

“सब बाता री लै'र हे हेमा।” थू मौज कर। हमै थू बैठ म्है चाला। मोडी खासी कैगौ। इतरौ कैयनै म्है व्हीर कैगा।

“तो आछी तरा सिधावौ। भगवान आज तो भली पुळ में मेल्या धनि।” केवतौ सुणीजै हो। म्है थोडा खाथा पग भरनै सरपच री ढाणी पूग्या।

राखडी री छुट्टी री दिन। इस्कूल में नीमडै री छिया में माचौ ढाळियोडी नै म्हु आडटेड करु। इस्कूल आळै ह्थै सू सटियोडे अगूण कानी जूनौ कटाण री मोटो मारग वेवै। अक बेवतोडी ओटी मारग माथे आपरी ऊट ढावने म्हारै सू नमस्कार करिया। म्है नमस्कार री पड़तर देयनै ओठी ने नाव गाव पूछ्या। उण आपरो नाव'र गाव बताय दीना।

“धकै सिध जावौ?” म्है पूछ्यौ।

“जावणौ तो खासी अळगी भा है पण

।”

“पण के? रोटी जीमणी है?”

“नहीं रोटी तो जीमियोडी है।”

“म्हारें तो चाय आळी टेम हुग्यो। इण सारु आपने बैठ देखने ऊट नै ढाव दियो।” वो सकीजतौ सो बोल्थी।

“चाय पाणी घणा। आछी सकी करियो?” ऊट नै उण पैलोडे सरेस रै बाधने आ जावो। अवार घणावा चाय। वो सरेस आळी पौड सू मुरी कसने ऊट बाध दियो अर म्हारें कनै आयने बैठगी।

“आपा थोडीक ताळ बतळ करा, जितरेक कोई न कोई आ ई जासी। वो ई आपने चाय घणायने पिलावेला।”

“तो ठीक है।” कैय परीने वो म्हारें सू याता में लागगी। सजोग सू जितरेक पूनमी आयगी। म्हें उणने चाय घणावण आळी काम भोळाय दीनी। पूनमी जायने चूल्हो जगावो जितरेक राजा आय पूगे-हेमो वधाणी। म्हें पूनमे नै हेली करियो-पूनमा! हेमै री सवारी पधारगी है। चाय हिसाब सू बणाइजै। हेमो ई हेठो बैठगी।

“आज तो हेमा! राखडी रौ फूदी मोटी वधायो रै।” म्हें हेमै रै हाथ कानी देखने पूछ्यो।

“फूदो तो माडसाब! बसी मा'राज आयगा हा, बाध दियो।

आज तो राखडी पून्यो ई है।

“राखडी वधाई री मा'राज नै के दिखणा दी हेमा?”

“पय्या तो म्हारें गोडे किन्त हा? बाजरी रा आखा दिया अेक धोवो भरने।” कैयने हेमो म्हारें सामी झाक्यो।

ठीक है हेमा! अत्र री दान तो सास्तरा में से सू ऊचो दान मानीज्यो है। अन्न सै सु मोटी है। म्हें हेमै नै समझायो। चाय घणाय नै पूनमी ले आयो अर सगळा जणा चाय पीवी।

ओठी आछी तरिया रजने चाय पीवी अर चाय पीया पछे बोल्थी-“गरु आज तो पून्यो है, परब रै दिन। थाने म्हें थोडोक अमल देवूला, ना मती दीजो।”

“म्हू तो अमल अंगैई नीं लिवा करु।” म्हें ओटी नै समझायो।

“नीं गरु विन्योक दस्तूर तो करूला।” ओटी अडग्यो।

“तो तिल जितरोक दे दो।” इणसू बेसी म्हारें नीं खटैला।

“करी वात नी, थाने रुचै जितोई लो।”

यू कैयनै वो तिल भरियो अमन मनै दियो अर मँ उणरी मनवार नै साची कर दो। वो हेमै सामी झाकनै बोल्यो—“इण भाई री के नाव है? थोडीक किरची इणने इ देऊना।”

मँ बोल्यो—“इणरी नाव तो हेमो है पण किरचडी तो आधे तिल ऊ वती नी पटे। निपट सोफ़ी है।”

वो तो मनै सँग ठा है। गाव री गत खेडा ई बताय दे। हेमै री उणियारी आप कैयै। हेमो तो माडसाव। अेरु चीज ई दृजी है। ओटी हसनै बोल्यो। हेमा! आज राखडी पृन्यो है। परब अर नूनीं दिन। यू म्हारी मनवार री अमल आछी तरिया रज'र ले लै। वो हेमै नै धणै सनैव सू कैयो।

“थारी नाव के है?” हेमो ओटी नै पृछयो।

“म्हारी नाव तो भरियो है हेमा।”

“भूरा म्हारै अमन तीनोडो है। मँ थारी मनवार मान ली। यू थारै गिनायता में जावै है। थारै गोडे अमन री किरचडी होवणी चाहिजे। म्हने यू धिणै जितोक दे काढ। म्हारै घणोई घणो।” हेमो उणनै भली तरा समझायो।

हेमा यू भाईडा, दीसै तो अरड बघाणी है पण है मोळी ई। बीसै जेडो कोयनी। म्हारी दिन तो धनै पूरी मावो करावण नै करै पण यू तो थारी पोत पैला ई बतावण लागी। म्हने थोडोक अेक बै'म भाईडा भळै है। स्यात यू सोचती कैला के इणरै कनै अमल सरासरी ई कैला अर आपा इण मारग वैवतै नै ब्यू सताया?

“तो भूरा! ठीक है। थारी मनवार तो मानणी पडसी।” हेमो मुळकती बोल्यो।

भूरी हमै चकूडे ऊ, आपरी डबी री अमल निकाळ'र नेना-नेना नुकरा करिया। नुकरा ऊ हथेली भरनै वो हथेली हेमै रै सामी करी। हेमो अवै चूकण आळो कदै। पूरी मन री काढी। हेमो मन ई मन में करै—‘ऊपर आळी देवै जदै छप्पर फाडनै देवै। आज आपणै तो सोनै री सूरज उण्योडो समझी। भूरी री हथाळी सू हेमो दो-दो तीन-तीन नुकरा उठावती गयी नै वरडकवती गयी। वो अेक तोळै रै लगैटणै अमल नै ठीकाणै लगाय दियो। भूरी मन में सोच्यो—हेमो कडीर तो जवरेल है, मोळी नी।

“ले भूरा! म्हें थापनै अमल ले लियो। थारी मनवार पूरी मानी।”

“अब ठीक है हेमा। म्हारी जीवसोरी होयग्यौ। नीतर म्हारे मन में गिचपिच रैवती।” भूरो हसनै कह्यौ।

अबै भूरो सरेस सू बाध्योडो आपरो ऊट खोल्ह्यौ अर उणरी भूरी पकड़ियोडै म्हारे कने आयौ। घणै सनेव साथै हाथ मिलाय नै जै रामजी री करी नै खानै केनै।

भूरो खासी भा गियो परी जदै म्हें बोल्ह्यौ—“हेमा आज धू अमल रा घोपटा तो जवरा ई करिया।”

“हा माडसाव! आज घरे बैठा गगा आयगी। दाता देवै जद छप्पर फाड़नै घृ ईज तो देवै। म्हें आज आपरे गोडै आयो जद सुगन सागेडा लेयनै आयो। भूरी आज म्हारे भाग रो ठीक आयौ। म्हनै तो वापडी ओडी रजायौ है कै गई दोय दिना री। हेमौ पूरो मगन व्हियोडौ बोल्ह्यौ।”

भूरे आळौ अमल उगण में ठीक हो। हेमौ तो ओडी घोडै चढ्यौ कै बाता फैंकै लाबी लाबी। बाता रा टोल गुडावतौ-गुडावतौ ई वो आपरौ हाथ दूढ कनी लेयगो। पोत री अटी में खलेचीनुमै दूल रै खोतलियै ने वो खाचनै काढ्यौ अर आपरे धके मेल्यौ। खोतलियै में तमाखू री पान अर सुल्फी। सुल्फी रा मूडै माथला काना दोय तीनेक जगाऊ चिन्या चिन्या झडियोडा। वो अेक कुचरी लेयने चिलम रै माय घणै दिना रै गुल ने कुचर-कुचर ने वारे काढ्यौ। पछे मूडै सू उणमें लारली कानी सू फूक ठोकी। हथेळी माथे तमाखू री पान लेयनै उणनै मसळियो अर पान रै आपरी दोनू हथेळिया सू दोय तीनेक थापी देयनै सुल्फी में भरियौ।

“चूल्है में वासदी तो होवैला माडसाव?”

“वासदी तो चूल्है में नीं व्हेला?” हमें तो नीतर ई चाय रो बगत व्हेगौ। वासदी तो बाळणी है ई।”

“म्हें गरु चिलमडी भरली, गोटी वणायलू, थोडी वागस झिलाय दो।”

म्हें उणरै सामी तूळिया री पेटी फैंक दी। पोतियै रै आटा में मूज रा दोय तीनेक तोडा गडोयोडा, अेक तोडी वो खाच नै काढ्यौ अर अेक नेनीक गोटी वणाई। गोटी रै विच में अेक कुचरी अडायौ नै तूळी सू सिलगाय दी। गोटी त्पार विया पछे चिलम माथे मेनर होळैसीक अगूटे रै इसारे सू उणनै दवाय दी। पाखती पडिये लोटे सू चकू में पाणी लेयनै स्याफी भिगोई। स्याफी निचोड नै चिलम रै हेठले

छेडे लपेट दी। अयै वो चिलम री फूक खाची। फूक अेडी आकरी खाची कै चिलम रै मायली तमाखू में झाळ उपडगी।

“चिलम आकरी घणी खाची हेमा! बापडी तमाखूडी रौ अेक ई फूक आळै सरडकै ऊ पाप काट दियो।” म्है हसनै कैयो।

हेमी म्हारली वात सुणनै थोडीसोक मुळ-ज्यो। उणरै मुळकणे सू दाढी अर मूछा आळा बाळ, जका अेकमेक कियोडा हा, थोडाक छिदा कियो अर वा रे बीच में थोडीक गळी बणी। पीळा पीळा दात तिडकावती वो बोल्यो-

“आज तो गरु घोडै चढियोडै हू। म्हारी बोथा सारू खूब लियोडी है। म्है तो घदोळा खावती फिरै हो। श्रुरियो अलाई भली पुळ में आय भिडियो। धूपट लागै जदै यू ई लागै। धूड में लट्ट लागणी हो, लागगो। तीन पौर तो आपा राजा बणियोडा हा। इतरी कैयनै वो चिलम री फूक खाची पण बाता आळै टोरा में घणी जेज लागण सू बा चुझगी ही।” बेटी आ हरामजादी कैडी दुखदेणी हे, चुनती जेज नी करै। अयै दूजी ई भराला।” कैवती वो चिलम नै अेक कानी झाडडी।

आज हेमी पूरी भगन कियोडी, जाणै कोई गढ जीत्योडी व्हे। साबठो उन्मादघोडी। काळियै रै परताप सू नडी-नडी चेतन कियोडी। हेमी तो भूपत बणियोडी। हियै में अणूतौ उमाव भरियोडी। वो कदी पावू राठीड रा तो कदी गोग चक्काण रा सूरापण आळा दूहा बोलै। गोग अर पावू ने रग देवै, वो न्यारौ। मन में पूरौ छैल बणियोडी। पावू अर गोग चक्काण नै रग देवतौ-देवतौ वो तेजौ गावणो पोळाय लीनौ। तेजै आळे गीत नै वो लावी राग सू उगेर्यो। म्है समझग्यौ के अै सैंग चाळा बापडी हेमी नी करै है। अै तो काम इणरे माय बढियोडे काळियै रा है। हेमी तेजै आळै गीत री राग नै लावी खाची। लाछा गूजरौ री गाया लायौ मोडनै। ‘मोडनै’ सबद रै साथै ई हेमी तो घासी में अेडो अळूझ्यौ कै म्है तो देखती ई रैग्यौ। उणरौ तो समझणौ ई मुस्कल कैगी। मूडी रातो लाल नै आखिया में पाणी री लडा। उणरै बस री वात नी रैई।

“बेटी रा बाप! थनै ई बाटी खावतै नै बूज आई।” म्है थोडी रीस करने कैयी।

हेमी खासतौ-खासतौ चारै गियो। कठा में झिलियोडे खकार रे डचकै नै खेखारै री आछट ठोकनै बारै टेक्यौ जदै जायनै उणरे जीव में जीव आयी। पाछी आयनै बोलौ-बोलौ वैठगी।

“हेमा! औ दूहा नै गीत गावणा थारै वस री बात नी है। दृष्टन दै आगा। मती गा। घणी अळूझग्यौ तो कोई नूवीं गिरै करैला।”

हेमौ नीची धूण करने बैठगौ। म्है दोनू बाता करता ईज हा, जितरेक समी ऊ चेनो आवती दिख्यौ। चेनौ ई अरड वधाणी। चेनौ उमर में हेमै ऊ की मोटी। वधाण में दोनू अेक ई धोतियै रा पत्ता। दोनू जाणै अेक ई झूगर रा मोरिया। चेनै रै पगा में लावा-लावा लिक्तर टेकयोडा, जिण सू वै’ तै रै लारै धूड उडै। अेरु हाथ में ढेरियो नै दूजोडे में पीतळियौ होकी लियोडी। चेनौ आयनै राम-राम करी अर बैठगौ। बारलै छेडे दोना रा लिक्तरा अेरु जोडे, कनै-कनै पडिया, जाणे अेरु ई कपनी अर अेक ई ‘मेक’ रा है। चेनै रै दोनू आखिया में गीड आयोडी। पोंतिनै रा पेच ढीला पडनै भाषणा माथै आयोडा। अगरखी रै कूणिया माथै ऊ फाटनै मोटा-मोटा बागा हुयोडा जिफा रै माथ अणूती काळी काळी मैल जमियोडी। दाढी रा रूगता ठोडी माथै की जाझा। ठोडी रै आँडै-पाँडै साव छेदा। दाढी सफा धोळी पण चिलम अर होकै आळे धूवै सू पीळास लियोडी। चिलम रै प्रताप सू धोतियै रै तीन च्यारेक चादी आळे रिपिये रै उन्मान ठीडा दियोडा। चेनै रै मूडै में दात अेक ई नी। मूडौ सफा फोफलियो। पण अमल रो गनीम तो अेडौ भूडो कै मसूडा सू ई अमल आळे नुकरा नै भाग-भाग नै ठीकाणे लगावतौ जेज नी करे। म्है दोना रै सामी बैठौ-वैठौ देखू। दोनू अेक आडी रा। दोनू कनै-कनै बैठ। म्हनै हसी आयगी। आज ओ जोग कैडी वणियौ जकी औ दोनू ई पोतादार म्हारे कने हेरुण ठोड आयनै भेळा दिया। म्हारै गोडे केमरो नी हो, नीतर दोना रो फोदू खाचे जेडी जवर मोकी हो।

“था दोना में मोटी कुण है चेना?” म्है हसनै पूछियौ।

“मोटी तो माडसाव। म्हू हू। हेमलौ तो कालै री छोरी है। म्हू तो छिनवे काळ में ई भरपूर मोटियार हो। हेमै रै तो आपौ लावा वा दिना म्हारी दाढी में छेदामाडा घोळा बापरग्या हा। म्हू के आज रो हू? कैई उन्हा-ठाडा वायरा रा दोटा खाथोडा है म्हारै। म्हू तो खासा वरस गिटयोडी हू। हेमलौ तो माडसाव। मोटी वधाणी होवण सू अेडौ वूढी खपीड नै ज्यू लखावै है। डळा-डळा खावण सू ओ अेडो विकराळ दैत ज्यू लागै।” चेनौ खासी ताल हैमै री उमर आळी तातो ताण्यौ।

यू रीळ मसखरी करता करता म्है चाय वणाई। म्हू तो अेक कोप चाय पी पण वै दोनू दो दो पिया पछे न्हा करी।

“हमै थारली होकौ भर चेना। देखा कैडौक आवै? ठा तो पडै।” चाय पिया पछै हेमौ बोल्थौ।

चेनौ आपरी होकौ उठावतौ बोल्थौ—“पीवण में हेमा! ओ मोळी क्यू दै? वापडौ घणी जूनी है। ठेठ म्हारलै दादै रै हाथ रो है। आ तीजी पीढी है, अजै तो वैडौ री वेडौ पडियौ है।”

चेनौ आधी तरा होकै में तमाखू भरनै माथे वास्ती रा खीरा धरिया। नै’ मूडै में लेयनै हेमौ अर चेनौ वारी-वारी सू गुडगुडावण लागा। होकौ पीवणी वै पोळायो ई हो कै भेरी आयनै बोल्थौ—माडसाव! फोजे री ढाणी आज रात रा रामदेव बावै री जमौ है। थानै घणेमान घुलाया है।

“ठीक है भेरा! सुण लियौ, जरूर आऊला।”

भेरी तो गियौ परौ नै म्हें चेनै अर हेमे सामी झाक्यो। दोनू ई पूरा मगन दियोडा माय ई माय हसे।

“थे दोनू ई इतरा राजी कीकर किया? कीं धन लायगी?”

म्हारी सवाल सुणता ई वै अेक साथै बोल्था—“म्हाटी आज तो फौजो न्याल कर दीना गरु।”

“न्याल कीकर करिया धनै?”

“कीकर के गरु! ढाणी गिया पछै आवकर रै साथै खावण नै सखरा रोटा अर ओलण, धपाऊ चाय नै गैरा अमल-डोडा। इण सू घणी वापडो के करै? बोलै कनी चेना।”

“थे जमै री, भजना री, ग्यान री अर भगवान री बात तो हेमा अगेई नीं करी। कोरी खावण-पीवण री वाता सतरह करली। आपा भगवान री नाव सुणन नै जावा हा का रोटा ठोकनै डोडा पीवण नै?” म्हें वा नै पूछ्यौ।

“भगवान री नाव तो हैईज। पण बापडौ फोजौ आयोडै मिनखा सारु सराजाम करण में कीं कसर नीं राखेला। म्हारो मुतवल ओ है माडसाव।” हेमौ आपरी सफाई देवती बोल्थौ।

“तो माडसाव! चाला का थारै अजै जेज है? वे दोनू हेकण साथै बोल्था।

“नीं हेमा! थे दोनू पूगता द्यो, म्हें तो घणी मोडो रात पडिया आऊला।”

हेमी बोली—“चेना! होकी सगळ भाईडा। हमे तो आपा आदू आळी ढाणी रे कने ऊ सीधा ई निकळी। भा खासी लावी है, आपा दुळता व्ही। वै दोनू खाने व्हेगा। दोनू हेकण साथै सागण मेक आळा लिक्तरा पगा में टेक्योडा फोजे आळी ढाणी सामी अेक्री हुडी जावे हा, जाणे आ रे पूगण सू ई फोजे आळी काम सुयरेला। म्हें वा नै जावतोडा नै देखे हो। वै दोनू खाथा पडियोडा सपीड बोलावता धके व्हे हा अर वै लिक्तरा वा रे लारै धूड उडावण में लागोडा हा।

उण दिन रे पछे तीन च्यार महिणा निकळगा। हेमी म्हनै पूठी नीं मिळियौ। अेक दिन इस्कूल री रिसेस व्हियोडी। छोरडा विखरियोडा अटीवठी रमै। मास्टर घणखरा इस्टाफ रूम में बैठोडा नै दोय तीनेक चाय री सीक राखणिया म्हारे कने कमरै में बैठ। म्हें बैठ-बैठ चाय पीवा। अचाणचन्नी हेमी आयनै कमरै रे वगैरनै विचाळे ऊभने नमस्कार करिया। म्हें नमस्कार री पडूतर देवती हेमे रे सामी झाक्यौ। आज तो उणरी हालत थापनै माडी लागी। मूडी उतरियोडी। ऊमै।

म्हें हेमै ने खरी मीट सू जोयौ। आज उणरा विलिया विखरियोडा हा। गाडी साव दोय लैण माथै आयोडी। डेरो पूरी ई लारलै आसण में आयोडी। उणरी आखिया में गीड रोजीना ऊ कीं जादे ई आयोडो। उरभाणै पगा। पोतिये आळा आटा इतरा ठीला के दोनू कान ई ढकीजगा। अगरखी ऊथी पैरियोडी। तमाछू आळो खोतळियो आज अटी में नीं, पोतिये आळे आटा में खसोलियोडो। पोत रा दोनू पल्ला ई वरावर नीं। अेक पल्लो गोडै ऊ ऊपर तो दूजोडो गोडै ऊ खासो नीचो। अेडी लागे जाणे धोती वेचेते व्हियोडी बाधी व्हे। थोडो-थोडो नाक ई बरे। चूकती मामलौ अगळ-डगल व्हियोडो। मूडी रोऊ-रोऊ हुयोडी। अेडी लखावै जाणै हेमै री ऊमै रेवण री आसग ई नीं व्हे। रिसेस खतम होवण री घटी बाजगी। मास्टर अर छोरा सैग आप आप री कितासा में गया परा।

“हेमा हेठो बैठजा।” म्हें उणनै कैयौ। म्हारलौ सोचणौ सही हो। उणरी ऊमै रेवण री आसग बिल्कुल ई नीं ही। वो तो वेठण री कैवता ई भच्च देणी कमरी ऊट री गळाई बैठगौ। अवै वित म्हें दोय जणा ई हा।

“हा तो हेमा! अवै वता के बात है?”

वो गळगळो व्हियोडी नै निजर म्हारे सामी। बोलै नीं।

“अरे वेटी रा बाप! बोल तो खरी। बोलिये टाळ मिनख नै ठा के पडै?”
म्हें थोडी रीस करने पूछ्यौ।

उणरा कठ थोडाक खुल्या अर दूटोडासाक बोल निकळ्या। माड सा
 व। खूजें में ओक टक्रे नीं अर डोडिया लावणा जखरी। नीतर म्हारी तो भळें ई
 मो त आयगी। क्यूतर नै तो गरु कुओ ई दीसै। म्हनै तो मरतगाळ में थे ई
 निग आवौ। आपरै गोडे आवता सरम ई लाख गाडा आवै, पग ई दोरा पडै, आवण
 री छाती ई आहजी पडै, सेंग वाता है पण जदै च्यारुमेर सू मारग बद व्हे
 जाय जदै प्राण बचावण री आसरी म्हनै तो आप आळी ई दीसै। कै करू?
 मजदूर कियोडी उर्नै दूळ। म्हें देख्यो-हेमै री आखिया आसुवा सू भरियोडी नै
 डबडवाईजियोडी ही। होठ ई फुरकण लाग्या हा।

“कितरा पइसा जोईजै?”

“दस रिपिया।” हेमौ जवाब दियो।

लै दस रिपिया। म्हें खूजें सू काढनै दे दिया।

वो दस आळी लोट लैयनै माथै रै लगायौ अर बोल्यो-

“गरुजी! म्हें महिनेक ऊँ अै रिपिया आपनै दूध में खोळ नै पूठा देऊला।”

अवै हेमै रै मूडै माथै कीं सायत वापरती सी लागै ही। वो नमस्कार करी
 अर व्हीर व्हेगी। हेमौ खाया-खाया पावडा भरतौ जावै हो अर म्हारै अतस में उणरै
 कथण रा वै आखर भाटै आळे सिलालेख दाई कुरीजग्या हा-

“गरुजी म्हें महिनेक ऊँ अै रिपिया आपनै दूध में खोळनै पूठा देऊला।”



काळजीभौ

म्हारी इस्कूल सून खासी छेटी माथे भोमै चौधरी री घर हो। भोमै री ब्याव
किया पछे पाचेक वरसा ऊ अेक दिन रात री वारेक वजिया उणरै घरै थाळी बाजी।
थाळी आळी टणटणाट म्हनै ई सुणीजियौ। म्है सोच्यो-वापडै रै सामी भगवान जोयौ
तो खरी। लुगाई री पेट नीं मडणें सून भोमै री मा अर बाप, डोकरी-डोकरी दोनू
ई घणा दुखी हा पण आज तो या दोना री ई हियौ ठरग्यौ। थाळी री टणटणाट
पाडौसिया नै ई सुणीज्यौ। दिन ऊगता ई भोमै रै घरै पाडोसणिया भैळी व्ही। बाळै
रा मगळगीत गावीज्या। गुड बाटीज्यौ डूम ढाढी आया, वा नै ई राजी करिया।
जलम माथे जितरा रिवाज नै रीता व्हे, वै सेंग पूरी व्ही। समघो किया पछे भोमै
री बैना ई आप आप रै सासरै सून भाई रै घरै आई। वा नै ई भाई भोजाई री तरफ
सून कपडा रा वेस अर नेगचार दीरीज्या। बाळो दोय तीन महिणा री कियौ जद
घर आळा टावर रो नाव राख्यौ-भीवडो। नाव तो घणोई जोरदार राख्यौ। पाडु-पुतर
भीयौ कुणसौ मोळो हो। ज्यू-ज्यू दिन बीत्या, भीवडो मोटी कियो। भीवडौ पाच छ
वरसा रो व्हेगौ। पाच छ वरसा पछे भीमडै रै बधण आळी काम धापनै मोळौ
पडग्यौ। थोडौ घणौ डीगौ भळै कियौ पण पछे तो बधण आळी काम ठप्प। भोमो
उणनै दूध अर असाळियौ ई खासो पिलायौ पण भीवडौ तो नीं बधियी जकौ नीज
बधियी। मा बाप कानी सून करियोडी माथाफोडी सेंग अळी गी। चो तो जाणै नीं
बधण रो सकळप ले लीनो हो। बावनियौ रेणौ हो जक्कै रैयगो। ओपरी मिनख जे
उणनै पूठ कानी सून देखे तो आई जाणै के कोई व्हेला-सात आठ वरसा री छोरौ
पण मूडै कानी देखै जद टा पडै कै बापजी तो खासी उमर में है। टीगणौ रैया पछे
गाव आळा चूकण आळा कद रा? गाव आळा अवै उणनै देणियो कैवण लागगा।

उणरी भीवडी नाव तो वित्फुल ई लुक्यौ। टेणियौ नाव भिनखा री जवान माथे अेडी चढ्यौ के गाव में वूढा-ठाडा, लुगाई-टावर सैंग उणने टेणियौ कैवै।

टेणियौ छ वरसा रै लगेटगै हो जद अेक वार घर आळा नै अेक अेडी करिस्मी बतायी हो के वापडा रै सात नाडिया रौ ई निसरग्यौ हो। वापडा इचरज सू भरियोडा वै तो टेणिये सामी झाकता ई रैयग्या। उण दिन पछे तो घर आळा टेणिये ऊ डरण लागगा। वा रै मन में टेणिये री पूरी डर वैठगी।

बात यू वणी कै टेणिये री मा भारी पगा ही। लुगाई दोय जीवा व्हे जदै पेट तो अलगत मोटी हुया ई करै है। वा आटी लुळियोडी घर रै आगणे में झाडू काढै। टेणियौ टावर हो, आगणे में रमै। झाडू काढने टेणिये री मा जदै सीधी व्ही तो टेणियौ उणरै गोडे आयी। वो आपरी मा रै कनै आयनै ऊभग्यौ। उणरी मीट आपरी मा रै पेट माथे पडी। वो पेट रै माथे आपरी हाथ फेरती थकी बोल्थौ-

“मा थारी पेट मोटी क्यू व्हियौ?”

टेणिये री मा वापडी इण सवाल री पड़तर के देवै? वा होळेसीक मुळक नै रयगी। थोडीक छेटी ऊ आगणे में टेणिये री दादी बैठी-बैठी बिलोवणी करै। डोकरी नै ई हसी आयगी। वा टेणिये नै आपरै कने घुलायी। वो दादी रै कनै गयी जदै दादी उणने आपरै खोळे में लेयने समझावणा दूकी। “थारी मा रै पेट में नेनीसोक बावृ है। आपाणे घर में भळे अेक भइय्यौ होवेला। थारै जेडौ रो जेडौ। धू उणने रमाइजै।” दादी रा बोल टेणियौ ध्यान सू सुणिया। दादी री बाता सुणने वो दादी नै कैयी-

“दादी मा। आपाणे भइय्यौ तो व्हेला, पण धू देख लीजै वो तो होवता पाण ई पट देणी भर जावैला।”

टेणिये री ओ बोल सुणता ई डोकरी रै मन में झाळ उपडगी। वा उणरी टाट में ठेलौ मचकायनै गाळिया काढती थकी टेणिये नै आपरै खोळे सू अळगो कियौ अर बोली-

“अरे ठालाभूला। ओ के आखर काढ्यौ धू? अरै करमफूटोडा। आ के जची थारै?”

डोकरी गाळिया काढनै रैयगी। दस पन्द्रेक दिना ऊ भोमै रै घर में दूजी वार थाळी बाजी। हुयी तो छेरी ई पण टेणिये रै कैने मुजब होवता पाण ई वो तो पाछे हुयी। घरआळा वापडा कृत्तरौळी करनै रैयग्या। के जोर करै? डोकरी (भोमै री मा)

रै हिये में पूरी जमगी कै-छोरी तो काळजीभी है, जिणमें फरक नी। अवै घर आळा वापडा देणिये स डरण लागगा। वा रै डर वैठगी कै मूँडे सू जे ओ की काजळ भाख दियो तो तीन तेरह करनै छोडैला। इण घटना स गाव आळा रै मन में ई पूरी गाडो बडग्यो। वे ई देणिये स डरण लागगा। वा नै ठा पडग्यो कै छोरे री जवान फळे हे, इण सारू लोग उण स आपरी पत्नी आगौ ई राखता।

भोमे रै घर में अक टाळा गाय ही। पूरी डीलरी धणियाणी अर डील गेल ई वा दुधाळी। मेळावती टेम धणियाणी री काळजो ठारे। एक रो छ कीला दूध। धोळ रग री फूटरी फूरी गाय। पूरे गाव में ओडी घेन किणरै ई नी। भोमे ने आपरी गाय माथे खासी गुमेज। भोमी आपरी गऊ री पूरी सेवा चाकरी करती। घर में धीण भरपूर हो। ओलण कानी सूसैंग घर आळा सोरासुखी हा। भोमी अक दिन गाय नै घर स उछेरण सारू खोली। देणियी कनै ई ऊमो हो, वो बोली—

“काका! ये आपणी गाय नै कटै ले जावी हो?”

“इणने खेत में उछेरा। आसैंग दिन आपणे खेत में चरेला नै सिझ्या ग आपणे धरै पृठी आ जावेला।”

“आ तो काका! अवै कदेई आपणे धरे पृठी नी आवैला।”

बाल वा सागै ई वणी। गाय सिझ्या ग ढाणी नी आई। भोमी आखती-पाखती गावा में घणोई फिरियी। चकरी चढियोडी फिर फिर नै आपरी पगरखिया रा खाहडा कर लिया पण गाय तो नी लाथी जकरी नीज लाथी। वापडो हारनै हेठी बैठी। गाय आळी वारदात स देणियी पूरे गाव में काळजीभी पक्की ले कैगी। हाडी तीर ऊ डरै ज्यु ई गाव आळा देणिये ऊ डरै।

देणियी पूरे गाव में दोटा देती रैवतो। दूजी उणरै काम ई के हो? वो फिरती फिरती प्राइमरी इस्कूल में जा पृणो जठे रामेसरलालजी माडसाव धणै बरसा ऊ जमियोडा। इस्कूल अकल अध्यापक। हैड मास्टर, मास्टर नै चपरासी की समय, वै रामेसरलालजी अकला ईज। रामेसरलालजी छेरा नै चोखा भणावै जिणसू गाव आळा वा स पूरा राजी। माडसाव रै धरै तीन च्यारेक बगरिया, अक गऊ नै अक घोडी। आ जिनावरा सारू चारी-कूची गाव आळा री तरफ स। माडसाव रै लैर लाग्योडी, टावरटोळी मौज करै। गाव जाणै जागीर में मिळियी कै। वा रै तो पूरी मौज लागोडी। नै ई किणी काम स माडसाव गोडे आयोडी हो। म्हा दोनू गल्ला करा हा। रामेसरजी जदै देणिये रै माथे मीट न्हाखी तो वे अकदम राता-पीळा कैगा अर चोल पड्या।

“अरे टेणिया! हरामजादा धू अठै कीकर आयगी? धू अठै क्यू आयी? थने पीळा चावळ कुण दिया? इण भात वै उणनै फटकारणौ सरु करियी।

“धू अठी आ! म्है थनै वताऊ।” रामेसरलालजी बोल्या।

टेणियी घुपचाप ऊभौ झाकै पण बोले नीं। रामेसरजी जदै उण माथे घणी रीस करी तो म्है बोल्थी—

“इणनै छोडी माडसाव! क्यू मगजपच्ची करौ? ओ गैलौ भूगी अर भोळी तो है ईज पण साथै ई काळजीमौ न्यारी है। आगी वळण दो।” काळजीमौ री नाव सुणताई माडसाव तो व्यग्य री भासा में म्हनै समझावण माथै उतरगा—

“गरु! ये ई पढिया-लिखिया कै परा नै अणपढ मिनखा री गळाई दिमाग में अणविस्वास राखी। के होवै काळजीमौ? मिनख तो काला है। झाटी झाल ली—काळजीमौ, काळजीमौ, काळजीमौ। म्है साइन्स री विद्यारथी रैयोडी हू। म्है तो आ बाता नै बिल्कुल ई नीं मानू। ओडा काळजीमा तो म्है घणा ई दीठा है।” वै भळै दाक्ल करनै टेणियै नै आपरै कनै बुलायौ। टेणियी डरती डरती वा रै कनै आयनै ऊभगी। माडसाव अवै रीस में बोल्या—

“क्यू आयी रै अठै? इस्कूल थारै बाप री है? कमीण! हरामखोर! बणजा मुरगी।”

टेणियै रै तो बडेरा नै इ ठा कोनी कै मुरगी किण नै कैवै अर कीकर वणे? जदै रामेसरजी रै हुकम री अनुपालणा नीं की तो वा नै रीस घणैरी आयगी। वै कुरसी माथे ऊ ऊभा क्खैय नै टेणियै रै दोय तीनेक झापट जड दिया। जातो रै अठा सू, नीतर भळै लाता भचकावूला। माडसाव आपरी आफरी पूरो झाड दियौ। टेणियौ कूकनै रवानै क्खैगी। कूकती-कूकती वो बोल्थी—

“धू तो हमै दोय ध्यार दिना री पावणौ है। थारी अजळ अठा सू ऊठग्यौ। जावतै री सपीड वाजैला। बदली नीं क्खै जाय तो म्हनै कैय दीजै।”

टेणियौ गियौ परी। टेणियै रै बोला माथे रामेसरलालजी नै घणी हसी आई। वै मजाक में म्हनै कैवण दूका—

“तो हैडमाडसाव! आपणी तो अब बदली होवण आळी है। टैणौजी री ओडर हुग्यौ है। टेणियौ तो म्हारी इस्पेक्टर है। बदली तो इणरै ईज हाथ में है। ओ तो आपरै दफ्तर में पृगता ई म्हारी बदली री ओडर डाक सू रवानै कर देवैला। रामेसर जी भळै मजाक रै मूड में बोल्या—तो हैडमाडसाव! इस्कूल री टेम तो हुग्यौ। अब

आपणै घरा चाला। था नै ई चाय रो अेक कोप तो पिलाय दू। बदली तो दे ईज गी।”

म्हें दोनू रामेसरजी रै घरे आया। वा रै घरआळी चाय वणायनै लाई। चाय पीवती टेम वै भळै टेणिये नै चित्ताख्यो। वेटै रै माथै में दोय च्यार झपीड लाग्या जदे वो म्हारी बदली माथै आयौ।

“रामेसरजी! अेडे नै छेड्योडो चोखो कोनी। सेंग गाव आळा कैवै के उगरी जवान फळै है, जदी तो ओ काळजीभौ वाजे। आपरो तो इण गाव में ठाठियां सागेडो जमियोडो है। सोरा सुखी वेठा हो। कठैई अेडे मुरदै री जीभ फळगी तो गिरै’ दे जायला।”

“फळिया ओ फळिया, हेडमाडसाव। थे ई पूरा दकियानूसी दिसी म्हनै। कागला रै केणै ऊ ढाढा थोडाई मरे।”

म्हें थोडीक देर गप्पा लडायनै घरै आयगो। रामेसरजी म्हनै च्यारेक दिना पछै मारग में मिल्पा। मूडी अेकदम थाप खायोडी। थापनै मोला पडियोडा।

“आज यू मोळा कीकर हो? के चित्पा है? आळोव में डूबियोडा दीसी?”

“चित्पा क्यारी है हेडमाडसाव। उण कगाल री जवान तो साचाणी फळगी। बदली री ओडर कलहै ई आयग्यौ। हमै तो दिनूगे ई स्पेयर होयनै जावणो पडसी। गिरै’ तो सागेडी व्हेगी। पण जोर के चालै? रीळ-रीळ में देखौ के वात बणी है? म्हनै ई बाटी खावतै नै बूज आई। पतळे गू में भाटी बाह्यौ जदे ओ नतीजी निकळ्यौ। हरामजादी वैठा-सूता आफ्त करदी। इण कमीण नै उण दिन नीं बतळावता तो ठीक रैवती।”

“थे तो साइस रा आदमी हो। अेडी वाता में विस्वास करौ काई?” म्हें घुगट्यौ भर्यौ।

रामेसरजी वोल्या—“अवै म्हें मानग्यौ कै है ओ पक्की कलजीभौ, पण अव मानण सू के होवै? म्हारी तो इण टिकट कटाय दी। म्हें तो हेडमाडसाव। वा सांगे ई करी कै—आव बलद म्हनै मार। वापडी कोई कैवणियो ठीक ई कैयी है कै पैना रहता यू तो तज्ना जाता क्यू?” ठीकाणै पडिया हा आराम सू पण इण काळजीभियै तो छडवडाय नाख्या। माथै में कमेडी हाली जदे इण कोजोडे ऊ बाधेडी करियौ। आपरै हियै मायली चूकती विथा वै म्हारै सामी भाख दी। रामेसरजी रा पण उगडग्या, गाव छोडणौ पड्यौ।

अेक दिन सिझ्या रा म्हारै कनै लाखौ आयग्यौ । म्है गप्पा लगावण वैठग्या । चाय पीवती बगत म्है लाखै नै कह्यौ—

“लाखा! सी तो रटकर सागेडी ईज करडै।”

“सी तो गरु! पडण आळी को पडै है नीं । इण सरदी रै लागण सू ई तो बापडी टैणियौ ताव में पडियौ है । म्है आज दिनूगै भोमै रै धरै गयौ हो, बापडी टैणियौ तो ताव में सीकै हो।”

“जदै ई लाखा! तीन चार दिना ऊ म्है उननै देख्यौ ई नीं । चाय पिया पछे घडी भरिया मिळियावा तो?” म्है लाखै नै कैयौ । म्हारै भोमै ऊ की काम ई हो नै मिसामिस टैणियै रा समचार ई पूछियावा । लाखौ हा भरली।”

म्है दोनू भोमै रै धरै गया । टैणियौ ओरडी में सूती । म्है अर लाखौ अेक माथै माथै बैठगा ।

“टैणियौ तो माडसाव! बापडी ताव में पडियौ है।” भोमी बोल्यौ ।

“तो भोमा! इणनै की दवा बीजी दीनी का यू ई भुगतै है?”

“म्है डाकदर गोडे गियौ । ताव आळी गोळिया लायौ हू । दोय गोळिया इणनै दीनी है अर माथै चाय पिलाय दी । भगवान करियौ तो ठीक कै जायला।”

“तो ठीक है । कीकर टैणा? धारै की आराम है?” म्है टैणियै नै पूछ्यो ।

“हा माडसाव! हमै की फरक है । थोडी थोडी माथौ तो दुखै है पण ताव में खासौ फरक पड्यौ है।” टैणियौ आपरी हालत बताई ।

“भोमा! इणनै दूध पिलावता रैईजौ । अै अग्रेजी दवाया गरम घणी कै । आ माथै दूध पिलावणौ जरूरी किया करै।”

“दूध में कमी नीं आवण दू । टैणियै नै भावै जितरी ई दूध पीवौ । आपरी तो दया चाहियै । दूध री ले’र लागोडी है । की कमी नीं है । अेक गिलास तो आपरै सामी ई पिलाय दू । भोमौ अेक गिलास दूध रौ भरनै लायौ अर टैणियै नै पिलाय दियौ । टैणियै रै दूध पीया पछे भोमी चाय बणावनै ले आयौ । चाय पीवती बगत म्है भोमै नै पूछ्यौ—भोमा! धी कितरोक हाथ आवैला? म्हारै तो धी सैमूदी ई खतम कैगौ ।

“धी तो गरु! दिनूगै आळी बिलोवणौ किया दोय किलौ साव सोरी सोरी हुय जायला । दिनूगै थे दोय किला धी ले जाइजौ।”

“तो दिनूगे आळो विलोवणी दिया पछे भोमा म्हने दोय किलो धी जोख दीजे।” म्हें भोमे नै पक्कवट करावती कैयी।

“दिनूगे आळी विलोवणी तो माडसाव। म्हने होवणी ई मुस्कल लागै।” देणियी सूतो सूतो कैय दीनी। म्है सैंग जणा उणरै मूडे सामी झाकण लागगा।

“ओ यू कीकर बोल्थी?” म्हें भोमे नै पूछ्यौ।

“बापडौ ताव में पडियौ-पडियौ चेले है। वो देखी आगणै में भैस अर ताथ आळी दूध आछी तरिया कढावोडौ कढावणिया में ठरै है। जमावण देवा जितरी जेज है। विलोवणी नीं होसी तो जासी कुनै?”

“विलोवणी तो दिनूगे नीं व्हेला। थे चाता भलाई करौ।” देणियी भळै आपरी बात ने खरावट करती बोल्थी। म्हा सैंगा नै हसी आयगी।

भोमी बोल्थी—“गठ ओ तो बुखार में पडियौ-पडियौ बक्कै है। बापडै नै वकण दो। आपणौ के लेवै? इणरी जीव सारै कोयनी। वेलै है।”

अचाणचक्री वारै आगणै में जोरदार दडवडाट व्ही अर उण दडवडाट रै साथे ई कोई ठाव फूटण सू की दुल्ले जेडौ खळ्ळाट व्हियौ।

“ओ के व्हियौ?” कैयती भोमो दौडर वारै गियो अर लारै री लारै म्हें ई वारै आयो। वारै आयनै देख्यी तो कढावणी री ठोकरिया बिखरियोडी पडी, नै दूध र रैला आगणै में घणी-घणी भा में गियोडा।

“आ के बात व्ही?” म्हें भोमे नै पूछ्यौ।

भोमी बोल्थी—“माडसाव। ओ काळियौ कुत्ती आपणे पाळियोडौ है। बडो नेफ अर समझदार गिडक है। दूध दही री रुखाळी ओ ईज करिया करै है। के मगदूर के दूध-दही आळी कढावणी अर जमावणी गोडै कोई मिनक्री, हाडौ का कोई दूजी जिनावर आ जाय। हू जाणू दूध री ठोक्क कोई मिनक्री कटावणी रै नेडै आई व्हेला अर कुतियौ उणरै लारै झडप काळी व्हेला। इण कुत्ते-मित्री आळै गोदम सू आ बात वणी है। भोमा'ली बात म्हारै ई हियै लागगी।

“आ ईज बात व्ही है भोमा।”

म्है दोनू जणा पूठा ओरडी में आयनै बैठगा। म्हारै दोना रै मावे मावे वैठा पछे देणियी बोल्थी—“होवैला दिनूगे आळी विलावणी? म्है दोनू ई उणरै मूडे सामी झाकण लागम्या।

दो च्यारेक दिनाऊ टेणियौ ठोर कैगौ नै पाछी गाव में टिप्पा मारणा सरु कर दीना। अक दिन वो घूमतौ फिरतौ म्हारै कमरै में आयगौ। दिनूगै री वगत। म्है चाय बणावण में लागोडौ। कमरै रै बारणै आगै सू मारग बेवतौ गेपरियौ भील म्हारै सू नमस्कार करिया। म्है उणनै नमस्कार री पड़ूतर देवतौ थकौ पूछ्यो-

“आज तो गेपर! खवै बन्दूक घाल्योडी, मूछा रै वट्ट ठोक्योडी, पूरो तानमान दियोडी अर तानारीरी करतौ कुनै दुख्यौ है? कीं मतौ दूजौ ई दीसै।”

गेपर बोल्थौ—“हा गरुजी! आज अक्काघ हिरणियौ लावण री तेवड करी है। खासा दिन कैगा सिकर करिया नै।” गेपरियौ मुळक ने रवाने कैगो अर म्है चाय बणावण में लागोडौ।

“ओ बन्दूक लेयनै के काम गियौ है माडसाव?” टैणियौ म्हनै पूछ्यो।

“ओ सिकर गियौ है टैणा। बापडै अक्काघ हिरणियै नै मारसी, ओ ईज इणरो क्रम है। आज कोई न कोई हिरणियै री गिरै आयोडी है।” म्है टैणियै नै समझायौ।

टैणियौ बोल्थौ—“माडसाव! म्हनै तो लागै है गिरै इण री खुद री आयोडी है। ओ कठै ई खुद काम नीं आ जाय।”

म्है टैणियै रै मूडै सामी झाक्यौ। वेतौ आखर तो कावळ ई काढ्यौ है, देखौ कीकर कै। चाय घणनै त्यार की जदै म्है अर टेणियौ दोनू जणा चाय पीवी। चाय पिया पछै टेणियौ आपरै घरे गियौ परी।

टैणियै आळै आखरा सू म्हारै मन में डर बैठगौ। म्है आळोच में पडियोडी सोचण लागौ कै घणै ऊ घणौ ओईज कै सकै है कै गेपरियौ हिरणियौ मारण साख आपरी तरफ सू पूरी माथाफोड करै अर तो ई हिरणियौ उणरै पल्ले नीं पडै तो धूड खावतौ रात पडिया ताई पाछी आय जावैला पण खुद री विणास तो क्यू कै? अर कीकर कै? यात कीं मगद में नीं बैठी। कुनै ई दिमाग लगावौ, गेपरियै री के विगडै? वेतौ टेणियौ यू ई दोरी ठोक दियौ।

उण दिन छुट्टी ही। गरमी री मौसम। म्है रोटी जीम जूटनै सोयग्यौ। म्हारी आख लागी। म्हनै नींद में आधी री सूसाट सुणीज्यौ। वारै झाक्यौ तो दरसाव बडौ विकराळ वणियोडौ। इस्कूल आळै नीमडे रा मोटा-मोटा डाळा सूटै रै झपीडा सू दोटा चढियोडा। अचाणचकौ मोटोडो डाळौ दूटनै हेठो पडियौ। सामी हरदान आळै खेडै में च्यार पाचेक जूनी अर मोटी खेजडिया जमी माथै लाबी दियोडी पडी।

पचायतघर थकती मोटोडी नीमडो पोडी रै आथ विचाळे ऊ दूटने अेडी लपवै जाणे खवीस व्हे। सूटी दरखता नै मुरड-मुरड नै भागण में पाछ नी राखी। पूळा री कराया नै जडामूळ सू उठायनै कुनै ई लेयगौ, ठा ई नी पडी। गाया-भैस्या री टापा ओ'ला अर घोना-लरडा रै अेवाडा री वाडा, नेने घेटिया-वकरिया रा तूताडिया सैगा रौ पोखाळी कर नाख्यौ। छा'ना-छपरा रा डोका तो कुनै ई गिया अर जमीं में रोप्योडा खूटा लारै रैया। सूटै रै आडै-अवळे झपीडा सू पसु-पाखी नै मानखी तकातक आकळ-वाकळ व्हेगौ। दमेक में सूटी तो सैग काम अगळ-डगळ कर नाख्या। सूटै री झाट ई घणी अराडी व्हे, कुण नी जाणै।

गेपरियो रोही में पूगने हिरणियै सारु अरी वठी डोळा फाड्या, जितरेक तो जगळ में सूटै आळी सूसाट सरु व्हेगौ। गेपरियो वात ओळखली कै सूटी आ रैयै हे अर सूटी ई हळको अर मोळी नी है पण उण रिण रोही में कुनै जावै? कुणसै घर में वडे? जगळ में तो भलाई अराडी मेस वरसौ, सूटी आवी का जोरदार तावडी पडी मिनख नै तो दरखत री ई सा'री लेणी पडे। गेपरियो ई भागनै अेक मोटै खेजडे रौ सा'री लियौ। खेजडी जूनौ विरख हो। खेजडे री पोड अणूती ई जाडी हो। गेपरियो खेजडे रै आपरा मो'र भिडाय नै ऊभगौ। गेपरियो सूटै रै झपीडा अर दोटा सू घणी ताळ बाधेडी करियो। कैथाणी कूडी नी है के मौत रा कैई बहाना दिया करै है। उण खेजडे री अेक मोटी डाळी दूटने अरडाट करती पाथरी गेपरियै माधे पडियौ। इतरौ मोटी डाळी के छोडै? वापडी रिण रोही में काम आयगो। गियौ तो हो हिरण री सिकार करण सारु अर खुद सूटै री सिकार व्हेगौ। घर आळा नै पूरी चित्या लागोडी ही। सूटै री परभाव खतम होवता ई बै रोही कानी भाग्या। धकै जायने देख्यौ तो गेपरियो डाळे ऊ दवियोडी मुवोडी पडियौ है। लोथ नै धरै लाया। वापडा घरआळा कूत्तरोली करने रेयग्या, के जोर करै? होळै-होळै बात पूरे गाव में फैली।

गेपरियै री मरतु आळी वात जदै म्हारै काना पडी तो म्हने दिनूगै आळी टेणियै री भाख्योडी वात याद आयगी। म्हें म्हारै मन में सोचण लागी-"इणनै कैवै-कळजीभौ।"

झोटियौ

बापडा मा बाप तो नाव छोटियौ राख्यौ हो पण पूत तो मोटी दियो जदे
इण नाव नै लजाय दीनौ। डीगाई में वो साढे छ फुट रै नेडै पूग्यौ तो जाडपणै
में लारै क्यू रैवै। गवार ऊ भरियोडी चोरी रै उन्मान डील। उणरौ काधौ पाडे रौ
वै ज्यू तो माथी भारीघरै में तीवण राधण आळै तावणियै रै जोडै। रग काळी कुट्ट,
काडी रौ वै ज्यू। अवै बोलौ-अडै कवर नै छोटियौ कुण कैवै? रागस रै बचियै में
के घटै? जदी तो बापडा गाव आळा ई सोच समझ नै ओ नाव 'झोटियौ' ठीक ई
काढ्यौ। रग रूप नै डील देखता वो झोटै (पाडे) ऊ कम नी हो। अडै रै पगा री
पगरखी तो पैला ऊ बणायोडी मोची कने लाधे ई क्यू? जे आपरै पगा रौ नाप देयनै
बणायवै तो ई दोय जोडिया जितरी आवखान तो साव सोरो-सोरो लाग जावै। जे
अेडी मोचड्या नै चोपडै तो आधा सेर तेल ऊ कम तो के लागै? ऊटा रै पगा
में पगरखी कद वै? वै तो उरभाणा ई बगै। झोटियै रै पगा में ई लिक्तरा कदसीक
ई दीखता। भगवान री मरवानौ समझौ क झोटियै रै पगा री, पगरखी च्यार महिणा
ऊ वेसी नी चालती। च्यार महिणा रै माय-माय बो वा रा फूदा बिखेरनै छोडती।
बापडी पगरखिया लिक्तरा बणती जेज नी करती। इण सारू झोटियौ घणकरी
लिक्तरा पैत्योडी ई अठी-वठी मलगा मारतौ रैवतौ। कर्म रै नाव माथै फळी फोडण
री उणरै सौगन। सेग दिन अठीवठी पदडका मारणा अर भवती रैवणी। मिनखा
री जाड सू वो घणौ राजी रैवै नै घणौ मिनखा माय बैठने ई बतळ करै।

झोटियै नै फगत दोय बाता री ई सौक। अेक तो घणौ खावण री नै दूजौ
घणौ भार ऊचावण री। आ दोनू बाता में वो घणकरी बार कैई मिनखा सू अळूझ
नै हार जीत माथै उतर जावै। बडौ आडू नै जिद्दी सुमाव री जम हो, जरख जेडौ।

होड करणी तो उणरे डावे हाथ री खेल अर नी होड करती जेज करी। सरीर री हाण नै तो ओडा वळद समझे ई के?

म्हारी इस्कूल रे गोडे ई सेठा री दुकान। चाय री पत्ती सारु म्है दुकान मारे पूगय्यो। गिराक खासा भेळा कियोडा वेठा नै झोटियो ई वा रे भेळी वेटी। हरकू रा उण दिन भैसी ब्याई, उण सारु वो गुड लेवण नै आयी हो अर वो ई वेटी।

“सेठा! गाया-भैस्या नै देवा जकी लाठियो गुळ के भाव?”

“हरकू! जिनाचरा आळी गुळ तो भाइडा की हळकरी है। चोखोडी लाठियो तान च्यारेक दिना ऊ आवेला, दोय दिन ठेर नै ले जाईजे।”

“सेठा आज मरे उणने अदीतवार कद आवे? म्हारी भैस तो आज ब्यायोडी ऊभी है। बापडी नै उकाळ नै गुळ देवा तो उण री मळ पडे।”

“हा तो लेजा, है की मोळी हरकू, बोल! किती कस?”

“पाच कित्ती तोल दो सेठा।”

सेठ ताखडी उठाई अर हरकू नै पाच कित्ती गुळ जोख दियो। हरकू आपरी पछेवडी में गुड बाध लियो।

“हरकू! भैसी सारु इत्योक गुळ के तो लियो? वेटी रा बाप! इत्योक गुळ तो मिनख ई खा जाय।” झोटियो बोल्थी।

“हा इतरी गुळ तो झोटियो मिनटा में टिकाणे लगाय दे।” अेक जणो बळती में पूळी नाख्यो।

“हा तो ओ गुळ तो म्है आराम ऊ खा सकू। थू के जाणे है मन में।” झोटियो जिद्द पोळाय ली।

“जे नीं खाधी तो?” हरकू तैम में आयने बोल्थी।

“जे नीं खाधी तो इतरा मिनख बेठा है, चौडे धाडे केवू-दूणो देवू दूणो। गेला! मिनख री जवान धान खावण री न्है।” झोटियो देहडूक्यो।

“पाच कित्ती गुळ अेकै साथे दाव नै ई नीं दीरीजे। भळे ओ कोजोडी गुळ, कीकर खाय मके? मूरख अर आडू लहू है। आज इणरे दस कित्ती गुळ री फटीड लागणी निळ्यो है। पछेवडी री गाठ खोलती हरकू बोल्थी।

पछेवडी आळी पोटळी री गाठा खोली, पल्ला छीदा करने हरकू झोटिये रे सामी गुळ मेल दीनी।

“लै ठोक देखाणी, थनै ई ठा तो पडै। हार जीत करणौ पातर नीं जाय तो म्हनै कह दीजै।” हरकू बोल्थौ।

दुकान धकै बैठोडै मिनखा रै अरु मोटी तमासौ कह्यौ। कैई जणा जाण करने झोटियै रा बिडद-बखाण करण लाग़ा।

“झोटियो तो डास्त्री राघड पड्यो है राघड। इण गुळ नै ओ के गिणे?” नेमौ बोल्थौ।

“खावण में तो झोटियो कैई जोसिया नै ई लारे राख दिया। इणरी राफ़ा देखौ नीं, इण गुळ में ऊ तो अेक किरची ई उबर जाय तो म्हनै कहीजौ।” पा’डे बैठो बिडदौ खलकई।

झोटियो तो अबै मोटा-मोटा डळा राफ़ा फाड-फाड नै मूडै में दावणा सरु करिया। झोटियै रा दात अबै बोलण लाग़ा जाणै खिजियोडै डागै रा दात माकड झाडती टेम बोलता है। गुळ माथै बैठौ झोटियो अेडी लाग़े जाणै करक माथै ढीचाळ बैठौ है।

“रग है राघड थनै। आयोक तो जरकायग्यौ।” अेक छोरौ बोल्थौ।

“अरै ठे’रौ तो खरी, ओ तो आयौ के बाथोई ठीकणै लगाय नै छोडैला। भूरे रौ काथौ जाणै लिखमै कुभार आळै पाडे रौ है ज्यू।” दूजोडो छोरौ बोल्थो।

झोटियो गुळ रौ गनीम वणियोडी। हाथ नै मूडी दोनू बराबर चालै। लाची पडण रौ नाव ई नीं। हरकू झोटियै रै गोडै रै कनै बैठो दुग दुग जोबे। ज्यू-ज्यू गुळ खूटै, हरकू रौ मूडी फीटौ पडै। थोडीक ताळ में मूरखियौ तो सगळी गुळ चरग्यौ। पछेवडी में उबरियोडा सैग भोरा भेळ करनै लप भरी अर मूडै में न्हाखतो पछेवडी झडकाय नै बोल्थौ—“लो हरकू! थारी पछेवडी। दूजो गुळ मोलाबी अर भेंसी सारु ले जावौ।”

सैग जणा देखता ई रैयग्या। झोटियो तो ऊठ ने रवानै कह्यौ, जाणै आकल साड सूनै लाटै माय पूरा थोपटा करनै रवानै कह्यौ है।

“हरकू भळै करजौ हारजीत।” दुकान में बैठोडै मिनखा माय सू अेक जणौ बोल्थौ।”

“भाइडा म्हनै गतू ई विस्वास नीं हो कै अेडी सूगली गुळ ओ पाच कित्तौ खा जायला।” हरकू हेप करनै पडूतर दियौ।

“सूगले अर सखरे में तो मिनख समझे। वळद सारु तो सैंग सरीखा ई दिया करे। झोटियो तो वळदा री ई चाप है। ओ ई गुळ वापडी भेंसी नै देती तो सुवाडी भेंसी रे गुण करती। इण आकल वळद नै यू ई वैठी वैठी गोठ दे काठी।” दूजा कोई वोल्थी।

“भाईडा! बात तो साची है। ओ तो साचेनी वळद ई है पण म्हारी तो अरुन निकळगी।” हरकू हस नै कैयी।

हरकू सेठा कनै सू पाच कित्ता गुळ भळे तोलायी नै ढाणी पूगती दियी।

ओ रटको देखनै म्हनै हेप तो आयी जकी आयी ई पण साथे ई साथे हसी ई घणी आई। सेठा कनै सू चाय री पत्ती लेयनै म्है इस्कूल में म्हारे कमरे में आयी। चूल्हे में बासदी वाळनै म्है चाय वणाई। चाय चूल्हे माथे उक्कळे ही, जितरेक म्हारी खास हेताळू भारमल आयगी।

भारमल कमरे में वडती ई वोल्थी—“माडसाव! इस्कूल बोडरी रे वारै मधिये आळे खेडै में अेन मारग रे विचाळे दोय खो'वा अेडा धुडिया है जिका री छैखट खासी-खासी भा सुणीजै, दरसाव देखण जोग वणियोडी है। पाडा कै ज्यू लखावे दोनू जणा। अगद रे उणियार झोटियो तो जाणै कुभकरण सू पजियी है। दोनू अेरु ई गत रा। अेक रागो तो दूजोडी परागो। डील तो माडसाव। दोना री ई धुयकौ न्हाखे जेडी। पण झोटियो तो डीगी नै डाड अर की अराडी लागै हे स्यात मोडी वेगो उणनै गोडा देयने रेवैला। झोटियो कदी-कदी फीचियी अेडो आकरो बावै हो, जाणे जडी ऊट ताफडो बावै। झोटियै री झाट झिलणी तो दोरी है, पछे भगवान जाणै कीकर व्हेला?”

भारमल इतरी बात करी जितरै चाय वणगी। म्है दोनू फुरती सू चाय पीया पछे झोटिये आळे दगळ कानी व्हीर दिया।

“झोटिये रे सामली कुण है?”

“सामली सावतै आळो काळियो है।”

म्है अर भारमल वा रे गोडै पूग्या। दोनू जणा खसै। गाव आळा तीन च्यारेक भळे ऊभा।

“अै कीकर भिड्या रे गोरखिया?”

झोटियो तो गाव कानी ऊ आयी अर काळियो गाव कानी जावै हो। पैला तो अै दोनू वाता में अळझिया। झोटियो वोल्थी—आज तो काळिया म्है हरकूडै नाई सु

पाच किला जिनावरा आळी गुळ खावण री होड कर ली अर दुकान में वेठी-
वेठी पाच किला गुड ठोक्यौ। वापडी हरकूडौ भळै दूजौ गुळ तोलायने भैसी सारु
लेगौ है।

काळियौ झोटियै री बात सुण नै वोल्थौ—“था रै ऊ इण घणौ खावण आळे
काम दाळ होवै ई के है?”

झोटियै नै इण बात माथै रीस आयगी। वो वोल्थौ—“दूजौ थने के करावणौ
है? दौडण में, माली उठावण में, गेडी छुडावण में अर कुस्ती में म्हु त्यार हू। धू
चावै जकी ई काम आजमायलै। झोटियै रै इतरौ केया पछै काळियौ की चढनै
बोलायौ कै म्हारै ऊ जै कुस्ती आययौ तो ढाणी मिनखा रै खपे चढियोडो पूगैला।
कुस्ती आवणौ कोई हरकू आळी गुळ थोडी ई है जकी ठोक परी नै पछेवडी झाटक
नै घणी नै झिलाय दी। कुस्ती आळा तो आटा ई दूजा है।

काळियै आळा बोल सुणनै झोटियौ वोल्थौ—“तो धू मन में ओ गुमेज राखजै
ई मती। खस नै देखलै। हमै जेज के है? कुणसी रामेसर मा'राज ने पूछणौ है?
वा रै कनै ऊ के मौरत कढावणौ है। थारलै गुमेज ने भिडता पाण जे धूड भेळो
नी करदु तो म्हारौ नाव झोटियौ नी।”

धू बोलता बोलता माडसाव। ओ तो भिडिया परा। गोरखियौ पूरी विगत
वताइ।

मारण रै अैन विचाळै ओ अखाडी मडियोडौ। दोनू ई गाढ रा घणी। अेक
दूजै नै पटकण सारु खपे पण पडै कोई नी। दोनू अेक दूजै रौ माजनो धूड में
मिलावण सारु उतावळा व्हियोडा। कदी-कदी तामस में आयनै झोटियो, काळियै नै
अंघर उठायलै अर वित करण सारु पटकै पण पडती बगत काळियै रा तो सीधा
जमी माथे पण ई पडै मौर नी। काळियौ थोडै खतरौ तो अवस पण झोटियै रै माथे
वाधे जेडौ। खसता-खसता दोनू परसेवै सू हळाबोळ व्हेगा पण फैसलौ नी व्हियो।
झोटियौ काळियै नै पटकण सारु कैई कळाप करे पण काळियौ दाव नी लागण है।
अचाणचकी झोटियै री आछट सू दोना रा हाथ छूटगा नै बै खुल्ला व्हेगा। अेक दूजे
नै कावू करण आळी ठोड सू पकडण सारु दोनू ई खपे। दोना नै हाथा आळा
फटकारा ठेक्ता खासी जेज व्हेगी। झोटियौ खपियौ घणौई पण काळियै रै ई काची
गोलिया रमियोडी नी। झोटियौ अबै तमोळ में आयनै विफरयौ। उणनै चिडाळी

अडी छूटी कै देखणिया देखताई रैयग्या। दात अेडा पीसे जाणै धकलै रा चूळिया हिलायनै छोडैला। यू करतौ-करतौ वो अवै बोलणौ पोळाय लीनौ-

“हमै देख लाडी! धनै मजौ चखावू। थारौ फूदी कढने नीं छोडू तो म्हारौ नाव झोटियौ नीं।”

झोटियौ हाफळा मारण दूकगौ। हाफळा मारता-मारता वो कालियै नै पकडण सारू बाध भरी। बाध में नीं आवण सारू कालियौ अेकदम उछलियौ। उणरै उछळण सू जोग अेडो वण्यौ के कालियै री अेक टागडौ ने अेक हाथ झोटियै री बाध में झिलगा। अब वो जरख छोडण आळो कदै। आपरो पूरौ गाढ लगायनै कालियै नै अेडौ पछाड्यो कै पडतै रा मोर वाज्या। कालियौ लचकाणौ पडियोडौ आपरै मोर री धूळ झाडतो वैठी व्हियौ। वैठी व्हिया पछै झोटियै रै सामी झाक्यो।

“गाढ टाळ पाच-पाच कित्ता गुळ थोडी ई खाईजै डोफा। झोटियौ बोल्यो। कालियौ मोळी पडियोडौ आपरी मारण पकड्यौ।

“धू दुकान सू ऊठनै पचास पावडा ई नीं भरिया ने आ के रम्मत माडनै बैठगो?”

“गरु! धनै ठा नीं है। ओ आपरी मगरपचीसी री मगजाई में आटी व्हियोडौ हो। घणा दिन व्हिया, इणरा मोर फाटे ह। बोले तो ई वेडो, जाणे सीधौ बोलणौ सीख्यौ ई नीं। आज ई इणरा मठ भरिया है। सगळी आट ने टरड आज ठिकणै लागगी। आज कान खुसने हाथा में आयगा। हमे पूछ पाधरी करियोडौ ऊचो माथै नीं करैला। अवै कदेई सामी नीं झाकेला। इणनै ई ठा तो पडियौ कै सेर नै सया सेर मिल जाया करै है। ओ ई ठीक व्हियौ, बापडे रै मन री हूस तो नीकळी। खसण सू पैला माडसाव, इण मोटा बोल बोलणे में कीं पाछ नीं राखी। आ बोला माथै ई म्हनै भिडणौ पड्यौ, नीतर म्हु तो सीधौ ढाणी जावै हो। आज इणनै इती दोरी पटक्यौ है कै घणा दिना ताई याद राखेना। पूरो टीकली कमेडी वणियोडौ हो। म्हने केवै कै “धू अजै दुकान में बैठनै पाच-पाच कित्ता गुळ ई ठोक्यौ है किण सू ई कुस्ती आळा दो-दो हाथ नीं करिया। म्हारै ऊ कुस्ती आवै तो ठा पडै। रीछी अेडी उतारी है कै घणा दिना ताई पाछी नीं चढैला इणनै तो।”

“माडसाव! ये तो भणिया-गुणिया हो। मोटा बोल किणनै ई छाजै? नै घमण्ड करियोडौ मिनख नै फावे? घमण्ड करियोडौ तो लका रै राजा रावण नै ई काम नीं

दीनी। उणरा ई भोडका भगवान मा'राज रै हाथा ऊ कटता ई निगै आया। उणरा ई हागडघाट सँग ऊभा दैगा। इणरी तो ओकरत ई के है? इण तरा झोटियी आपरै मन रो पूरी आफरी म्हा सामी झाड्यी।”

उणरी सँग वाता सुणनै म्है बोल्यौ—“आज भाईडा, झोटिया म्है तो थारा दोय रटका देख्या, नै दोना में ई थू लवर लेयगो। थारा दोनू ई कामडा सरावण जोग। म्हनै तो पूरी ई आणद आयगो। लै आव इस्कूल में चाला। चाय पीया पछै जातौ रीजे।”

म्है, भारमल अर झोटियौ इस्कूल में आया चाय बणाय नै पीवी। घणी ताळ हथाई करी, पछै झोटियौ घरै गियौ।

इस्कूल में चेटी चण्ड री छुट्टी ही। म्हु कर्मरै में अकलौ ई बैठी हो। माडसा'ब नमस्कार' म्हनै आवाज सुणीजी। देख्यौ तो आडै रै बा'रलै छेडै म्हारी इस्कूल री ईज अक दीपूडी जकी सातवीं किलास में पढ़ै, ऊभौ। नाव उणरी किसनाराम।

किसना धृ ठीक मीके माथै आयौ। घूल्है में वासदी बाळ नै कोपेक चाय बणा धीरा। वो घूल्हौ जगायौ अर चाय बणाय नै म्हनै पिलाई। चाय पिया पछै म्है उणनै पूछ्यौ—

“किसना ढाणी ऊ आयौ रै?”

“ह्य माडसा'ब।”

“क्रीकर आयौ?”

“आज आपणै गाव में रासनआळी खाड आई हे नीं।” म्है खाड लेवण नै आयौ।”

“खाड ले ली?”

“नहीं।”

“नहीं रै” पड़तर साथै ई वो भळै बोल्यौ—सेठ तो अजै कारड ई नीं लिया। ये झोटियै सू माथा फोड में लागोडा है।

“कैडी माथा फोड?”

गोदाम में खासा मिनख भेळा दियोडा ऊभा है नै झोटियौ अर सेठ ठा नीं किण बात री होड माथै उतरियोडा है। होड किण बात री है? यू तो म्हनै छ नीं, पण है बात होड री। किसनो भळै आ नूवीं बात बतार्ई।

“धू किसना! देगडी अर कोप साफ करनै कमरै में राख दीजै। आडो वर करनै ताळी लगा'र कूची म्हनै दे दीजै। म्है गोदाम में मिलूला।”

किसनिये नै भोळावण देयने म्है गोदाम में पूग्यी। हारजीत आळी वात पूरी जोर पकडियोडी। झोटिये री कैवणी कै खाड आळी दोय वोरिया मिनख म्हारे मोरा माथे चिणदी। म्है वा वोरिया नै लेयने दोय सौ पावडा जाती रैवूला अर सेठ कै कै नीं जाईजै। आ जिद्द चालै। होड सौ-सौ रिपिया री। गाव आळा री नीत सेठ रै सौ रिपिया रो फटीड लगावण री।

सेठ अर झोटियो आपस में ताळी ठोकनै होड नै खरी कीधी। सेठ मन में सोचे कै—झोटियो कितरो ई सेंटी है, पण वोरिया ई तो दोय है नीं। ओ ले कीकर जावैला?

भेरी म्हारे सामी आख भाग नै वोल्थी—“कीकर गरु! धानै कीकर लागै? झोटियो दोय बोरी आपरै मोरा माथे लेयने दोय सौ पावडा जाती रैसी?”

म्है वोल्थी—“भेरा! म्हनै तो लागे है कै ओ इण जलम में तो के जावै, सात बार जलम लै ले तो ई मुसकल है। दोय बोरी बापडी ई को होवै नीं। दोय बोरी जवै मिनखा इणरै मोरा माथे टेकी तो म्हू तो जाणू इण सू सागी जागा ऊ चुकीजैला ई नीं अर जे ओ हिम्मत कर लो तो तीन च्यारेक पावडा चालता ई इणनै तो नानी याद आ जावैला। दोय कुटळ भार पूरी ऊट रो भार है। झोटियो कितरौ ई सेंटी है पण ऊट ऊ सेंटी तो है कोयनी।”

“वाह रै वाह गरु! हमकै न्याव कर दीगी। म्हू तो खुद ई आ ई जाणू। दोय बोरी इणरै बाप ऊ ई नीं चालै।” हमरुनी गुमनी वोल्थो।

म्हारे अर गुमने आळे बोला ऊ सेठ रो पतियारी पक्की अडीजत कैगी। सेठ नै पक्की धीजी आयोडी हो, बोल्या—

मेली इणरे मोरा माथे दोय वोरिया। दोय-तीन मिनख मिल परा नै झोटिये रै मोरा माथे दोय वोरिया ऊपरतळी चिणदी। झोटियो तो पण पाडे रा कै ज्यू खानै कैगी। दमेरु में वो तो दो सौ पावडा माथे करियोडे निसाण रै माथे जाय पूग्यी अर वोरिया पटक दी। मिनख तो अडारिया हुवाईज करै। जका छाती ठोक-ठोक नै कैवता हा कै झोटियो वोरिया हरगिज नीं ले जाय सकै, वै सागे ई अव कैवण लागगा—म्हादी हद करदी भाईडा। कीकर ले आयो? अचूणी आवे। सेठ री मूडी चिन्योक कैगी। मोळी पडग्यी।

“वाह रे राघड! झोटियाँ तो झोटियाँ ई है।” घिनवाद देवतौ कुभौ वोल्थी।

सेठ अेक सौ आलौ लोट जेव रे माय सू काढनै झोटियै नै झिलावतो वोल्थी—“झोटा! म्है थनै ओडौ नीं जाणतौ हो। थू तो कमाल कर नाख्यौ भाईडा। घिन है थारै मात-पिता नै। गाव में तो थू टाढवा ई है। मोटियार ओडौ ई होणो चाहिजे। मडियाँ नै मुडदौ के काम री। थू गोवरिया गदफड तो घणा ई फिरै।” थोटियाँ सौ आळी लोट खूजै में घालतौ मुळवयो नै गोदाम सू वारै आयगो।

इस्कूला में सीयाळे आळी सात दिना री छुट्टिया दैगी म्है अेक जरूरी काम सू छुट्टिया में घरै नीं आयौ। सी बडौ कुजरवौ पडै। सागेडी रडक। दिनूगै रौ घगत। म्है चूल्हेमें सिणियाँ बाळ नै दोय तीनेक कुमरियै री कठफाडा जगाय दी। खमत जोर पकड्यौ नै तप सागेडी हुय्यौ। म्है बैठौ-बैठौ तापू। मिनघा री स्यान लेवे जेडै कोजोडै रड में ई झोटियाँ तो ठा नीं कुनै ऊ आ धमक्यौ। बो नमस्कार करनै चूल्है कनै बैठगी अर तपण लागगी।

“आज तो झोटा! इण सी आळी घमरोळ में इतरौ बेगो कुनै ऊ आयौ अर कुनै जावै?”

“जावण नै टोड कठे? अटै ई पडिया फिरा हा।”

म्है बैठौ बतळ करै हा अर तापै हा जितरेक तिलोको अर जगमाल दोनू आयगा। चूल्है कने बैठता वोल्था—

“माडसा’व डाणै हो?”

“म्है तो जगमाल डाणै ई हू पण थे ओडै रड में कुने मालगा मारौ हो? जे ठड हाडोहाड बैठगी तो गुजराती वणता जेज नीं लागैला। डाकदर रे पैदा करावोला।

अब झोटा थू देगडी माज’र अेक लोटौ पाणी घालनै लिया। देगडी चूल्है माथे मेल नै, ओलै में आपणी बकरी ऊभी है, मेळनै लिया। झोटियाँ बकरी मेळ’र लायौ। चाय तयार व्हीं, म्है च्यारु ई पीवण लागा।

“हा तो जगमाल! दिनूगे-दिनूगे कुने दूर काढ्यौ?”

जगमाल वोल्थी—“दूर के करमा रौ काढ्यौ माडसा’व। खेतै आळी ढाणी गिया हा, बळदगाडी लावण नै। पण गाडी री तो ऊद भागोडौ पडियौ है, के काम री?”

“काई करोला गाडी री?” झोटियाँ पूछ्यौ।

“सोने आळी ढाणी ऊ कडाव लावणी हो। तिलोकै री दादी डोकरी मिरगा पाच आगळा अस्सी लेयने राम करियौ है। उणरै लारै घूघरडी तो करणी ज पडेला पण गाडी टाल काम ठप्प व्हेगौ। दूजी कोई गाडली नेडी दीसे कोयनी।

“सोने आळी ढाणी थारली ढाणी ऊ कितरीक पडे?”

“भा तो घणी कोयनी। आधोक कीलोमीटर नीठ व्हेला। पण साधन टाळ तो कडाव लावणो सारै पण कोनी।

“ऊट माथे नी आवे?”

“ऊट माथे कडाव जमे कोनी माडसाव। कडाव रौ तूडो गोळ व्हे, वो पिलाण माथे ठेरे ई नी।” जगमाल म्हने समझायौ।

“अव के करोला?” झोटियौ सवाल करियो।

“के करा? की समझ में नी आवे।”

“आ तो की समस्या कोयनी। गाडी ऊ धारै के धोक देणी है। सोनाळी ढाणी ऊ कडाव लायने थारली ढाणी तो म्हु परो टेक देजू अर दूजो म्हने ठा नी।” झोटियौ बोल्थौ।

“गाडी आळे नै कै भाडी देवतौ जगमाल?” झोटियौ पूछ्यो।

“डोढ सौ रिपिया।”

“झोटियौ तो दोय सो रिपिया ऊ अेक टकौ ई कम नी लेवे। थारे जे मगावणी होवे तो बात खरी करलै।” झोटियो जोर देयनै बोल्थो।

“साई आळो रिपियौ मेल म्हारली हथेली माथे अर ढाणी आळी डाडी पकड। अवार आवै कडाव लटका लेवतो।” झोटियौ बात ने खरी करतो बोल्थो।

“बात तो खरी ई समझ झोटा। लै ओ साई रो रिपियौ, हाथ माड, पण जे धू भाग्यौ-टूट्यौ का सिघाय्यौ तो म्हने ठा नी है।” जगमाल मुळकती-मुळकती बोल्थौ।

“उण बात री चित्या म्हने है जगमाल। थने सोच करण री जरूरत कोनी।” झोटियौ पडतर दियो।

रिपियौ देयनै जगमाल अर तिलोकौ तो रवानै दैगा।

“झोटिया! ओडा जोखाळ काम आछ कोनी। कैयाणी कूडी नी है कै-‘मूरख का तो खाय मरे का ऊचाय मरे।’ दोय सौ रिपिया रौ के माजनी है? कुनै ई आवै

जावै, ओड़ी जोखी नीं उठावणी। म्हारो तो ओई केणो है, ने पछे थारी समझ थारै कनै है।" म्हैं वोल्थी।

"माडसाव! राज थानै पईसा महिणै रा महिणै वापडौ घणा ई देवे है, जदै था नै वाता आवै। म्है तो रिपियी ई आख सू कदीक देखा। रिपिया पडिया कटै हे? वापडा मिनख धूड में माथी दियोडा दिन सँग आफळे जदे जायने सिझ्या रा पाच आळे नोट रा दरसण करै। राज री नोकरी लागी, जदे ई बगला बजावौ। म्हा तो पईसै नै माई वाप समझा।" झोटियो जोर देयनै वोल्थी।

"ठीक है झोटू! पण अवै थू म्हारी बात सुण। कीं झारो वारो करियोडौ है कै निरणी ई है।"

"म्हैं ढाणी ऊ निरणी कदै ई नीं निरळू माडसाव! थानै तो म्हारी आदत रो ठा ईज है कै, के ठा पडै म्है किण टेम के कमतर पोळाय लू। केडोई अवखी काम व्ही, म्हु तो खोळा टागती जेज नीं करू, जदै निरणी रैया कव पोसावै? दिनूयै ऊठतौ ई दोय जाडा-जाडा धेड घडनै वानै खीरा माथै सेक्या। धेड अेडा आकरा नै खरा व्हियोडा के जे किणी फौर पतलै री छाती में ठोक दिया व्ही तो बूज आ जाय। वा नै धी अर खाड में घूर परा नै ठोक्योडौ हू। म्हारी तो ये चित्या ई मत करौ।"

"कडाव भाईडा खासो भारी व्ही। माथै ऊपर मेल्या पछे जे टें बोलगी तो?" म्हैं रोळ करी।

झोटियो वोल्थी—"म्हारी गरु टे नीं वोले। म्हनें म्हारै गाढ रौ पतियारौ है।"

झोटियो रवानै व्हेगौ। वडगडा-वडगडा सीधौ पूग्यी सोने आळी ढाणी। सिणियै री डोरियी काढने अेक मोटो अरावौ बणायौ। अरावो झोटियो आपरै सिर माथै मेल्यौ। सात आठ जणा कडाव नै अधर करनै उणरै सिर माथै धर दियौ। कडाव उचावणिया झोटियै नै पूछ्यौ—

"कीकर झोटू! ले तो जायला?"

"तो ऊच्चौ क़ खातर है?"

झोटियो रवानै व्हियौ। कडाव उखण्योडौ अळगी भा सू झोटियो अेडी दीसै, जाणै लिछमण सारू हडमान जडीबूटी आळी भाखर ऊचायोडा सुबेल परवत माथे जावता व्ही। झोटियो तो आधेक घटै ऊ ओछी-ओछी वीखा भरती जाय पूगो जगमाल आळी बाखळ रै माय। च्यार पाच जणा पूरी सावधानी रै साथै कडाव ने पकड नै झोटियै रै माथै ऊ हेठौ उतारियौ। बाखळ में उभोडे मिनखा माय सू केई जणा थुथकौ नाख्यौ।

“वाह रे झोटा वाह! ओ तो आपणे गाव री हडमान ई है।” भीखी बोली।

“ओ लायी कीकर? मने तो हेप आवै। रग है झोटिया धारे मात पिता ने।” गिरधारी बोली।

“थोडोक फूकारी मार झोटा! चाय वणे है, चाय पीया पछे जाईजे।” पेमी टुणकी नाखी।

“चाय तो आपा पीवाना, झोटिये सारु तो किनोक दूध पाव भरियो धी न्हाय नै उन्ही करियो है। तपिये हाड गुण करसी।” जगमाल कह्यो।

“हा विलकुल ठीक है, लाइ री झील खुल जासी।” सामी वैठी दीपी बोली।

जगमाल धी नाख्योडे दूध सू भरियोडी वाटकी लायने झोटिये नै झिलायो। झोटियो तो निवायी-निवायी दूध गटकयग्यो। दूध पीया पछे जगमाल आपरी गजी आळे खूजिये रे माय सू दोय सी रिपिया काढने जीवणे हाथ सू झोटिये नै झिलाया। झोटियो रिपिया आपरी जेव में घालने सामी पगा आयी म्हारि कने इस्कूल में।

“कीकर झोटा! काम करियायी?”

“कडाव पुगायने सीधी था गोडेई आयी हू।” वो मुळक नै कह्यो।

झोटियो आपरे अगोछिये री गाठ खोलण लागी।

“इणमै के लायी है?”

वो बोली—“इणमै की मालमती है। गाठ खोलने वो अगोछियो म्हारे सामी करियो।”

पाच छ नूवोडा गोटा अर आधी किलौ चोखोडो माळवी गुळ। झोटियो गोटे ने दोनू हथेलिया रे विचाळे झालने आगळिया आळा कागसिया बीडने जोर लगावै, गोटी बरडाट करती भाग जावै। इण तरिया वो सैंग गोटा री चिटका कर काढी।

वो बोली—“लो गरु! हमै ठोकौ। पनरै रिपिया रा गोटा नै पाच रिपिया री गुळ लायी हू। आपणे तो देपारी के जायला।” म्हे गुळ री अेक मोटी सी डळी अर चार पाचेक चिटका उठावतो बोली—

“आपणे तो झोटा घणी, बस थू ई खा।”

झोटियो तो दमेक में बै चिटका अर गुल समेट परी नै अगोछियो झाटक नै आपरे खवै माथे नाख लियो।

“कीकर झोटा! कडाव तो दो'री आयी कैला?”

“म्हट्टी भारी तो खासो हो कडावियी। म्है जगमाल आळी ढाणी पूय्यी जिते पूरी दवय्यो हो। माथी कुळण नै लागय्यी हो। पण वातडी रै‘गी, माडसाव!” झोटियी हसण दूकगी।

“अेडी मूरख मती कदै ई नीं करणौ डोफा।” म्है थोडो गभीर होयने कैयौ।

“हा वात तो आपरी सही है माडसाव! पण अजे तो भगवान वाजी राखे है। मन चिन्त्योडी अजे तो पूरी कै। धकै री धकै देखी जासी।”

इतरौ फेयने झोटियी रवाने कैगी। थोतिये रा खोळा टाग्योडा, उरभाणै पगा, पींड मइये रा दै ज्यू डाडी माथे झोटियी दोटा देवती जावै हो। म्है म्हारे कमरे रे बारणै माथे ऊभौ हो। म्है उणने जावतै नै देखे हो। झोटियी आख्या सू ओझळ कैगी जदै म्है माय आयने माथे माथे आडी कैगी। विचार आयौ-साई री कुदरत वोत बडी है। वेमाता कैडा केडा जिद घड-घड नै इण पिरथी माथे मेल्या है। रागस ऊ के कम है झोटियी।

उण दिन रै पछे झोटियी धीस पच्चीस दिना ताई आयौ ई कोनी। म्है सोचियौ—झोटियी कऱ तो बीमार कैगी कऱ आपरे कोई कऱम सू गावतरौ करियौ है, नीतर वो पूत इतै दिना आये टाळ कद रैवै? उण दिन दीतवार हो। म्है घरिण्डे रै माय अेक नेनीक खटली माथे पडियौ आडेटेड करु। उतराद कानी काठळ चढी। थोडीक देर ऊ रिमझिम झीणी-झीणी वूदा सरु कैगी। मेह रै साथे थोडी-थोडी पवन ई छूटगी। सिराथिये कऱनी मामूली चौछड आवण लागी। म्है खटली नै थोडीक लारने खीचली। म्है उतराद कऱनी कऱठळ में मीट गडोयोडी। वादळा रै विचाळे बीज अेडी पळकै जाणे घमसाण रै माय सूरै री बाढाळी पळाकऱ करती कै। कऱी-कऱी जळहरा रै धूडण सू घोका अेडी आकरी कै जाणे तोपा रै गोळा रा हब्बीड बोलता कै। परकऱ आळे दरसाव नै छोडने म्हारी मीट अचाणचकी अेक दूजे दरसाव माथे पडी। तीनसोक पावडा माथे मारग-मारग झोटियी झोय चढियोडी आवै। अेरी हुडी हुयोडी जाणे स्वाळख आळा नारा गाडी री फज्जळी में बडता ई हुडी काढण नै लाग जावै। उरभाणै पगा नै खो‘ळा टागियोडी झोटियी आयने नमस्कार करियौ।

“आव झोटा! अबकै तो घणा दिना ऊ आयौ। थारी तो उमर लावी है भाईडा! अवार ई थने चितारियौ अर चितारता ई धू आय पूगी। के सल्ला? अबकली कुनै गाव जाती रैयी हो?”

“के नाव हे थारो?” अक जणी पूछ्यो।

म्हे म्हारो नाव बता दियो।

“धके कुण से गाव जावे?” दूजोडी आदमी पूछ्यो।

म्हे या ने तोडिये आळी बात विगत सू पूरी समयाई।

“भाईडा धू जका अेनाण बतावे, आ अेनाणा री तोडियो तो राते म्हारे गाव आळे तळे माघे ऊभो हो। तोडियो तो हथीकी थारले अेनाणा मुजव थारलो ई हो पण वो तो आगो ढळ्यो दीसे।” अक मोटियारडी बावड दिया।

“तो धू जदे नाअेट है?” अक अणखड आदमी बोल्थो।

“नाअेट में तो घाटो ई के है?” म्हें उणने पडूतर दियो।

“धू नाअेट आदमी है। अळगी भा ऊ जमी खूदती आयी है। म्हें आ हाथ मायली पाथ पूरी करने इण खेजडी हेठे आवा हा। धू हेठी बैठ। रोटी जीमने जाइजै।” अक डोकरो म्हारी मनवार करी।

म्हू दस बार कोस री जमी किचरियोडो। पेट में ऊदरा कूदे। म्हने डोकरे आळी मनवार दाय आई। म्हें खेजडी हेठे ठाडी छिया में बैठगी। पाथ उतारिया पछे सैंग ल्हासिया ई खेजडी हेठे आय पूगा। रोटिया खेत में ई यणाई ही क्यू के म्हारी मोट पडी-बासती री जगरी अजै चुझ्यो को हो नी।

रोटिया जीमावण री जुगत व्ही। सैगा रै धके अक जणी लाय लाय ने थाळिया मेली। दूजोडे कने रोटिया आळी छावडियो। वो अेकूक्री थाळी में दो-दो सोगरा मेल दिया। अय धी री चरुडी लियोडो म्हारी गत री अक जिनावर आयी। तीन च्यार जणा ने धी परोस ने वो म्हारे कने पूग्यो। अकल ई मोटी ने बोली री ई धाप ने फूड। म्हारे सामी ऊभने बोल्थी—

कीकर रै! धी कितोक घालू?

म्हने उणरी ओछी बोली माधे रीस तो आयोडीज ही। म्हें ई केय दियो—

“थारी मरजी व्हे जितोई घालदे।”

मरजी री कैयता ई उणने तो झाळ छूटगी। डीगै काना री परात पडी ही, उणमें म्हारला दोनू सोगरा थाळी माय सू लेयने न्हाख दिया अर परात में चरी आळी चुकती धी उपाय दियो।

अवे वो बोल्थी—आ म्हारी मरजी। धू कैथी हो कै थारी मरजी व्हे जितोई घाल दे। हमें औ सेंग खावणो है। जे छोड दियी तो ठोकिये टाळ नीं छोडूला। म्हें थाळी सामी झाक्यो, परात में घी अेक क्रीले रै लगैटगे। विचार करियो—इण परात में तो अेक छट घी छोडू नीं अर पछे ओ ठोकैला किणनै?

वा मिनघा रै माय सू अेक आदमी म्हारली थाळी (परात) सामी झाकनै घी घालण आळे नै फटकारण लागी।

“मुकनिया! धने की सोजी है रै? वैतै मिनख ऊ इण तरिया रोक थोडी ई करीजै? इण रोक में के काढ्यो? ओ मूंगे भाव री क्रीले नेडी घी डफोळ! अळियी ई जावतो दीसै।

म्हें दोनू सोगरा झीणा चूरनै, थोडीक दाळ ले ली। घोळियो व्हे ज्यू होग्यो। उण घोळिये नै अवे म्हें लपा सू सबडकावण लागी। आथै ऊ घणो सबडकाया पछे उण घोळिये में दोय सोगरा भळे मुरड्या। वा नै ठीकाणे लगाया पछे म्हें चळू करी।

चळू करिया पछे म्हें बोल्थी—“कीकर मुकना! हमै तो को ठोकै नीं। घी अणूतौ ई हो। म्हारे ऊ खावीजतो तो कोनी पण भाईडा! थारली ठोक ऊ डरतै खावणो पड्यो। मिनघा हसण लागगा।

वा सेंगा सू राम-राम करनै म्हें व्हीर हुयी। गाव में पूगने भळे तळे माय ऊ पागळिये रा पग लिया। म्हें आसरे ऊ चालती रैयी। सूरज डूबग्यो हो अर अथारी होवण आळो ई हो। म्हें तिरु डूवू व्हियोडी दीखा मोटी भरण लागी। अजै म्हनै नीं तो कोई ढाणी दीखी अर नीं गाव रा कोई जेनाण दिटिया। म्हनै चित्या व्हेगी कै रातबासी ई कठे लेउला? म्हें आळोच में पडियोडी खाथी-खाथी बगे हो, जितरेक सामी खासी छेटी ऊ चिन्योक चानणो दिख्यो। अवे म्हनै धीजी आयगी के ओ तो गाव ई है अर जे गाव नीं है तो कोई ढाणी जम्बर है। डग खाथा भर्या, गाव आयगी। गाव में वडता-वडता म्हनै सागेडी अथारी पडग्यी हो। गाव रो चौवटी आयग्यो। चौवटी में अेक ठोड तीन च्यारेक मोटा-मोटा छोरडा वाता करी। म्हें वा छोरडा कनै तोडिये री वात करी। तोडिये रा जेनाण वतावता ई अेक छोरडो बोल्थो—

“ओ तोडियी तो दोय दिन दिया हरलाल आळे चेनै री ढाणी ऊभो है।”

म्हें उण छोरडै नै चेनै आळी ढाणी पूछी। छोरे म्हारै साथे चालनै चेनै आळी ढाणी वताय दी। छोरी तो ढाणी वताय नै पाछो जाती रैयी। म्हें ढाणी रै वारणै

ऊम नै चैनै नै हेली करियौ—चैनौ वारै आयौ। राम-राम करनै वोल्थो—“म्हें ओळखिया नीं, थे कुण हो?”

“म्हें तो मारगू हू, रात पडगी, रातवासौ लेणौ है।”

चैनौ आवकर देयनै म्हनै माय लेयगी। म्हें गडाळ में जायनै अेक माचे माथे बैठगो। चैनौ चाय वणा'र लायौ। चाय पीवती टेम चैनौ पूछ्यो—

“तो कठा सू आया? नै आगै कुण सै गाव जावोला?”

“म्हनै आगै कठै ई नीं जाणौ है, वस अठे ताई आयो।” ओ पागळियो गोला घाल दिया। हमें चैनै रै सगळी वात समझ में आयगी।

“ओ तो काल्हे रात रा ई म्हारली साढिया रै साथे आयगी हो।”

थोडीक ताळ ऊ चैनौ व्याळू ले आयो। म्हें सिरफ अेक रोटी दूध'र राव रे साथे खाई।

“यू के रोटी खाई?” चैनौ अचूभो करतौ वोल्थौ।

“म्हें मारग में अेक खेत में ल्हास ही वठै रज नै रोटी जीमली ही। भूख कोयनी।” म्हें चैनै नै समझायो।

आधीक रात ताई म्हें दोनू जणा हयाई करी, पछे सोयग्या। दिनूगै चाय पीया पछे साढ्या आळी जोख में पूग्या, पागळियो चैनै आळी साढ्या रै बिचाळै बैठो उगाळै हो। म्हें पागळिये रै मूरी घालनै वैवण लागी, उणी टेम चैनौ झारो ले आयो। झारो करनै म्हें वटा सू टुट्यौ। होळै-होळे हाकतो माडसाव। म्हें सोपौ पडिया ढाणी पूग्यौ। पागळियो अेडी करी म्हारे माय।

“वाह झोटा वाह! ल्हास आळा ने ई हाथ तो वताय दीनौ। हाथ आयोडी मौकी धू गमावै जेडो कद री? झोटियो कमरे आळै किवाडा सू आपरा मौ'र भिडायोड ने दोनू टागडा पाथरा करियोडी बैठौ हो अर म्हें उणरै सामी माचै माथे बैठोडी उणरी कूत आळी कमज्यावा ने हेप कर कर नै चितारै हो। गाढ रै धणी झोटियै रा करियोडा रटका म्हने अजै कठे है। वळ रै कामा में गाव री नाक हो झोटियो।

विपळी

अमरो आपरे पोतिये रै छेडे में दीनोडी गाठ खोलने उमणे सू चिन्याफ पीळा चावळ म्हने देवतौ धकौ वोल्हो—“कल्ले गगाराम रै मोटियार हडमान री देपारा पछे जान चढैला । आपने अर आपरै इस्टाफ ने गगाराम घनैमान चितारया है ।”

“ठीक हे अमरा! आवाला ।”

वो म्हारो पडूतर सुणने रवाने व्हेगो क्यू के उणने फिर-फिर ने घणा जणा ने चावळ देणा हा ।

दूजे दिन साढी चारा वजिया पछे म्हे इस्थूल सू च्यार जणा गगाराम री ढाणी गया । गडाळ में मिनखा रो ठट्ट लागोडी, चाय रो मोटी देगडी चढियोडी न्यारी, तो खरळा में अमल घोटीजे वो न्यारो । अमल अर चाय री डोढी मनवारा चाल री । मनवार रूपी तिल भरियो अमल लेवणिया मिनख तो आप-आप री वाता में लागोडा पण तीन च्यारेक जणा आपरै कडीरपणै री ओळखाण करावता आप आपरी ठोड माथै लाया व्हियोडा पडिया । म्हे च्यारु जणा गडाळ में बेठा । तिल-तिल भरियो अमल लेयने म्हे अकूकी वाटकी चाय पीवी । म्हारे कने डोकरी मुकनी वैठी । म्हे डोकरे मुकने ऊ गल्ला पोळाय ली । मुकने रै कने ई पच्चीसेक वरसा रै लगेटगे अक मोटियारडी धूण नीची घाल्योडी वेठी झेरा खावे ।

“मुकना! धरै कने ओ नीची धूण करियोडी वेठी हे, आपणै गाव री तो कोयनी, कुण है?”

“ओ तो माडसाव! म्हारी भाणेज हे । म्हारी वैन पारु री मोटोडी वेटी तुळसियो । इणरे वाप री नाव विडदो हे ।” मुकनी म्हने ओळखाण कराई ।

ओ काल्है ई आयो है म्हनै तेडण ने। बिडदैं ऊ तो सावरियो अेडौ सूटी है माडसाव। कै की कैवण आळी बात नी है। वापडो पूरो दुखी है। रामजी मा'राज सूटे जदे यू ई दै। भगवान रे घर रो तीर अेडौ लागो है के वापडा री ढाणी नै तीन तेरह कर न्हाखी। दिन अेडा फिरिया है कै ढाणी रा सेंग वगना दियोडा फिरे है। करम फूटनै हाथा में आयगो। वापडा रे करम में कागले रा पजा हा। काटा में अेडा उलझ्या है के निकळणो भारी द्हेगो। पेलडे भव में कोई खोटी कमज्या कीथौडी है तो ई ठा नी। राफळरोळियो अेडो करियो है कै रोटी हराम करदी। वापडा मूडे रे छीकी बाधियोडा फिरे है। पूरा पीदै वेठगा। धूवा अेडा काढ्या है कै डगळीचूक द्हेगा। वण्यो वणायो खेल दिगडने धूडघाणी द्हेगो। अबखी में आडो कुण आवे गरु। आप-आप री खाचो नै ओढो। परापरी ऊ दुनिया रो तो ओई धारी है। मुकनौ तो अेक ई सास में आपरे भाजेज तुळसिये रे दुखा रो पा'ड म्हनै सुणाय दियो। म्हने इण दुख री कारण नी लाधो। डोकरी अजे ताई कोरो दुख ई भाख्यो पण बात खोलने नी बताई।

“धे मुकना। इतरी बात बताय नै ई मूळ बात नी बताई। बात खोलनै बतावौ तो ठा ई पडे।”

“मूळ बात तो धणी नै पूछलौ माडसाव। नै जे कीं कारी लागती द्हे तो लगावो वापडै रे।”

म्हें मुकनै अर तुळसिये ने गडाळ माय सू उठाय नै ढाणी रे बारे खासी अळगी अेक गै'री खेजडी हेठे छिया में लेयगी। म्हें तीनू ई खेजडी हेठे बैठगा। अब्बे म्हें तुळसिये नै पूरी बात ठेठ सू सावळ माड नै साफ-साफ कैवण रो कैयो। तुळसियो हमें ढग ऊ बात माडने समझावण लागी—

बात यू है गरु। के आज सात-आठ दिन द्हेगा, म्हारी ढाणी में तो विपळी घूमर घाल राखी है। इतरो जोर पकड राख्यो है के म्हाने तो रिगदोळ नै फफेड नाख्या। अेडा कोजा चकरी चाढ्या है कै आडला-पाडला मिनख धुराधर वीहता लीद वगावे। विपळी आळो आतक तो नेडी नेडी भा में तहलको मचाय दीनी। विपळियो तो अेडी धूडघाणी कीथी है के म्हानै तो दोडता नै मारग ई नी लाधे। वोत मोटो जमजाळ है। अेडो ढाळो लागे हे कै ओ म्हा सेंगा रा टिगट काटनै छेडैला। अेडै मोळै वगत में म्हारै अब टिग कुण लगावै? टाटिया रे छत में हाथ घालणो दो'री घणो द्हे माडसाव। आपरी टिपली कुटावणी द्हे जक्को नेडी आवै। म्हाने

तो कोई मिनख इणसू गेल छुडावण सारु जके मारग घाले, वो ई मारग पकडा, क्यू के डरती डूम तो वापजी ई कैवै। डरता गोगी थोकर हा। डर अेडी वैठो हे कै म्है तो सेग जणा डाफावूक व्हियोडा फिरा हा। डूवते नै था' मिलणी दो'री है। वो तो सींवाळा में हाथ घाले वापडी। अव इणरे ढीरो कीकर फिरै? म्हाने तो इण पूरा ढोळे वेठाय दीना। गरु! इण री फिटक में म्है तो अेडा झिलिया हा के फिडक्ती वणग्या। फाडी तो पूरी फसाई हे पण जोर नीं चालै। अव तो ढाणी में पण फूक-फूक नै मेलणा पडे। फूफाडा करणे ऊ कै साथी लागे? म्हारी तो पूछ पाधरी करनै छोडी है। छकडी भूलियोडा अठी वठी हाडता फिरा हा। म्हाने तो छणा चुगता करनै छोड्या है। आटू पोर छाती माथे हाथ रेवै। छाती में राध पडगी। पण ओ छाती रो जम तो छोडे जणा? घाटी दावनै घाण काढ नाख्या पण किणनै केवा? घणचक्कर व्हियोडा गिण-गिण ने पण मेला हा। भगवान जाणै ओ गेल कद छोडसी? इण तो खीर में मूसळ अेडो दीनो हे कै पूरी गळ में आयगी। गोडा में पाणी पडग्यो पण कुण सुणे? घर को तो घरकूडियो कर नाख्यो इण पलीत, पण काळजो दावर वैठणो पडे। टूपो अेडी दीनो हे कै भाई सैण ई टोगडिया टाळ लिया। लाठा री तो हरमेस सक्रात व्हे, के करा? छाती माथे अेडी फिरियौ है के हर टेम छक्के पजे सावधान रें'णो पडे। रात-दिन रै छाती कूटे ऊ छाती रा छोडा ई छुलग्या। छाती तो पूरी छलणी ई व्हेगी। म्हारे वूढियै वापू रै तो छाती माथे साप अेडो फिरियौ हे के वा नै तो सुपने में ई विपळो ई निगै आवै। माडसाव! म्हारे तो घर आळा रे जीभ अर ताळवै रै छेटी पडगी। बापडा मूडा रै ताळा दे राख्या हे। दिन फोरा आवै जवै ज्यू त्यू दिन तो तोडणा ई पडे पण बाता सेग गतवायरी वणगी। विपळी तो पण अेडा रोप्या है कै जाणे ढाणी नीं छोडण रो सकळप कर लीनो है। मिनखा सू तो मुकाबलो ई करा, जे घणी करे तो उणरे माथे में डाग ई मचकावा, पण इण अदीठ पलीत री के करा? कीं समझ में नीं आवे। पूरा दवणी में आयोडा हा। अेडा दळदळ में फसिया हा के कोई काढण आळो ई निगे नीं आवे। दिन आथमणै में कीं वाकी नीं रैई। नाक में नाथ अेडी घाती हे के ज्यू नचावै नाचणी पडे। प्राणा माथे तो जकी वीतै वा वीतै ई है पण प्राण वचावण सारु तो पपाळ करणाई पडे। विपळियो अेकाध नुक्साण करने व्हा करदी व्हे, वा वात नीं हे वो तो ढाणी में नित नूवा फळगा फूटावै। जदी तो म्हाने फणा रै पाण ऊमणो पडे। इण फोडा अेडा घाल्या है के जीव जाणे हे। पण बात वख में नीं आवे। माडसाव! कीं ठा नीं पडे, ओ

कै-कै रचनावा रच-रच नै आपरी डेरी सावटेला। इणरी ओ ई जाणे। खोटोडी पुळ मे जलम्योडी म्हने तो भिस्ट कर नाख्या। लावो चौडो दुखडो भाखने तुळसियो हमे व्हा कर दी।

“तो इणने कावू करण रा की जतन नी करिया?”

“जतन तो माडसाव। के अेक आघो करियो, घणा ई करिया। की पाछ नी राखी पण कारी नी लागी जक्की नीज लागी।”

“धू किणने लायी अर वो जावती करण सारु के करियो? म्हने समझा।

वो केवण लागी—सपेलडो तो भाई सैणा रे कैणे सू ढाणी मे जागरण दिरायो। उणसू होंग री गरज ई नी सजी। पछे म्हें अेक भोपे नै लायो। भोपे ऊ पैलपोत मिळियो जदे वो बोल्यो कै—“थारे दोय सी रिपिया री खरचो हे। म्हने दोय सी रिपिया अवार ई दे दे, जिणसू म्हें धूप अगरवती आळे सामान री जुगाड वैठायने कल्ले सूरज री किरण साथे ई थारी ढाणी आय जाऊ। तुळसा। म्हारली रटकौ तो धने घणा दिना याद आवैला। विपळ री तो म्हें रिप पड्यो हू। वो तो म्हारी छिया पडता ई न्हाटण आळी करैला। विपळिये मे तो अेडी करूला के उणने तो भागते नै मारग ई नी लाधेला। धूप कर परी नै जदे म्हें म्हारी चीपियो घुमावण लागो तो उणने तो छिक्क आ जासी नै सेवट आपरे मूडे मे तिणक्ली लेयने म्हारे सामी हाजर होणो पडसी। अै सेंग वाता कल्ले धू थारी आखिया ऊ देख लीजे। हा, विपळ रो पाप काटिया पछे भाईडा धने भोपे नै अेक ऊन री सातरी पट्टू तो ओढावणो ई पडैला। पट्टूडे सारु जीव नेनी मती करजे।”

म्हने पूरो धीजो व्हेगो। म्हें पूरो मगन व्हियोडो बोल्यो—

“पट्टू री के परवा करी। पट्टू ठाठदार ओढावूला। अै पकडो दोय सी रिपिया नै दिन ऊगता पाण थे आ जाया।” म्हें चालू। भोपे नै भोळावण देय नै म्हें ढाणी आयगी।

सूरज री किरण रे साथे ई भोपोजी आपरा डेरा कमडल लियोडा आय पूगा म्हारली ढाणी। ढाणी मे पूगता ई भोपे आपरे धूप करण आळो सराजाम करियो। म्हने वासती लावण रो केयो। वासती लावण री कैवता ई उणरा ऊभोडे रा ई पगलिया ऊचा व्हेगा अर दूढतणी अेडो पडियो कै पडता ई वेचेते। बोरिया बिखरग्या नै भोपाई ऊभी व्हेगी। मूडे मे झाग आयगा अर भोपापणे आळी अकड

कुनेई पदडका देयगी। पडियो-पडियो रड करे। मिनख घणा भेळा व्हियोडा हा। सैग जणा वेठा-वेठा देखे।

परतापो वारै ऊ आयो अर आवती ई वोल्हो—“कै व्हियो? ओ यू क्यू करे?”

“ओ विपळे नै सीख देवण में लागोडी है।” अेक जणी वोल्हो।

“विपळे नै काढणी ई भाईडा आहजी है। खासी जोर लगावणो पडे।” दूजोडो कुण्ही वोल्हो।

“थे देखो तो खरी। ओ तो यू करता-करता काढने छोडेला।” तीजी कोई वोल्हो।

“ओ काढेला क्न मायने ई राखेला, इण रो तो म्हने ठा नी पडे पण जे ओ इण सागे जागा काम आयगी तो भळे अेक नूवी गिरे करेला।” अवके रामूडी वोल्हो।

इतरेक में म्हारली वापू डोकरो विडदो आयने ऊभा रैगा। उणने देखने वोल्हो—

“इण आटे रै ठाव नै कुण लायो? ओ तो रोटिया रो न्हार है वापडो। भोपाई तो इणरै कनै ऊ ई को नीकळी नी। विपळियो जे इण री लीव विखेर दी तो लेणा रा देणा पड जासी। कठे आयने पडियो हे भोपाई में आटो व्हियोडो। भोपे रो तो इणरो उणिवारो ई कोयनी। चेतौ होवता पाण इण वळद नै काढो अठा सू पाप कटे। इलोजी कदे घोडा रा पारखू व्हिया? तुळसियै वापडे नै के ठा? के भोपो कैडी व्हे?”

आधेक घटे ऊ भोपे ने चेतौ व्हियो। चेतौ हेवता पाण वो तो वस अेक ई रट झाल ली कै “म्हने वेगै ऊ वेगौ म्हारी ढाणी पुगावण आळी जुगत करो।” तुळसिया। जे म्हू मरग्यौ तो थारै माथै आऊला।

भोपे आळी वात सुणने डोकरो विडदो अबै पूरो चिडग्यो।

“अरे तुळसिया! वेगौ काढ इण गिडक ने। म्है तो देखली इणरी भोपाई। ठग है टुकडेल। इणरै गोडे भोपेआळी सकळायी रा वीज ई कोयनी। डोकरो यू वक्तो-वक्तो भोपे रे गोडे पूग्यो। भळे भोपे नै केवण लागो।

“धनै पूगावण नै अठै निकमौ कुण वैठी है? ओ पडियौ पाधरौ मारग, डाडी पकडे जक्री बात कर। जै धनै थारै टावर ऊ छेटी पाडणी है तो भलाई पडियो रै” इत ई। थारो वाप अवार दमेक में थारी लीद नीं विखेर दे तो म्हने कह दीजै। कनै तो झाडा-मतर आळी अेक आखर ई कोयनी नै विपळे ऊ कुस्ती लडण नै मचक-मचक बुवा आया। जाणे धके नानाणौ है ज्यू। डोकरो अेडी दाक्ल करी कै भोपीजी तो उल्टै पगा न्हाटण आळीज करी।”

“भोपे आळी उण घटना ऊ माडसाव! म्हारे अते सू भोपा आळो पतियारो ऊठगौ। म्हें आछी तरिया जाणग्यौ कै औरै गोडे ठगी, छळ, प्रपच अर कूड टाळ दूजौ की नीं है। अै हे कोरा रोटाक नै धन रा टोकाक।” तुळसियो आपरे मायली बात बताई।

“इण भोपे टाळ भळै किणनै ई लाया?”

“नीं माडसाव! इणरै पछे भळै किणनै ई नीं लाया।”

“तुळसा सरूपोत में वो कीकर परगट दियौ? के चाळा करिया?” ठेठ ऊ म्हनै विगत सू समझा।

म्हारे सवाल री पूरी विगत वो हमे इण भात भाखी-

लारलै सूरजवार ने म्हें कडव रै पूळा री अेक गाडो भरने खेत ऊ ढाणी लायी। अधारी पड्या पछे म्हें ढाणी पूग्यौ। म्हें गाडी ऊभी राखनै वळद खोल दिया। वळदा नै खूटै सू बाधनै वा रै धके चारै री ओडी मेल दी। पूळा गुजार में नाखणा हा पण म्हें पूरी आखतो दियोडी हो। सोब्यौ भूख ई जोरदार लागोडी है अर कायौ पण न्यारी दियोडी हू। पैला ब्याळू करलू। पूळा पछे ई न्हाख देवाला। सीधै आळै झूपडै में वड्यो तो छोरा री मा रोटिया घडे। रोटिया सू पैला उण तीवण वणायनै तावणिये नै वेवणी में मेल दीनो हो। वा अेक रोटी खीरा माथै आछी तरा सेक नै चूल्हे रै ठियै माथै लारलै छेडे मेल दी ने दूजोडी रोटी घडण सारू आटै रै ल्हसरका देवे ही। टावरिया तो वापडा दिन आळी ठाडी रोटिया, राव अर दूध रै साथै खायनै गूदडा में वडग्या हा। म्हें वेवणी कनै वैठनै बोल्यो-

“ला रोटी घालदै, जीमलू।”

“वो था रै लारै किवाडी रै गोडे वाटकियौ पडियो, झितावी रोटी घालू।”

म्हें उणने वाटकियौ पकडाय दियो। वा हाथ मायली रोटी तवै माथे नाखने तावणियै रै माथे ऊ डोयलियो पकड नै ढकणी अळगी मेली, तीवण लेवण सारू।

डोयलियो हाडी में फेर्यो तो हाडी में तीवण री नाव ई नीं। लुगाई रै डक्के ।
वा फाटोडी आख्या सू म्हार सामी झाकण लागी ।

“के हुयो?” म्हें थावस वधावते पूछ्यो ।

“म्हें गवार री फळिया री तीवण पकायने तावणिये नै देवणी में मेत
तीवण कित गयी? के बात हुई?

“तीवण धू गेली। करियो ई कोयनी। यनै यू ई याद रैयगी।” म्हें उणने
वधाई ।

“करियो कीकर कोयनी? म्हें हयीकी तीवण राधने हाडी देवणी में मेली ।
पछे दोय रोटी घडी हू। अक तो सेक नै चूल्हे रै लारे ठियै माथे मेली है अर
आ देखी तवै माथे पडी है।” वा हडबडावती बोली ।

“ला म्हनै तो ठियै लारली रोटी झिलाय दै। कोरी ई खाय लेस्यू, भूख जे
लागी है।”

वा ठिये माथली रोटी उठावण नै हाथ घाल्यो पण हाथ खाली ई गयो।
माथ ऊ रोटी गायब। लुगाई री जात। इतरौ झटके तो लाख गाडा। वा तो
ऊ रड करी नै अकदम दीडने आगणे में आवती ठेरी। आगणे में आया पछे
जोर ऊ रोवणी पोळाय लियो। अेडी डाडै के खासी-खासी भा सुणीजे।
अळूझाड में पडियोडी आगणे में ऊभौ। आज आ के बात वणी? इणरो म्यान
लाधै। साव अणहोणी नै अर्चीत बात। म्हें गतागम में पडग्यौ। लुगाई आळी
सुण नै अडोस-पडोस री लुगाया अर मोटियारा सू आगणी काटी भरीज्यो
होयी? के होयी? आवे जकी ई पूछे। लुगाई तो बेचेते कियोडी कोरा दुस्का व
म्हें मिनखा नै विगत सू पूरी हकीकत समझाई। वापडा घणोई अचूमो करै अर
थावस देवण री खपत करै। इणरें टाळ वै करे ई करई? आ बात तो दमेक में स
गाव में पून री ज्यू फैलगी। पूरै गाव में चरचा रौ विसै वस ओ हीज वणियो
ज्यू-ज्यू आ बात मिनखा रै काना पडै, त्यू-त्यू वै आयनै म्हारली ढाणी भेळा।

म्हें पनरा बीसेक जणा आगणे में ऊभा ई हा कै अचाणचकी गेव आवा
आई—

“थे मन में के जाणो हो? अवार देखी, सजीरै आळे झूपडे में डूवै माथे ज
लोह री पेटी पडी है, उणरै माथले गावा रौ धपळकी बोलाव। था स करणो कै जव

जावती करली। औ तो थारी आखिया सामी बाळ नै छोडूला। थोडीक देर ऊ विपल्ले तो कैयौ हो वो कर नै बताय दीनी। पेटी रै मायला सगळा गाबा बळ'र राख केगा। मिनख बापडा उदास व्हियोडा बैठा। दूजौ वै कर ई कै सके।

लोग बाता करै—वेतौ विपल्ले कैडो चेत्यौ है? हद कर दी, चुनोती देयनै गावा बाळ नाख्या। आ तो मोटी बलाय है कोई। बापडै विडदै री तो खोटे दिन आयगो। बैठा—सूता कैडी गिरे' केगी। विपल्ला आळा चाळा घणाइ सुणिया नै दीठा पण ओडो फितूर तो आंखिया धके आज ई आयौ। मिनख विपल्ले रै चारे में भात-भात री बाता करै हा। म्हारी होसलौ बणियोडो राखण सारु च्यार पाचेक पडोसी म्हारी ढाणी में ईज सोवता। दूजै दिन सूरज निकलिया पछै म्हें मिनखा सारु चाय बणावनै लायी। सैग जणा बैठा-बैठा चाय पीवै हा, जितरेक तो भळै आवाज सुणीजी—

“थे चाय पीयनै त्यार के जावौ। अवार देखी, इण गुजार में जकी कुतर, खाखली, पाली, लूग अर कडवी आळा डोका पडिया है, आ ने बाळूला। थारी आखिया धके औ सैग बळैला अर थे ऊभा-ऊभा थारा बाका अर डोळा फाडोला।”

दमेक में गुजार माय पडिये चारे में धपलकी उठ्यौ अर सैग चारौ-कूचो बळने राख केगी। इणी तरा बोकार नै वो अेक भैस उठायली। अेक वेडकी नै भाग काडी। ऊट तो भाग री अजै ऊभौ है पण इणरी के विस्वास? किण बगत ओ घात करै? कुण कैय सके? अवै दोय तीन दिन व्हिया, की सवर पकड्यौ है। यू चाळा तो आठू पी'र करती ई रेवे। ज्यू-हर कुनैई अचाणवकी खडबडाट सरु केगी तो पड्या-पड्या बासण ई बाजण लाग जावै। कदी-कदी जिनावर दोडै ज्यू दडबडाट सुणीजे। मन में आ जावै तो जोर-जोर ऊ चिरलिया मारणी सरु करदै। पण नुक्ताण दोय तीन दिनाऊ बढ है। जदी तो म्हें अर म्हारो बापू विडदी इण मोकै माथै आय पूया, नीतर आवणो के सारै हो। धूडघाणी करण में तो ओ बाकी में चाकी राखी है। पण जोर के करा? बैठा हा मन मारियोड। देखा हा—भगवान कदी तो सामी झाकैली।

म्हें तुळसिये री सुणायोडी आपवीती सुणी, पूरौ ध्यान लगायनै। म्हें उणनै कैयौ—

“धू काटै ई थारली ऊट लेयनै देपारा ऊ पैल-पैल म्हारे कनै पूजा। आपा अेक ठीकाणै माथै चालाला। भगवान करियौ तो ओ विपल्लियौ तो थारी ढाणी में

ऊभी ई नी रैवेला । उपदरो पदड्य देवती कुने ई ढळेला, ठा ई नी पडेला । पातरजे मती । वारा वजे रें लगेदगे धू म्हारे कने आयो रहिजे । म्हु थारी अडीक राखूना ।”

मुकनो आ वात सुणने वोल्थो-

“गरु! जे ओ कगाल आ ने छोडदे, तो समझ लो वापडा री जमारो सुधर जाय । जाणे अे तो गगा न्हा लिया । खाणो-पाणो, उठणो-वैठणो, संग हराम कियोडा हे । संग दिन छाती माथे हाथ रैवे । भात-भात री आसम्रवा मन में उठती रैवे । घर आळा रै मन में डर ओडी वेटी हे कै वापडा डरता-डरता पग मेने । नेनकिये टीगरा रै मन में ई पूरी गावडो बडियोडो है । वापडा भोळा है के करं ने कुने जावे? आ'डला-पा'डला पडीसी कुणसा सुखी है? वारे ई डबकी पडियोडो है । वे ई डरता गोगी धोके । वा ने इ पूरी डर है कै विडदे आळी ढाणी छोडने जे म्हारे आयने डेरी दे दीनी तो केडी कैला? विपळे आळी डर तो गरु! मूडी ईज व्हे । वो सोर सास पिंड थोडी ई छोडे? पूरो पंदि वैठायने छोडे । कळजो काढे टाळ नी छोड । इणरे डर ऊ तो मिनख पोठा करण ने लाग जावे । चेडे आळे डर ऊ तो भला-भला घूरा वगावता दीठा । पलीत जदे नाक में दम करे तो कैई नाच नचाय ने छोडे । काकी रो जायो पछे तो मूल कळने ई छोडे । की उघाड नी पंडे कै, के करणी रैयो? इणरो किनकौ कटै जदे जायने सास मं सास आवे । आ रे तो इण ओडी कुघरो करियो है के आ री तो खाट ई खडी व्हेगी । चादी आळा जूत ई खासा लागया पण इणरी तो कळो मूडो नी व्हियो । वापडा री तो इण चौटी पकडली पण इणरी चेटी कुण पकडे? इण तो पूरा ई जतरी मायकर कळ लीना । छाती माथे मूग ओडा दळिया है कै ऊपर आळो ई जाणे । नाका में नाथ घालने पूरा कायू कर राखिया है । इणरे ऊपरली पाट व्हे जदे ई काम सलटीज ने सुधरे । मुकनो आपरे हिये मायलो सगळो दुखडो सुणायने चुप व्हेगो ।”

म्हें भळे तुळसिये ने भोळावण देयने आवण आटी पकावट करली । पाछे गडाळ में जायने म्हारे मास्टरा साथे वैठगो । थोडीक ताळ ऊ सेगा रा वेपारा आयगा । म्हें वेपारा करिया । वेपारा करिया पछे गगाराम ने वान आळा पइसा देयने म्हें इस्कूल आयगा ।

दूजै दिन तुळसियो ऊट लेयने म्हारे गोडे इस्कूल में आय पूगो । म्हें ऊट कानी देखा-ऊट मातो मतवाळो, वणियोडी अर कळी भवर । पिलाण पीतळियो ने पीतळ रा ई पागडा । तग काठै हाथा ऊ खीच्योडी । थडा नरम ओडा के लावी मजल में

ई असवार करयो नी नै। आडै आसण में अेक पीतळ रा पोला जडियोडी नै तारा ऊ मंडियोडी गेडी पिलाण आळै कस्सा मायकर खसोलियोडी, जिणरी आगलो सिरो पिलाण आळै आगले हानै ताई पूग्योडो।

“धू ई तुळसा! ऊट री पूरी रसियो दीसे?” म्है हसनै पूछ्यो।

“चीज राखणी तो अेडी ई राखणी गरु। दोय जणा देखे तो देखता ई रै’ जावे।”

“चढी में कैडोक है?

“चढी में तो वाता छोडी थे, घोडा री ई वाप है। थोडीक अेडी लागता ई पवनपूत वणे है सीधो। आसण री इतरौ सोरी कै मगदूर है माथे बैठोडे मिनख रै पेट री पाणी हिल जाय?”

“ऊट के हाण है तुळसा?”

“नैस करै है, हमै थे नैसारु ई समझी। अवै अरड जवान है।”

म्है च्यार दिना री छुट्टी री अेक अरजी लिखनै अेक माडसाव नै डाक सु आगे दफ्तर में भेजण री भोळावण दीनी अर वा नै म्हारी चारज ई सूप दियो। चपडासी चाय वणाय नै ले आयो। चाय पीवी अर म्है दोनू रवानै द्रिया। गाव-तल्लै पूगनै तुळसियो ऊट नै पाणी दिखायनै पछे झेक्यो। ऊट रै झेक्या पछे वो बोल्यो—

“गरु। धकलै आसण में बैठी।”

म्है उणनै समझायी कै धकलै आसण में धू ई बैठ। ऊट थारी आपरो है। धू इणरी गत में समझै। मारग में अे किणी जिनावर सू भिडक जावे अर ताफडै चढ जावे का घणी हुडी करलै तो धू इणने काबू तो कर ई सकै। म्है अेडी टेम के कर सकू? म्है तो लारै ई ठीक हू।

वो म्हारी बात मानग्यो अर म्है दोनू ई चढग्या। ऊट हाक दीनौ। ऊट ढाण हुपोडौ होळै-होळै वगे हो।

“गरु। आपा कुणसै गाव जावा हा?”

“आपा तुळसा! खासा अळगा अेक गाव में जावाला, जिणनै मुल्लाजी आळो गाव केवे।”

“इत ऊ कितोक अळगौ पडै?”

“अेडौई पदेक कोस।”

"जदे तो भा खासी है, थे केवो तो ऊट नै थोडी खाथी खडू।"

"थोडोक तेज भलाई करदे।" म्है रजा दे दी।

"वित कोई समझ है?"

म्है उणने समझायो के वित अेक मुल्ला है जकी अेडे भूत, पलीत, डाकण, चुडेल, विपळे, खवीस नै विचरण आद रो पूरी रिप है। मुल्लाजी इण कमतर सास पूरे चौखळे में चावा है। मिनख तो वा ने ढाणी में टिकण ई नीं देवे। वा र कने पूरी अेलम है। धक्ले कने ऊ अेक तावे री पइसी लेवणी हराम। पूरा परमारथी है। विपळो तो वारी छिया पडता ई अेडो मोळी पड जायला जाणे माइत मरग्या है। मुल्लाजी तो थारली ढाणी पूगे जितरी जेज है। मुल्लाजी ढाणी लाथेला के नीं, पक्को विस्वास नीं है क्यू के मिनख वा नै अेकल ताणिया फिरे है। देखो कीकर व्हे? म्है दोनू वाता करे हा अर ऊट अेकी ढाण वगे हो। ऊट सात-आठ कोस रे लगैतगे मजल करली ही। म्हा दोना नै ई तिरस लागगी।

"डावे हाथ कानी मोरोडे नीम आळी ढाणी थनै दीसै है तुळसा?"

"हा माडसाव! पाणी पीणी है नीं?"

"हा भाईडा! तिस जोरदार लागगी।"

"तिस तो म्हनै ई आकरी लागी है।" कैवती धको वो ऊट उण ढाणी कानी मोड लियो। ढाणी थोडीक छेटी रेई जदे म्है ऊट झेझय नै उतरग्या। ढाणी ऊ वारे अेक खेजडी रै ऊट बाधनै म्है ढाणी री बाखळ में वड्या। बाखळ में नीमडै री छिया में अेक अंधखड आदमी अेक नेनीक माचली राणीवाण सू वणे। राम-राम व्ही। वो आवकार देयनै म्हाने कनै ई अेक ढाळियोडे मावे माथे बैठण री कह्यौ।

"के नाव है था रो?"

"म्हारौ नाव हरलालियो। जात रो बिस्नोई गोदारो।"

"तो ठीक है हरलाल! म्हनै पाणी पिलायदौ, कीं अतावळ है, ने भा ई अजे खासी जाणो है।"

"पाणी तो पीवौ, पण रोटिया त्पार है जीमनै जावता।" हरलाल घणे सनैव सू म्हारी मनवार करी।

"नीं हरलाल! रोटिया म्हारे जीम्योडी है, थे तो पाणी ले आवो।"

वो ठाडे पाणी री अेक बाल्टी नै लोटो ले आयौ। म्है दोनू जणा रज ने पाणी पीयौ। काया तिरपत व्हेगी।

“धकै कितरीक भा जावोला?” हरलाल पूछ्यो।

“मुल्लाजी आळे गाव।”

“मुल्लाजी आळी गाव तो ओ पडियो। मुळगो पाचेक कोस नीठ है।”

हरलाल खेजडी ऊ वधियोडे ऊट कनी देखने वोल्थो—“ओ मइयो तो अेक ई ढाण में मुल्लाजी आळे गाव पुगावै जेडी है, क्यू परवा करी? थारे गोडे तो जाखोडी भली है।”

हरलाल आपरी घरआळी ने चाय री इसारो ठा नी कद दीनी, वा चाय लेयने आयगी। चाय पीवती वगत म्हें हरलाल नै पूछ्यो—

“कैकर हरलाल! मुल्लाजी आपरी ढाणी लाध जावैला?”

“मुल्लाजी री तो अवे की नी कैय सक। परकरजू मिनख है। मिनखा रा दुख काटता फिरै। आ नै मिनख ऊचायोडा ई फिरै है। दुनिया में दुख ई तो घणा है। मुल्लाजी पूरा उस्ताद है। म्हारे चौखळे में तो अेडो आदमी दूजो कोयनी।”

हरलाल सू राम-राम करनै म्हें रवानै किया। हरलाल खासी दूर म्हारे साथे चाल ने सीधै मारग जक्री मुल्लाजी रै गाव जावै हो, बताय दीनी। हरलाल आळी ढाणी सू म्हें चढ्या तो दिन थोडोक हो। म्हें तुळसिये नै ऊट खाथो हाकण सू रोक दियो।

म्हें वोल्थो—“जे मुल्लाजी आपरी ढाणी में ई आपा नै लाधग्या तो ई आपा सामी रात तो पूठा आवण सू रैया। मुल्लाजी सामी रात थोडा ई क्हीर के? रात रा ती आपा नै रुकणो ई पडसी। पछे उतावळ क्यू करणी? वापडे ऊट नै क्यू दुख देवै? होळै-होळै ई हालण दे। आपा ई काया कियोडा हा अर वापडी डागी ई अलवत कायी तो हुयी ई कैला। वो ऊट नै होळै कर दियो। सोपो पड्या पेल पेल म्हें गाव में पूग्या। गवाड में अेक छोरै नै मुल्लाजी री घर पूछ्यो। छेरो वापडो टेठ जायने म्हानै मुल्लाजी री घर बताय दीनी। ढाणी ऊ सोअेक पावडा अळगो मुल्लाजी रो मोटी सारो उतारो। उतारै री वाखळ में तीन च्यारेक जूनी मोटी-मोटी जाळ नै वा जाळ री उमर री ई अेक मोटी नीमडी ऊभी। तुळसियो ऊट ने जाळ रै वाध दियो अर म्हें उतारै आळे झूपडे में आयग्या। गडाळ खासी मोटी नै दीच में रोयडे री थाभी लगायोडो। थाभै रै ऊपरले छेडे ऊ थोडाक नीचै च्यारुमेर सातरा हिरणावटिया लगायोडा। हिरणावटिया ई रोयडे री लकडी रा अर माथै खोद

करियोडी। रोयडे री लकडी री ई अेक मोटी तख्ती पडियो, जिणरे माथै रजाया, पथरणा ने ओसीसा पडिया। लाल अर घोळे सूत सू वणियोडी पाच छ सूत री सातरी खाटा ऊभी करियोडी नै तीन च्यार वाण आळा माचा विछयोडा।

म्हे अेक माचै माथे वेठगा। आधेक घटे ऊ अेक मोटियारडी अेक चाय री केतली अर दोय वाटकिया लेयने आयो। वो वाटकिया मे चाय घालने म्हाने दीनी अर म्हे चाय पीवी। मुल्लाजी रो पूछ्यो जदे वो बोल्थी-

“मुल्लाजी तो पाचेक कोस अळगा अेक ढाणी गियोडा हे।”

“के काम गिया?”

“कोई लुगाई रै चेडो लागी।”

“पाछा?” तुळसियो पूछ वैठी।

वो बोल्थो—“सोपै पडिया ऊ पैल-पैल आ जासी। ब्याळू ढाणी आयने ई करेला। थे तख्ते माथे ऊ विछवणा लेयने माचा माथे विछयलो अर आराम करो। लालटेण था रै कनै जगे हे। रोटी त्यार होवता ई म्हे ले आवूला। जितरै थे आराम करो।”

इतरी केयने वो गियो परी। ऊट रै धके ओडकी मे की चारो मेल देवतो तो ठीक रैवतो पण वापडे नै कैयो ई कोयनी। म्हू हेलौ करने केय दू आ सोचने तुळसियो बारै निकळियो। वो बिना हेलौ करिया ई पाछे आयने माचै माथे आडो व्हेगो।

“हेलौ करियी तो कोयनी? के हुयी?”

वो बोल्थो—“ऊट तो वैठी-वैठी चरे हे। वापडी गवार री फळगदी अर कूतर री भेलियो करनै ऊट ने कदै ई नीर दियो। म्हे देखने आयी हू।”

ब्याळू त्यार होवता ई वो बडी जुगत सू ब्याळू लेयने आयो। ब्याळू लावण सू पैल वो हाथापाई करण सारू पाणी री चरुडी नै लोटी मेल दियो हो। म्हे हाथापाई करने त्यार व्हियोडा हा। ब्याळू आयो अर म्हे रज'र ब्याळू कर लियो। ब्याळू करने म्हे वरतण माचै रे हेठे सरकाय दीना। थोडीक ताळ ऊ वो ब्याळू करावणियो ने मुल्लाजी दोनू भेळा ई आया। वो आदमी तो वरतण उठायने लेयग्यो अर म्हे दोनू जणा मुल्लाजी सू घणै अदव साथे सलाम करी। सलाम री जबाब देयने मुल्लाजी अेक माचै माथे वैठगो।

“कठा सू आया? के नाव है?” इत्याद वाता पूछिया पछे वै मूळ चात पूछी।

म्है वाने सरु सू आखरी ताई री चात माडने विगत सू समझायदी। वै पूरी चात नै ध्यान लगायने सुणी। सगळी चात सुण्या पछे वै वोल्या—

“अवे माडसाव! थे दोनू जणा आराम सू नींद लेवो। तिस लागे तो ओ लोटीर बाल्टी पड्या है। ऊट नै नीरणी मेल्योडी है। दिनूगे आपा चालस्या। मालक नै याद करनै सो जावो।”

म्है दोनू ई गडाळ में सूता-सूता घणी ताळ ताई तो दस्तळ करी ने पछे सोयगा।

दिनूगे म्हारी आख वेगी ई खुलगी। दोनू जणा लोटा लेयने निपटण ने गया अर पाछा आयने कुरला दातण करनै बैठगा। मुल्लाजी री आदमी म्हाने चाय पिलाई अर गयी परी। चिनीक देर ऊ मुल्लाजी खुद आया अर पूछ्यौ—

“धारे और कीं अमल तमाकू री नसीपती द्हे तो केय दीजी। आपणौ घर है। सकौ सरम नी करणी।”

“नीं मुल्लाजी! म्है तो दोनू ई सोफी हा।” म्है बत खुलासा करी।

“तो ठीक है। थोडीक जेज करी। रोटिया बणै है। रोटी-वाटी जीमनै पछे ई चालाला।”

“रोटी तो आगे ई जीम लेवता।”

“नहीं माडसाव! रोटिया बणरी है। जीमनै व्हीर द्हाला। आपनै पन्दरै कोस री पथ करणी है। घर सू भूखा चाला ई पण क्यू?”

घटेक भर में रोटिया तयार कैगी। वो सागे ई आदमी गडाळ में म्हाने दोय ओलणा सू रोटिया जिमायदी। ऊट ई नीरणी चरनै दुड हुयोडी हो। तुळसियो ऊट नै वरै माथे ले जाय नै पाणी दिखाय नै ले आयो। पिलाण करियो जितरे मुल्लाजी तयार कैगा। वै आपरी धेली लेयने आयम्या।

“तो तुळसा! धारी ऊट तैळस में दबैला तो नीं?” मुल्लाजी पूछ्यौ।

“ऊट आपणौ सैठौ घणोई है। ओ तैळस नै कीं नीं गिणै। थे कीं परवा मत करी।”

मुल्लाजी वोल्या—“तो चालौ।” म्है रवानै द्धिया। गाव रै बारले पासै गवाई कुवे कनै आया जदे तुळसियो ऊट नै झेखायो। आगलै आसण में मुल्लाजी, वरै लारै तुळसियो अर लारै म्हू बैठगो। तैळस होवण सू अब ऊट रै हुडी करण आळो

डर तो सैमूदी ई खतम हेंगो। ऊट तेळायो होवण सू आपरी चाल मुघरी पकडली। मारण में भळे मुल्लाजी विपळै रै चारै में तुळसिये नै खास-खास वाता पूछली। तुळसियो ई सगळी वाता विगत सू वा नै वताय दी। चालता चालता अथारी पडण हुको जदे गाव रो काकड नेडो आयो। मुल्लाजी पैला ई सावळ कैय दीनी हो के थारै गाव रो काकड आवे, उणसू पाच मिनट पैला म्हने कैय दीजे। “अव म्हारे गाव रै काकड री हद आवण आळी हे।” तुळसियो मुल्लाजी नै कैयी। अव मुल्लाजी तुळसिये ने समझायो के जदे आपा अेन काकड माथे पूगा, जदे ऊट ने ऊमो राख दीजे।

अेन सीमाडे माथे पूगता ई तुळसियो ऊट नै ऊमो राख दीयो। मुल्लाजी आपरै धेले माय सू पाणी री केतली काढी। पाणी रो गिलास भरियो। पाणी माथे वै कैई वार क्लाम पढिया नै पाणी नै दम करियो। दम करियोडे पाणी नै वै सीमाडे माथे उछाळ दियो। पाणी उछाळिया पछे वै होळैसीक वोल्या—

“अव वह मरदूद इस हद से बाहर किसी भी सूरत में नहीं जा सकता।” यू कैयता म्हने वे साफ सुणीज्या। ऊट रवाने व्हियो नै थोडीक ताळ ऊ गाव रा खेडा दिखण लागा। गाव रे माय वडिया सू पेल वे भळे ऊट नै ढबायी। पैली आळी गळाई वे पाणी दम करियो अर उछाळती वगत वोल्या—

“अव वह हरामखोर गाव से बाहर हरगिज नहीं जा सकता।” थोडीक ताळ ऊ ढाणी आयगी। तुळसियो ऊट ने झेंकायो अर म्हे नीचे उतर्या। मुल्लाजी भळे पाणी दम करने ढाणी रै च्यास्मेर पाणी री कार काढ दी। कार काढने वोल्या—

“अव यह बदजात ढाणी की हद से बाहर लाख कोशिशें करने के बावजूद भी नहीं जा सकता। शेतान अव पूरा गिरफ्त में है।”

इतरो कैयनै वे ऊभा व्हेगा।

तुळसियो अेक मोटो सारो सातरो माचो लायने ढाळियो अर उण माथे चोखा विछावणा कर दिया। मुल्लाजी माचे माथे वेठगा।

तुळसियो मुल्लाजी नै पूछ्यो—“आपरी रोटी बाजरी री वणवावा का गवा री?”

हुकम करावो।

तुळसा! म्हारे सारु रोटी नीं वणावणी। म्हारे कने थैले में रोटी है, म्हें जीम लेऊला। म्हारी ओ उसूल है कै म्है जकी ढाणी अडे काम सारु जावू उणरै वटै नीं जीमू। वस ओ ईज नेम है। हा धू चावै तो अेक कोप चाय ला सके, वा तो पी लेवूला। रोटी तो म्हें म्हारी आपरी'ज खाऊला।' "

तुळसियो चाय रौ कोप लायो। मुल्लाजी चाय पीयग्या। थोडी देर पछे मुल्लाजी आपरे थैले माय सू वाजरी रा दोय सोगरा अर अेक लाडू जितरीक गुळ री डळी बारै काढी।

वै सोगरा गुळ सू लगाय नै जीमग्या। रोटी रो उवरियोडो चौथाडो टुकडो वै माचै ऊ थोडी छेटी माथे बैठौडै कुतिये कानी दगाय दियो। वै चळू करली ने तुळसियो थाळी उठा नै लेयगो। वा रे माचै रे ओळी-दोळी घणाई मिनख जमियोडा। घणी देर ताई हथायी चाली। रात आधी ऊ घणी ढळगी। अवै मुल्लाजी बोल्या—

अवै थे सैंग जणा आप-आप री ढाणी जावो। मालक रो नाव लेयनै सो जावो। दिनूगै वेग आ जाया। थारै उण मल्लजोध ने बोकराला। थाने ई ठा पड जासी कै वो कैडोक गाढ रौ घणी हे। इणनै ठा तो पडग्यौ है के काकोजी आय पूग्या पण अब बडै कीमै? जावे कुनै? ढाणी रै तो च्यास्मेर अेडौ जावतौ करियोडौ है के नेडो जावता ई नानी याद आवै। अवार तो छापळियोडौ पडियो है। दिनूगै उणनै सला पूछस्या। कवू अेडो करियो है के पूत चुळ नीं सकै। जावौ वीरा आराम करौ। यू कैयनै मुल्लाजी सोयग्या ने मिनख ई सैंग आप-आप री ढाणी गिया परा। म्हारो माचौ ई मुल्लाजी रै कने ई हो। म्हें ई सोयग्यो।

दिनूगै भाण किरण काढण ऊ पे'ल ई मुल्लाजी उठग्या। वाल्टी रै माय सू लोटौ भरनै निपटण सारु निकळग्या। पाछा आया पछे म्हें वा रा हाथ धुलाया। वै आपरा हाथ-मुह धोयने वजू वणाई। अगोछियौ विछायनै नमाज पढी। नमाज पढिया पछे वै पूठा माचै माथे बैठनै तसवी (माळा) फेरण लागगा। सूरज री पै'ली किरण रै साथै ई लोगवाग टुळ-टुळ ने विडदै आळी ढाणी आवणा सरु दैगा। मुल्लाजी रै आवण रो समचो सगळे मिनखा नै हुयोडो ईज हो। मुल्लाजी के करैला? कीकर करैला? अर विपळे नै आपरे वस में कीकर लेवेला? आ वाता रा कोडाया अर उम्हावियोडा मिनख अेकी नाळ हुयोडा हुडी करता आवै। थोडीक देर में तो आधे ऊ घणो गाव विडदै री ढाणी में भेळौ दैगी। वाखळ अर आगणे में मिनख मावे नीं। तुळसियो मुल्लाजी अर म्हारे सारु चाय लायौ। म्है चाय पी अर वाता में

लागगा। आज विडदे री वापळ में अक मोटी चाय रो देगडी चढघोडी। चाय ऊकळे अर मिनख वैठा-वैठा पीवे। सवा रे रोठा माये वात वस विपळे आळी। आज तो खास चरचा आ ईज छिडियोडी दूजी वाता ने दोड कटे? मिनखा ने उतावळ लागोडी के मुल्लाजी आपरी काम कितरी वेगो चालू करे।

मुल्लाजी माचे माचे ऊ ऊठने आगणे में आया। वे अक चोखे पाणी सू थोयोडो काच री गिलास मगायी। अवे वै कुचे सू ताजे पाणी री माजियोडी कळस मगायी। उण कळस रे माय सू वै गिलास भरियो ने अक पीढी मगायने उणरे माथे वैठगा। करीब आधे घंटे ताई वै वैठा-वैठा उण पाणी ने क्लाम पढ-पढ ने दम करता रैया। अवे वै उण गिलास रे पाणी सू अक चळू भरी ने जोर सू आगणे में अक छावकी मारयी। छावके रे साथे ई अक जोरदार रड क्ही। रड अेडी जोर सू क्ही के ऊमोडा मिनख अक दूजे री मूडी झाकण दूकणा। विपळी डाडती-डाडती बोल्या—

“वापजी म्हू थारी गाय हू, म्हने छोड दी। म्हें इत ऊमौ ई नीं रेवूला।” आवाज गैव पण साफ सुणीजे। मुल्लाजी रे चैरे रीस ऊ भरियोडी। वै बोल्या—

“हरामजादे! तूने खामख्यार इस गरीब इन्सान को क्यों तबाह किया? मरदूद की औलाद! अब तू छोडने के लिए गुजारिश कर रहा है? तुझे तो अब मैं नेस्तनाघूत करके ही छोडूंगा। बिला वजह तूने इस गरीब आदमी के नाक में दम करके उसका खाना हराम कर डाला।”

इतरो केयने वे रीस रे माय लगूलग दोय चळू पाणी लेयने भळे छावका ठोक्या। अवकली विपळियो जोर सू करळायो।

“अरे वापजी बळू हू, की तो दया करी। वासदी री लपटा म्हने दोरी घणी लागे हे।” विपळो गिडगिडवे हो। मुल्लाजी भळे दात किडकिडायने पाणी रो छावको ठोकता बोल्या—

“शैतान की औलाद! क्या तेरा सोचना खुद तक ही है? सन्दूक में रखे हुए कपडे तूने बडे गुरुर के साथ जला डाले। गुजार में डाले हुए भूसे को तूने चुनौती देकर खाक कर डाला। अब तेरा वह गुरुर, चुनौतिया और कुव्वत कहाँ चली गई? आजमाइश क्यों नहीं करता। हराम के बच्चे! जुबा बन्द क्यों हो गई? जवाब क्यों नहीं देता? नाचीज! किसी गरीब इन्सान की जिन्दगी से खिलवाड करते तुझे शर्म नहीं आती? बेहया, बेशउर, बदतमीज, बदकार, देख अब मैं तेरी क्या हालत

वनाता हूँ। तेरे वजूद को खाक बनाकर मिट्टी में न मिलादू तो मेरा नाम शमशेर मौलवी नहीं।”

अबै वै अेक कच री साफ वोतल मगवायी। अेक जणौ लायनै वोतल दी। वोतल लेयने वै माचे माथे जमग्या। आपरे कलामा (मन्ना) आळी सकळायी रै जोर सू वै विपळे नै वोतल रै माय उतार लियो। वे आपरै कनै पडे सीसी रै काग नै उठायो नै सीसी रो मूडो वद कर दियो। सीसी री मूडो वद करिया पछे मुल्लाजी वा वैठोडे मिनखा नै कैयो—

“धारला विपळीजी अबै इण सीसी में कैद हुयोडा विराजिया है। अबै वै बारे नीं है। अब तीन च्यारेक सैठा मोटियार दोय फवडा लेयनै म्हारे साथे चालो जगळ में। आ नै खाडावूज करने आया। आ नै माटी लाग्या पछे नैहचौ है। पूरो ई पाप फट जासी।”

तीन च्यारेक सैठा मोटियार दोय फवडा लेयनै मुल्लाजी रै साथे व्हीर द्रिया पण देखण सारू घणा मिनख उलळग्या। मुल्लाजी रै कैवण सू वे पडत भोम में पूग्या। मुल्लाजी वा नै आपरै पग सू अेरु जागा निसाण माडनै करीव छ फुट ऊडो खाडो खोदण री कैयो। मोटियारा दमेरु में उण जागा सात-आठ फीट ऊडो दरडो खोद नाख्यो। वोतल रै मूडे माथे अेक लावो धागो पैला सूई बाधियोडी हो। अबै अेक जणौ उण धागे नै पकड नै होळे-होळे उण खाडे में उरावियो। वोतल जदे ठेठ तळिये पूगणी तो उण धागे नै उण खाडे में ई छोड दीनौ। खाडो पाछे तुरत फुरत बुराय दीनौ। पोली जमीन नै पगा सू खूदा-खूदा नै मजवूत कराय दी। विपळे नै खाडावूज करने सैग मिनख मगन द्रियोडा मुल्लाजी रै साथे विडदे री ढाणी आया। मुल्लाजी की काया द्रियोडा हा, माचे माथे आडा होयग्या। विडदे री ढाणी में सुख सायत बापरणी। अेक पलीत सू मुगत द्रियोडा सगळा ई घर आळा घणा राजी हा। चूकता रा चेरा अबै खिलियोडा निगै आवै हा। डोकरो विडदौ घणो राजी हो। वो गदगद् द्रियोडी मुल्लाजी रै माचे री ईस कनै बैठगो। विडदो हाथ जोडने वेल्यो—

“मुल्लाजी थे तो न्याल कर दीना बापजी न्याल! अे धकला दिन तो अबै आपरा ई दिनोडा है। के ठा पडे? ओ कगाल म्हारै माय केडी वितायनै छोडतो। जवरो काम करियो। म्हारो तो जमारी सुधार दीनौ। म्है तो ऊडे दरडे में पूरा ई पडियोडा हा, आप ई खाच नै बारे लाया। घोर अंधारै में टिप्पा मारै हा, थे हाथ

पकड ने चानणे में ले आया। पथ भूल्योडा ने थे मारग वताय दीनो। म्हारी तो विगडियोडी ने थे ई सुधारी। डूवता री सवळ वण'र थे उवार लिया। जमपास सृ मुगत करायने थे म्हारी तो जिनगाणी वचायली। म्हारी उखडियोडी जाजम ने थे पाछी विछाय दी। हारियोडी वाजी ने थे जीत में ले आया। अवखी में अेडा आडा आया हो के केवण आळी वात नीं है। माडसाव आळी सजोग म्हारे तो आधे आळी वाटवड व्हेगो। मिनख कोरी आली पाटी वाधे हा पण था आया आवरू रेंगी। म्हारली साळी वापडी मुकनो म्हारली दुख माडसाव रें काना घाल्यो जदे आपरा दरसण व्हिया। आपरें आवण सू ई म्हारे तो चोखा दिन आया। आपरी टाकणी सजयी नींतर म्हारी खाल खराव घणी व्हेती। म्हारा तो टिकट कटियोडा ई हा। पण पूरा फर्सियोडा हा पण आपरी पगफेरी वाजी राखदी। विडदी मुल्लाजी री अहसाण खूब मान्यो। वा री विडद वखाण करती विडदी थाके नीं हो।

विडदो अब मुल्लाजी सू अेक अरदास करी। वो बोल्थी—

“आप पैला तो रोटी जीमो अर पछे म्हारी अेक नेनीक भेंट अंगेजण री मैर करावो।

“विडदा! म्हें नीं तो रोटी जीमू अर नीं धारी भेंट नै ई अणेजूला। इणरो सीधी सो कारण ओ है कै म्हें जिण ढाणी अेडै काम सारू जावू जदे नीं तो धकलै रें धरें अजळ करू अर नीं दिखणा रें रूप में क्री लेवू। जे म्हें दिखणा रूपी की वसत ले लू तो म्हारी सकळाई निरथक व्हे जाय। इण सारू भेंट म्हारे वास्तै अलीण है। यू कदैई आडै दिन आयग्यो तो रोटी अेक बार नीं दोय बार जीमूला। जीमू क्यू नीं, म्हारो आपरी घर है, पण आज नीं।”

विडदै रें हमें वात समझ में आयगी। जूनौ अर समझदार मिनख हो। वो वात री सार काढ लियो। सात व्हेगो।

मुल्लाजी भळे बोल्या—

“विडदा! छेकाई सू अेक कोप चाय वणवाय नै ले आवो नै ऊट त्यार करनै म्हने पूगावण आळी सराजाम करावो भाईडा! भा खासी लावी है, टेम लागैला।

मुल्लाजी अेक कोप चाय पीवी अर ढाणी ऊ वारें उण सागे ई ऊट माथै तुळसियै रें सागे बेठगा। तुळसियो टिचकरी देयनै ऊट नै ऊगो करियो। ऊट रवाने व्हियो। विडदै आळी ढाणी में ऊगोडा मिनख मुल्लाजी नै देख रेंया हा। सैग मिनख मुल्लाजी रा न्यारा-न्यारा वखाण करे हा।

“आदमी फित्तारी नेकनामी है, पइसी टक्की लेवणी हराम समझी।” अक जणी बोली।

“फित्तारी परमारथी आदमी है? मिनखा री दुख काटती फिरै है रात-दिन।” दूजोडी बोली।

“म्हाटी म्हने तो हेप आवै के पइसा टका लेवणा तो आगा रैया, दुख काटे अर उण घर री तो अजळ ई नी करै। इणसू वत्ती ईमानदार तो के होवै?” किरतो बोली।

“परमारथ सारु त्याग देखौ नी। अक दिन घरै नी टिकै। आपरै घर री सेंग कर्म-धयौ छोड राख्यौ है परोपकार सारु। अर यू देखा जदै औपत अक टके री नी। आदमी रै खोलिये में ओ तो देवता ई है।” हमकली पोकर बोली।

“अेडा मिनख तो जोवरळा ई लाये है भाईडा। खुद री काम खोटी करने दुनिया रै मिनखा रै दुखा में पडणी, कम बात नी है। बोल बडी बात है। पण आ ई कूड नी है कै खुद री बिगाडे जदी तो थकले री सुधरै। सुवारथ नै तो नेडी ई नी राखै। जदी तो कनै सकळायी है। टुकडखोरा अर लोभिया गोडै करामात क्यू लाधै?” अवक्ती नाराणी बोली।

“आपरी आगोतर सुधरै है। इण कमज्या सू आ रै माथै सावरौ फित्तारी राजी कैला? जदी तो सास्तरा में परहित सै सू ऊबौ धरम मानीज्यौ है। अेडा रै सारु तो भगवान रै घरे सुरग रा दरवाजा खुलियोडा ईज है अर मोख तो अेडा री हुयोडो ई समझी। आदमी नी परेस्ती है।” डोकरी पुरखी बोली।

इण भात बाखळ में ऊभोडा मिनख तो मुल्लाजी री बाता करै हा अर म्है माथै रै माथै ऊभौ-ऊभौ ऊट नै देखै हो। तुळसियै रै लारै आसण में ईमानदारी अर नेक्ती री पूतळी, परकज्जू, मालक नै सिर माथै राखणियो, भूत प्रेत, विपळा री रिप, मिनखाचारै री हिमायती, हक अर हलाल री खावणियो अर जिनगाणी री मरजादावा अर सिद्धाता री धणी आपरी झोळी खवे माथकर लटकायोडो वेठो हो अर वो सागै वेळायौ ऊट वडगडा-वडगडा जावै हो।

पन्नौ

उण दिन गोकळ सुथार री ढाणी रै माय खतोड में म्है खासा जणा भेळा कियोडा वेढा हा। आप-आप रै अडाव सू कैई जणा आगे-लारे आय नै गोकळ री खतोड में भेळा दिया हा। म्हारे तो पाणी री मटकी मेलण सारु अेक टिमची घडावणी ही। म्हारली ज्यू ई दूजोडा रै ई न्यारी-न्यारी खापिया ही। किणी री जेई, चोकनी रा सीगा दूतोडा तो किणरी तबर रो डाडो भागोडो। किणी रै नूयीं हळ री चऊ घडावणी तो कोई रै घट्टी री चापडी वणवावणी। भेरो वोरडी री अेक पाधरी लकडी पिराणी घडावण सारु लियोडो येठो। थोडीक ताळ में मोटा-मोटा खैखारा करतो पदमो आय पूगो, जिणरे काथे माथे कृभटे रो मोटो लकड उखणियोडो, लायनै खतोड में पटक्यो।

“इण लऊडै री के वणावणो है पदमा?” मूळो पूछियो।

“मूळा! अघकी अेक वेवटे री मन में आयगी। लकडो घणोई मोटी है, देवटो अडीजत घणैला। जे लकडी उवरगी तो दो च्यारेक डोया वणावण रो मती है।”

गोकळ इकळापी आदमी नीं। आठ दस भिनया री भेळप सू पूरो राजी कियोडो अर आपरै कमतर में पूरो लागोडो मन ई मन में सोव्यो-“भिनख किणरै मूडे पड्या है? अै तो भाग अर जोग सू ई कदै-कदे हेकण ठीड जुडै। वो आपरै मोटोडे वेटे राणिये नै चाय वणाय ने खतोड में पूगावण री भोळावण देवती हेलौ करियो।”

थोडीक जेज में राणियो चाय आळी देगडी अर वाटकिया गोकळ रे गोडे लायनै मेल दी।

“पदमा! वाटकिया मे चाय घाल-घाल नै सगळा नै पिलायदे।” गोकळ बोल्ह्यो।

पदमौ छाणणियै सू चाय छाण-छाण नै बटकिया में परोसी अर सैगा नै पिलाय दी। कीं चाय अजै देगडी में उवरियोडी ही। सैग जणा चाय पीवै नै वाता रा दोटा दवे। बीच-बीच में केवता रा बोल इ कनना में पडै। उणी वगत सुरजण आपरै हाथ में अेक पीढियौ लटकियोडै, जिणरी ऊपळी भागेडै, आय पूय्यौ। सुरजण सीधौ-सादो आदमी। पूरौ रामनेमी। गोडे नीं तो गपोडाबाजी अर नीं कूड। पदमौ सुरजण नै ई चाय पिलाई। सुरजण चाय पिया पछे वाटकडी अेक कानी सरकाय दी। सभा सागेडी जुडगी। चाय पिया पछे चिनीक जेज ऊ गाव-ठाकर जोगजी ई सताजोग सू गेडी हाथ में लियोडा वित आ पूया। ठाकर नै सैग जणा मुजरौ करियो। वा नै आवकार देय नै माचै माथै बैठाया। ठाकर माचै रै माथै बैठागा।

“ठाकरा डाणे हो?” गोकळ पूछ्यौ।

“डाणे तो के करमा रा हा गोकळ। पडता दिन है भाईडा। वातडी तो हमें बीतोडी ई है पण तोई लीलै तवू आळै री मैर है जिणसू अजै तो फिरा हा।”

“धू गोकळ मौज में है?”

“हा ठाकरा। भगवान री दया है, ठौरभठोर हू।”

“तो भलीह बात है गोकळ। जोगमाया सैगा नै वणिया राखे।”

“रावळै कुनै ऊ पधारिया?”

“भागूडे मेघवाळ कने अेक पट्टूडो नै अेक वरडी बणावण सारू न्हाख्योडा हा वै लेवण नै आयौ हो, अजै त्यार नीं व्हिया जदै धके वुवौ आयौ।”

ठाकर खासा पुछ्ता। दाढी, मूछा अर भापणा तकातक धोळा धक्क। राठोडी वगत में सौरै तासळै जीम्योडा। अराडा धोपटा करियोडा, जिणरी साखी भरतो वा री डील खुद मूडै वोलै। बोली रा फूड पण उमर मुजव बदळाव आयोडै। पैडै सू ठाकर पूरा काया व्हियोडा।

“भली करजै भवानी!” केवता धक्क वै माचै माथै आडा क्हेगा। ठाकर वाता रा पूरा रसिया। वात सुणण अर केवण रो हृद सू जादै कोड। कोई जे वात माड दै तो उणनै पूरौ वित लगाय नै सुणे। ठाकरा सारू चाय अर अमल रो मावौ हाजर करीजियौ। ठाकर मावौ उगायो अर चाय पीवी। पैडै आळौ थाकेलो दूर व्हियो। गोकळ आपरै क्रम में लागोडी नै दूजोडा ठाकरा ऊ वाता में लागोडा। ठाकर साब रै आवण सू सभा सागेडी जोर झाल लियो। मेफिल जमण में कीं बाकी नीं रैई।

अचाणचक सेगा री मीट पन्ने माथे पडी। पन्ने रै हाथ में अेक हाथेक लावी ककडे री लकडी रौ चोट। पन्नी आय पूगो। सैग मिनखा सू राम-राम अर ठाकरा सू मुजरी करनै वो हेठो बैठगी। पन्ने रै सिणिया कूटण आळी मोगरी घडावणी। पन्ने नै देखनै कैई जणा हसिया तो कैई मुळकिया। पन्नी की नीं वोल्थी, चुपचाप वैठी।

“पन्ना! आ रै हसणै रौ कारण लाथी धनै?” ठाकर पूछ्यो।

“ठाकरा! म्हु ई मिनख हू। दोनू टक धान जीमू। कारण तो क्यू नीं लाधे? कारण तो लाधोडी ई है पण आ रै माय कोई भाई है तो कोई गिनायत। सैग ई सेण है। आ नै के क्यू? हसै तो भलाई हसौ, मूडी आ रौ आपरो है। पण आ है ठाकरा, कै म्हे तो म्हारी पार लगाय दी। अे निपट हसै ई है पण आ नै आ ठा नीं है कै ओ काम बळ अर छाती टळ नीं व्हे। इण कमतर रै करणिये री आख सिघ री दाई राती होवणी जोईजे। थोळी आखिया रै स्याळिये सू अेडा खेटा कद सज आवै? छातीतणी बाकम अर डीलतणो गाळ अराडौ व्हे जदे जायनै म्हारी कमज्या में मिनख पार लागे। थोथी धूक विलोवण सू के होवै?”

पन्नी अधखड आदमी। कद काळी अडीजत। मूडी दीपतो। डील छरहरी पण अराडी आकूत लियोडी। गेडी बावण में उणरै जोड रो नेडी-नेडी भा में निंगे नीं आवै। डागा लियोडा वीसा मिनख जे माथे उलट जाय तो पन्नी काळ नै नीं देवै। अेक ई गेडी आपरै डील माथे नीं लागण दे। खेटी करता पन्ने री आख नीं झपे। पूरी बळी। उणरै चरितर में कीं खामी नीं पण जवानी रै दिना में पन्ने में बोदो लच्छ अवस हो अर बो हो-चोरी करण आळी। पन्ने में आ बाण जरूर कोजी ही। आपरी जवानी आळी दिना में उणरा चोरी आळा कैई मोटा-मोटा रटका करियोडा मिनखा री आखिया सामी आज ई चित्राम बण्योडा। आपरे गाव सू दस वारे कोस अळगो जाय नै किणी गाव में पन्नी खाडौ घालती, उणरी आदत ही। किणरै ई फटीड ठोकनै वो रातू-रात पूठो आ जावती। पण खासा वरस दिया अबे वो इण चोरी आळी काम नै मुळगो ई छोड दियो। इण सारु ई पन्ने रै आवता ई लोग उण माथे हसिया हा।

“खासे वरसा पैला अेकर पन्नी आपणै गाव सू दस वारेक कोस अेक गाव में आधीक रात री बगत घरफोडी कर्यो। घर अर पूरे गाव में जाग दैगी। पूरी गाव भेलो दैगी। पण पन्नी नीं जाणे कीकर साबत निकळ्यो? नै म्हाटी आय पूगो

जाझरकै री देळा आपणै गाव में। उण बात री अजै हेप आवै।” खतोड में वैठोडै मिनखा माय सू अेक जणौ बोल्यौ।

ठाकर जोगजी खटली माथै आडा दियोडा हा, भच करता आ बात सुणनै बैठा कैगा। वै पन्ने सामी झाकनै बोल्या-पन्ना। आ बात थोडी-थोडी तो म्हारै ई काना पडियोडी है पण पूरी विगस्त सू सुणियोडी कनेनी। अठै आपणौ भेळा होवण री जवरौ जोग वणियो है, बात माडनै सावळ सुणा। आ बात तो सुणण सारु माय सू हियो चुळबुळवै। ठाकर री इच्छा नै ओळखतौ थकौ पन्नो अवै आपरी बात माड नै नेहवै सू सुणावण लागौ—

ठाकरा। उण दिन सोपौ पडता ई गाव सू दस चारैक कोस अळगौ किणी घर में घरफैडौ करण री म्हारै तेवड करियोडी। म्हारै पूरी खमकरी चढियोडी। म्हनै तो डाकण आळा बीर चढियोडा। कितरी वेगौ सोपौ पडै नै म्हे गाव सू निकळू। ब्याळू करिया पछै सोपौ सागेडी पडग्यौ जदै म्हे गाव सू निकळ्यौ। म्हारी आदत ही, म्हे कदैई म्हारै साथै गेडी नी ले जावतौ।

“गेडी नी ले जावतौ, धकै के थारौ नानाणी हो?” पदमौ मुळवत्तौ थकै बोल्यौ।

“पदमा। गेडी राखै कमजोर मिनख। म्हे गेडी क्यू राखू। गेडी तो धकलौ लेपनै इज आवै। जिणरै बूकिया में गाढ कै वो धकलै रै हाथा सू मुरड नै गेडी खोसतौ कितीक जेज लगावै। गेडी हाथा में आया पछै वा सागै ई गेडी उणरै झपीड ठोकण में काम नी देवै काई?” पन्ने रै पड़तर सू पदमौ की लचकाणी पडग्यौ।

हा तो ठाकरा। म्हु कैवतौ हो कै ब्याळू करने म्हु घर सू निकळ्यो। जगळ में सफ़ा निरात ही। भीमरा रा भरणाटा अवस सुणीजै अर कदी-कदी कोघरिया री करळावणी काना में घणौ आहजौ लागै। म्हे डाडी छेड नै घणकरी उजड ई वगू। रात नी तो साव अघारी अर नी घणी चानणी। गुदळियोडी। म्हे वथूळियौ वणियोडी अर हुडी करतौ मोटी-मोटी बीखा भरु जाणै मौस्त चूकतौ कै। आधी रात रै ढळ्या पछै म्हे म्हारै चीत्योडै गाव में पूग्यौ। गाव पूरौ सात नै नींद में ऊगीजियोडी। माथै केलूडा न्हाख्योडा कोजा दूढा अेक दूजे सू सटियोडा। गळिया सफ़ा साकडी नै वा रै माय जागा-जागा घोना लरडा री मिगणिया अर ऊटा'ळा मीगणा बिखरियोडा पडिया। म्हे अेक गळी रै नुक्कड माथै ऊभनै चिन्योक फूकारौ लियो। उणीज गळी में म्हे धकै वधियो। खासौ चालनै म्हे जीवणी कनेनी अेक घर में बडियो। जोग री

वात-घर साव खूटोडी, टोटै री टापरो। घर में भुवाजी वडियोडा। ऊदरा थडी करै। चापै तो चादी अर रगडै तो गोडा। माथे में सपाकौ सो लाग्यी। ओ तो डूम रै घर सू ई गयो वीतो घर दीसे। किंत आयने भचीड खायी, म्हें मन में सोच्यो। म्हें हाफळियोडो अथारे रै माय धन रो ठोकक घासा हाथ-पग पटक्या पण चीला रै आळे में मास कद लाधे? म्हारे पल्लै की नी पडियो। लालच में पडियोडौ म्हें भळे वोडोक आगे चाल्यो। आगे आगणे में ई अेक वूढळियो लावो व्हियोडो पडियो। अथारे में म्हारी पग सताजोग सू उणरी सायळ माथे आयग्यो। वूढो डेण म्हारो भार कद पमे? डोकरियो जोर सू रड करी—

“अरे नाग खाघोडी मार नाखियो रै म्हनै।” अठे के थारे वाप री हेमाणी गाडघोडी ही? वेटी वातडी उल्टे गेड जाती रैई पण अव के साथो लागै? डोकरिये री आकरी रड सू घर आळा तो जाग्या जक जग्या ई पण आडला-पाडला जाग पड्या। गाव आळा भेळा रा भेळा उण साकडी गळी में आयने ऊभग्या। चोर कुनै गयो? कुनै गयो?? अेक दूजे ने पूछे।

“दीखता ई भोड में कैडीक डाग मचकावो।” अेक जणी बोल्यो।

“सावत जातो नी रै, पकड नै केडोक कादो काळो।” कोई दृजोडो बोल्यो।

“अेडौ जतरावणी कै पृत ने छटी रो दूध पीयोडो याद आ जाय। जे झिल जाय तो कनफडा ठोक-ठोक ने बोळी कर दो। चिगद-चिगद नै लुगदी नीं वणे जितरै छोडणो नी रै। अेडौ घुरावो के इण दिस भळे कदै ई मूडो नीं करै।” आवाजा आवण लागी।

आधा सू घणा कनै गेडिया। म्हें मन में विचार करियो—“पनिया आज थारी मौत आयणी।” इणमें फरक नीं। म्हें हडबडीजियोडौ घर रै वारलै छेडे आयग्यो। अव जावा तो ई कुने जावा? गळी में तो मिनख मावै ई नीं। थोडीक छेटी सू गेडी लियोडौ अेक ठीलै आगे रौ मोटियारडौ ऊभोडो डोळा फाडे। म्हें ताचक नै उण री गेडी पकडली अर मरोडी ठोकनै खोसली। होळेसीक सागे गेडी म्हें उणरै भळे में ठरकाई। वो तो ऊभो ई नीं रैयी। गेडी हाया में आवता ई ठाकरा! म्हारो तो वळ जाणै चौगणो व्हेगो। च्यार-पाचेक जणा म्हारै माथे ह्केण साथै टूटने पड्या, पण गेडी री तो म्हें पूरो केवटियो। दोय-च्यारेक झपीड म्हें इतरा आकरा वाह्या कै तीन च्यारेक नै धूळ चटाप दी। वै गळी में पड्या जाणै खेत में वाढ्योडा पूळा पडिया

कै। गाढ साकडी नै लावी होवण सू सगळा अेक साथै म्हारे माथे हमलो भी ती नी कर सके, आ वात ई म्हारे सारू ई ठीक वणियोडी। अवकली अेक सागेडी धोक करनै म्है लाठी रा दोय च्यार पळेटा अेडा दिया कै दोय तीन जणा रा भोडका रगोज्या अर वा मे भग्गी पडगी। भग्गी रै भेळी ई म्है अेकदम पलट्यो। दोड नै उणीज घर मे वडियो, जिणमे चोरी करण सारू म्है सपेलडो वड्यो हो। म्है लारली बाड माथकर कूद नै उलटी दिस ठेक्क दिया। वै मिनख तो आई सोचता रैया कैला कै सेवट तो चोर नै आवणी अठी कानी सू ई पडसी। म्हनै तो भगवान ई सुमत दी जकै म्है लारै कानी सू ई तेतीसा मनाया। म्है दोय-तीन कोस तो भागतौ ई रेयो, लारै कानी पाछल ई नी फेरी। विचार करियो कै गाव आळा वाऽर चढैला, तो ई वे धकै ई जावैला। अठीनै तो आवण ऊ रेया। ओखाणी है कै 'लौकी रै लक्ख मारग है।' उणसू कोई मारग छनौ नी है। म्हारे सू ई उण ककड रा मारग छाना नी हा। कोजोडी कमज्या रै खातर सगळी ककड म्हारे पगा सू खूदियोडो हो। अठी वठी फफ्रा मारतौ-मारतौ म्है मुअधारे आपणै गाव आ पूयौ। ठाकर जोगजी अर खतोड में वैठोडा सगळा वेली पन्ने रै मूडे सामी झाकण लागग्या।

“इतरै मिनखा रै जाझे झूलरै सू धू वच नै सावत निकळग्यौ, थारै वळ अर वाकम नै घणा-घणा धिनवाद है पन्ना। थारी जणणी थनै भलाई जायौ।” ठाकर बोल्या।

“छातीतणी कूत अर डीलतणे गाढ टाळ अेडा काम थोडा ई व्हे? राती आखिया आळे सूरू सू ई अे कमज्यावा वण आवै। धोळी आखिया रा रेवूद्या तो वापडा घणाई फिरै।” ठाकर भळै विडद-वखाण करिया।

“ओ तो म्है हो ठाकरा। जकी थोडी छाती तणी वा'दरी नै थोडी अकल हुस्यारी रै पाण वा नै चकमौ देयनै सावत निकळग्यौ, नीतर म्हारी जागा जे कोई दूजौ होवतौ तो मारिये टाळ नी छोडता।” पन्नी बोल्थो।

“हा तो वा साप्रत दिखती मौत ई ही पन्ना।” ठाकर पडूतर दियो।

“पन्ना थारै गेडी आळे कराट री करामात री वात सुणनै म्हारी तो नडी-नडी नाचण नै लागगी। थारै गेडी आळे वळ पाण ई बाजी रै'गी भाईडा, नीतर इतरी मानखी नै वो ई खार खाघोडी के छोडै? जे झिल जावतो तो मूत पिलायनै छोडता। खाल खराव अेडी करता कै जिनगी भर याद राखतो। लाटी अेडी लेवता कै टकै

रै भाव विकती। लीद काढ ने छोडता। कनफडा में ठोक-ठोक ने वगनौ कर न्हाखता। थारा दिन धरै हा जक्रे थृ टावरा रै भाग रौ अेडी वलाय सू खेटो करनै धरे आय पूग्यो। चोरी आळै घर में वड नै लारले कानी सू भागणो धारो अकल आळी काम रैयो। इण सू ई वात वणियोडी रैगी। आज तो मतो करनै म्हें गोकळ आळी ढाणी भलाई आयौ। अेक वा'दरी आळी वात तो सुणी।" जोगजी मगन व्हियोडा बोल्या।

"पन्ना! आणद आयग्यो आणद। मोटियार गाळै थारे माय जकी कूत ही, उणरो म्हेने तो आज ई ठा पडियो।" ठाकर भळे बोल्या।

ठाकर चिलम रा पूरा रसिया पण पन्नै आळी वात में अेडा रमग्या के चिलम ने पातर ईज ग्या। वात पूरी होवता ई वाने चिलम री वायड आयगी।

"अरै पदमिया! सुल्फी चाढने लावे नीं, फूक खाचा।" पदमौ फूक देयनै सुल्फी त्यार करी। काकरो जमायो, पछे गट्टे माय सू गुड नाख ने वणायोडी माळवण तमाखू रौ पान भरियो। साफी आली करनै चिलम रे माथे वासदी रौ खीरौ मेल नै दो च्यारेक फूक खुद खाची ने सिलम्या पछे ठाकरा नै झिलाई। चिलम पिवणिया ठाकर रे ओळीदोळी बेठगा। चिलम रौ गेड खासी देर बुहो। तमाखू बळी जदे पदमो उणनै अेक कानी झाडी। ठाकर पन्ने आळी वात सू पूरा मगन व्हियोडा, जाणे सेर घी पियोडा। ठाकर रौ मन पन्नै रै मूँडे सू भळे अेडी ई कोई अखियात सुणण सारु इछ्या करै।

"पन्ना! अेडी री अेडी कोई धारी जिनगी में घटियोडी वात भळे सुणावे नीं। अजै मन नीं धाप्यो।" ठाकर इछ्या जताई।

"पन्नै आळी वात पछे सुणजो ठाकरा! रोटिया त्यार है, पेला रोटिया जीम लो।" गोकळ बोल्हो।

"राणा! रोटिया ने ओलण इत खतोड में ई लिया मोटियार।" गोकळ आपरे वेटे राणे ने हेलो करियो।

राणी रोटिया आळी छवोलियो, ओलण आळी हाडी, राव री पारोटियो, छाठ री कुलडियो अे सैग खतोड री वाखळ में ले आयो। अेक छावडिये में थोडा कादा अर वा नै वोटण सारु चकूडी ई ले आयो। पीळी जरद मुटकणी नूवोडी वाजरी रा सोगरा ने साथे काचरी अर गवारफळी री साग। सोगरा साथे इण तीवण री

जवरौ मेळ। चतर लुगाई रा जे हाथ लाग जाय तो पछे क्यू पूछी वाता। आदमी खावती-खावती ई नी थापे। भेळी आगळिया ई खा जावे। सेंगा नै वडी जुगती सु जिमावण आळी काम सुरजण करियो। सेंगा रे जीम्या-जुट्या पछे सुरजण खुद जीम्यो। वरतण साफ करनै ढाणी मे पूता करिया। पदमी अवे चिलम भरी। ठाकरा साथे सेंग चिलम पीवे। ठाकर चिलम री फूक खाच नै भळे पन्ने सामी झाक्यो। पन्नो ठाकर री इछ्या नै भाप्यो। थोडीक ताल तो वो मौन व्हियोडो वेठो रियो नै पछे बोल्थो—

“ठाकरा! अेक वार भळे म्हें हेन्नी ठोड घणो आहजी फसियो हो। भगवान ई टेकी राखी, नीतर वाक्री मे चाक्री रेई ही।”

“कीकर व्ही पन्ना? विगत सू पूरी सुणा।”

पन्नी अवै आपवीती सुणावण लागी—

सीयाळे रा दिन हा ठाकरा! पौ रौ महिणो। ठाड ओडी भूडी पडे कै वरतणा री पाणी ई जमण आळी करै। जे मिनख गोडे सेंठी गावी नी व्हे तो उणनै भोपे वणता जेज नी लागै। म्हें काना माथे अगोछियो वाधने व्याळू टाणे ऊ पछे सोपे पडिया गाव सू नीसत्थो। सीयाळे री रात। मिनखा रा हाड धूजे। पसु-पाखी सै सी सू सित्योडा आप-आप री खोहा-खाडा अर आळा मे भेळा व्हियोडा पडिया। बोलण री किणने सूझै? खाथो वणण सू सी तो म्हारे नेडो-नेडो ई नी रियो। खाथी खाथी बीखा भरती म्हें दसेक कोस रे लगैटगे मजल पार कर सी। मारग सू पदरा बीसेक पावडा माथे बीस पच्चीस ढाणिया रौ गोळियो। गैरी-गैरी जाझी खेजडिया अर जाळा रे जुडाव सू दरसाव मन मोवणो वणियोडो। म्हें दमेक बठे ई रुक्यो। अेक ढाणी री वाखळ रे वारै अेक जूनो मोटी खेजडो सीथो सणक तणियोडो ऊभो पोरायती ज्यू लखावे। म्हें उण ढाणी मे ईज वडने हाथ मारण रौ मती करियो। ढाणी रे नेडे पूग्यो तो वारै खूटे सू वध्योडो भूरी वेठी। नोळ दीनोडो। आथी रात रौ वखत। मिनख आपरै खोलडा मे ऊडा बडियोडा पूरा सू लदियोडा पडिया। म्हारो मन करहल माथे डिग्यो। पागळ डील मे वणियोडो। माथे अेक हाथ धूभी। फूटरौ फरूरी, रग तेली। कठाळक रे कठा मे कवडा रो हार पडियो। भड्डो पूरो खीजियोडो। खीज आळे घोळे-घोळे झागा सू माकडाझाड रो मूडी भरियो। निपट फळगटी री ओडी सामी पडी पण आ दिना खीज मे आथा व्हियोडा अै कुळनारु नीरणी सामी क्यू झाकै?

ठाकरा! म्हें आखरातबर तो घणाई दीठा हा, पण अेडी घेंघीघर म्हें अजूस नीं दीठा हो। मदघर माथें मन पूरी डिंग्यो। वो मोटोडी खेजडो खूटें सू दसेक पावडा आगी अर उणरें सारें ऊभी करियोडी गेडी, जिण माथें म्हारी मीट पडी। गेडी रे दोनू सिरा माथें पीतळ रा पोला जडियोडा। तार सू पूरी वध्योडी। म्हें गेडी उठाय नै म्हारे कब्जे में करी। अवे म्हें होळेसीक इडरिये रे आगलें गोडा कनै वैठने चोर चावी सू (जकी म्हारे कनै ही) नोळ खोल्हो। नोळ खोलनै अेक कानी मेल दियो। म्हें भूणमत्थे रे वैठोडे माथे ई चढ लियो। अेडी रे इसारें सू हाक दियो नैसारु नै। करहलियो अवै भरण लागो लावी-लावी वीखा। थोडी देर तो वो ढाण वूहो अर पछे तो अेडी उपडियो कै मत पूछे बाता। ठाकरा! ऊट हो कोई सवार रे हाथा माय सू निकळियोडी। पूरी पेटायोडी। किणी समझू असवार रो फेरियोडी। जदी तो ऊट री सोळा आना दौड में ई माथलै असवार रे पेट रो पाणी ई नीं हिलै। कीं अेल नीं आवे। पाच छ कोस तो सरडी अेकी हुडी आयी, पछे नीं जाणें वो जम तो अेकदम विचर वैठो। खीजियोडी ऊट विचरिया पछे भूडी घणो व्है। पछे उणनै कावू करणी खाडै री थार। पोटावणे अर पुचकारणै सू तो भळै ई तावे आयै तो आ जाय पण कूटण सू तो काम मुळगी ई खराब हो जाय। म्हें घणी ताळ उणनै पुचकारियी, पोटायै जदी जाम नै वो कीं मारग माथे आयी। लारला पींड छीदा करनै चीढणौ सरु व्हियो। माकडा छटे नै हाथ-हाथ रो गलरी वारै काढे। म्हारै अेक हाथ में वेलचो अर दूजोडै में डाग। नाका कानी जोयो तो ठा पडियो कै दोनू तर विधोडा है अर नाक आळा गिरवाण ई झीक है, मोळा नीं। जित ऊट विचर्यो, उण जागा ऊट रे जेखण-उठण सू जमीं में खाडा सा पडग्या। खीज आळा फोफा ई अठी-वठी विखरियोडा पड्या। म्हनै ऊट री मिजाज अवे कीं ठीक लागी। उणनै म्हें पपोळ्यौ, पुचकार्यो ने थावस बघायौ। सायत रे साथे होळे-होळे झे-झे कनै झेकायो। ऊट झेकगो। म्हें होळेसीक माथे चढियो। आसण में टाग पडता ई वो भच करतो ऊभो व्हियो नै अेकदम उपडियो, अजणीपूत मारुति री दाई।

ऊट विचरण आळी राफ़रोळ में म्हनै कीं कैम नीं रियो उण तो ऊठता पाण आपरी ढाणिया आळी मारग पूटी पकड लीनो। खाथी वगण सू म्हारे ऊट री मूरी अेडी घोटियोडी कै भूरै री माथी म्हारी छती सू सटियोडी। तीन च्यारेक कोस री मजल तो वो उण खाकै ई करी, पछे कीं मोळी पडनै ढाण वेवण दूकी। म्हें आभै सामी झाक्यो, घटी आळी तारी उगोडी।

“झायरकरी तो थोड़ी ई है पण सूरज किरण कढ्या पेल स्यात् म्हें गाव पूग जावूला।” म्हें म्हारे मन में विचार करियो।

ऊट तो सीध साध्योडी वगीड करती जावे हो ने म्हें मन में उणमादयोडी कै आज तो जवरौ हाथ मास्यौ। गाव रै सीमाडै पूग्यौ तो म्हने वाडा-खेडा की ओपरा ई निगै आया। अक डेण गळी सु निकळ ने साम्ही आवै, हाथ में लोटियो लियोडो। वो निपटण सारु जावे। डोकरौ ऊट रै साम्ही आयी नै ऊभगौ।

म्हें हळफळियोडी डोकरे नै पूछ वैठी—“डोकरा! ओ कुण सौ गाव?”

डोकरियो गाव रौ नाव सांगे ई यतायौ जिकण गाव सू म्हें ऊट उठायी हो। गाव रौ नाव सुणता ई म्हें बोलियो—

“हे।”

अर उण हें रै साथे ई ऊट नै पाछी फोस्यौ। ऊट री चोरी आळी बात तो वा ढाणिया में बायरे री ज्यु फैल चुकी ही। डोकरियो तो उणीज टेम लोटियो जमीं माथे पटक नै गाव में उल्टे पगा दीडग्यौ।

“वो स्यात् ऊट रै धणी नै कैवण नै गयी व्हेला।” म्हें मन में सोच्यौ।

म्हें ऊट नै फटाफट मोड्यौ। ऊट अडोळो हो। ऊट रै थोडीक अेडी लगावता ई ऊट तो घोडा रौ ई बाप वणग्यौ। दिल में ओ ईज बैभ कै वाऽर जरूर चढेला। जे पनिआ झिल तो ग्यौ तो खाटी घणी करसी। इण गतागम में पडियोडौ म्हें ऊट माथे वैठोडी हवा सू वाता करु। पूरी ओघट में पडियोडी।

म्हें थोडोक लारै कानी झाक्यौ। जकी डर म्हारे मन में हो वो मूरत रूप लियोडौ, सरणाट करती म्हने बोकारती आवै। ऊटा माथे चढियोडा छ मोटियार हुडी करियोडा आवै। सेंगा रै कने डागा। अवै भाग्या कुण जावण दे? म्हें मारग माथे ई ऊट नै ढाव लियो क्यू के भायला सफा नेडै आय पूग्या हा। मन में सोच्यौ—‘आज पनिआ। मौत आयगी जिणमें फरक नीं।’ अक बार तो विचार करियो—‘ऊट माथे ऊ कूद ने दौड जाऊ। अै आपरौ डागो लेयने आपरो मारग पकड लेवेला। पाछी सोचियो कै अै दुस्मण नै यू छोड नै जावण आळा कद रा? आपा ऊट रै माथे ई वैठा रैवी, देखा करीकर व्हे? वाऽर आळा ऊट आय पूग्या।

“अवै ई चेटे नै ठा पडेला।” अक जणौ बोल्थौ।

“कान्हा! कनफटी माथे गेडी ठोकने हेठो न्हाखे नीं इण परधनखाऊ नै!”
दूजोडो वोल्यो।

म्हारें हाथ में गेडी पकड्योडी ने म्हें पूरो सभळियोडो। कान्ही अथळड नै खासो गाढ आळो आदमी। पण कान्हे रो आगी कीं ढीलो। साथिया रै कैणै सू म्हारें माथे गेडी झोंकी। कान्हे री गेडी म्हारें माथे आई, उण पुळ में म्हें ऊट माथे वेठो ई म्हारी गेडी नै तोल ने दोनू हाथा रै पूरें वळ सू कान्हे आळी गेडी माथे झाट बाही। म्हें भीभरियोडो ने पूरो तामस में आयोडो, ऊयडो व्हेय नै अेडी आकरी झाट बाही कै कान्हा'ळी गेडकी रा तीन टुकडा क्किया। अेक जोर री दाकल रै साथे ई म्हें ऊट माथे सू झुरग्यो। नीचें आवता इ वे सेंग जणा म्हारें माथे गेडिया लियोडा उलळग्या।

ठाकरा! हमें म्हारें माथे गेडिया बरसण लागी। म्हारें माथे हेकण साथे च्यार पाच गेडिया पडे पण म्हें म्हारली गेडी सू पलाव करवो करियो। म्हारें डील रै म्हें अेक ई गेडी नीं लागण दी। म्हारो वचाव करतो-करतो म्हें मोक्की देखने गेडी रो अेक झपीड अेडी बाह्यो के भेळाई दोय जणा गुडग्या। वे तो अेडा सूता जाणे काल्हे रा ई सूता हे। अय म्हारें सू खेटी करणिया तीन जणा रैया। वा रै माय अेक जणो तो कमजोर दिल रो आदमी हो, वो तो वा दोना रे गोडे वेठगो। वा तीना में अेक जणो घणी आकरी तास रो अर ताऊ मिनख। उण के टा म्हारें किण दिस ऊ लाटी ठोकी, जकी म्हारें मो'रा में पडी। माथे में पड जाय तो भेजी विघोर दे अर भवे में पड जाय तो सांगे जाण राख दे। म्हारें मो'रा में लीड अर हिंये में झाळ उपडगी। म्हें गेडी उवागनै उण रै लारे ताचक्यो पण लारला दोनू जणा म्हारें माथे उलळियोडा आवै। म्हें उण ने छेडने लपाक सू पाछे धिरिया। दोनू लठमारा माथे म्हारली गेडी री झपीड पड्यो। अेक जणो तो झपीड साथे ई जमीं माथे पसरग्यो नै दूजोडो दोडग्यो। वो दोडने उण धकलै गोडे जाय पूग्यो। दोनू जणा ऊभा-ऊभा वाता करे गतागम में पडियोडा। साथीडा जमीन माथे पसरियोडा आचिया सामी पडिया। वापडा आळोच करे।

म्हें ई ठाकरा, अवै पूरो आऽळियोडी हो। सफ़ आती आयोडो। पूरो खळ व्हियोडो। पूरो गळ में आयोडी। म्हें वटे सू न्हाटण रो मतो करियो। पण पाछे चेती करियो कै न्हाटण सू तो इतरी ताळ करियोडे खेते माथे पाणी फिरै। न्हाटण सू वात ई हळकी नै पोची लागी। म्हारें न्हाटण सू आरें भरियोडे दिल में सूरापण वापर जाय नै के टा अे भळे कळह करण नै तयार व्हे जाय। यू तो ओ म्हारी कोरी वै'म ई

हो क्यूँ के वै तो आप धापियोडा हा, छेहली नाकी आयोडी। तीन जणा रै खेरु होवण आळो आळोव ई वारी छाती में मावै नी हो। म्हारली गेडी रै लटका आळो भो ई पूरा भरियोडी हो वा में। पूरा फीटा पडियोडा हा। म्हैं अवै जावतो-जावतो वा नै थोडी गोदड भभकी वतावणी ठीक समझी।

म्हैं बोल्हो—‘के गुटरक्या करी हो ऊमा-ऊमा? भले की मन में है? खेटा’ली हूस व्हे तो म्हारै कनै आ जावो। या सारु तो म्हु अकली ई सी जितरी हू।’

वै तो आपरै मन में आ ई सोचै हा के कितरी वेगी ओ अठा सू काळो मूडी करै। इणरी अठा सू पाप कटे तो आपा ई ढाणी नेडी ला। ओ तो चोर क्यारै है, घाडवी सू ई मूडी है। वा रै कानी सू की पडूतर नीं आयो जदे म्हैं उठा सू रवानै व्हेगी। वा रै सामी तो म्हैं मरोड-मठोठ सू होळै-होळै चुवो पण आगे आया पछे तो गाव ताई म्हैं बडगडा इ आयी। पाच जणा सू खेटी करण में खासी चेचळ पडी। म्हारो डील जरकयोडी व्हे ज्यू व्हेगी। ब्याळू करिया पछे सोवती बगत म्हैं भैस री सेर भरियो दूध लेयनै उणमें पाव भरियो धी नाख्यो अर चूल्हे माथे ओटायो। दूध नै कढावती टेम उणमें चिनीक हळद नाख दी। ठडी होवण सू पैला निवायी-निवायी पोयग्यो। दूध पीवता ई म्हैं खूटी ताण नै सोयग्यो। दिनूगै दोय घडी दिन चढिया ऊठियो। डील अकद्रम नरम नै चगी। डील आळी दरद कुनै ई गयी। विल्कुल रफा दफा। बारा पडग।

ठाकरा! देखो जोग री बात। उण ऊट आळी चोरी में म्हारै पल्लै की नीं पडियो। पल्लै पडियो सिरफ खेटे अर खेटे सू ई पैला जकी चीज पल्लै पडी वा ही गेडी। खेटे में वा गेडी म्हारी पूरी मदद करी। वा गेडी अजै म्हारै सजीरे आळै ओरे में पडी है। जद कदी उण गेडी नै म्हैं देखू, उण खेटे रा चित्राम परतख रूप सू म्हारी निजरा सामी फिरण नै लाग जावै।

पन्नी री बात पूरी व्ही। खतोड आळी वाखळ में वेठीडा सगळा वेली पन्नी रै मूडे सामी झाँके हा। ठाकर जोगजी पन्नी ने घणा-घणा रग नै धिनवाद देवता जावै हा। चोर री छाती सैठी पण पग काचा हुया करै हे। वो छाती रै जोर सू हिम्मत तो करलै चोरी करण री, पण चिन्योक खुडकी होवता ई भाग छूटे जदी तो पग काचा बाजै, पण पन्ना! थारा पग तो अेडा द्रिढ कै भला-भला रा पग पाछा दिराय नै छोडै।

“वाह रे पन्ना! श्रूत! थारी दोनू वाता सुणने जीव सोरो होयग्यौ भाईडा।”
ठाकर जोगजी आपरी दाढी सुळझावता, गुमेज साथे मोटा-मोटा खेंखारा करता
वेल्या।

गोकळ पन्ने आळी मोगरी घडने त्यार कर दीनी ही। पन्नो आपरी मोगरी
लियोडो जावै हो अर ठाकर उणरी वा'दरी आळे कामा माथै मगन व्हियोडा उणरा
विडद-वखाण वाचे हा। पाण-आपाण रै घणी अर सगत रे सूर पन्ने आळे घेटा
रा चिनाम सेंगा रे हियै में भाडणा री दाई मडग्या हा। जवानी रै दिना केडो
आलोमल्ल हो पन्नी।

□ □ □





डॉ. अस्तअलीखान मलकान

निधनी सफरतख्त फतखान
जन्म १० जुलाई १८३६
मर नगौर जिन्ने रो ईरानकन कसबत रो कब बेरो
छोटो
बपई अम.जे. बी.एड (वि.वि. जयपुर आ जेयपुर)

लिखारो रो छपियोरी पेरियत

राजस्थानी १ ऊदी दीठ (कव्य), २ अपन रा सोरख
(छपियत कव्य), ३ कित रा पत्रे (निकय), ४ रफिक राजखान
(कव्य), ५ कुदियत कसबत (कव्य), ६ बीर बलारी (कव्य),
७ उषियत अखतूरत (संगरा)

अणखरी पेरियत

१ राग रो कटो (कव्य), २ कान कसबत (कव्य), ३ शैफिक
कान कटो (कव्य) (अखरीम रो प्रसिद्धत रो फतख कबजुवर),
४ धरम रो जीत (उड कव्य), ५ पोरक रो कान (कत ली),
६ दूख रो खीयत (कव्य), ७ मकत रो मुनदस्तो (कव्य)
हिन्दी १ इन्तोजिनक का हिन्दी पद्यम कबजुवर, २ धर्म
को जीत (उड कव्य)

पुरखार बीर बलारी काने सिदीकस्त सेकबत पौर एम्बुदेकन
जेयपुर सँ पुरखार

सम्मान

दक्कित लखिय असदनी नई दिती सँ डी अम्बेडकर एवार्ड।

राजस्थानी मय जलोर सरखान बानी सँ नई दिती मे डी
आर.लिट रो उडयि।

हिन्दी अर राजस्थानी रो कवी डी पत्रिकया मे बरस सँ
मय-मय मे लक्षण प्रमसय।

राजस्थानी मे अखरासकाने जेयपुर सँ कव्य अर कसानी पठ
रो नई बरस सँ प्रसरय।

बकरी गोष्टिय अर कबयेकलक मे पकययन।

संक्षिप्त कवी न ८, कवय मय, दीडकन लिख नगौर